



刻孫齊之先生松韻堂集

長子孫  
振鐸西  
歸卷七

相傳至  
藏書

海虞 孫七政 著

卷七

詠雪

霏微集簾幕歷亂沾衣襟漸變青山色遂成瓊樹林  
江梅應斂影郢曲自抽琴誰識閉門者長懷白雪心

病中述懷

白頭騷屑黯銷魂家破空餘手內尊身外浮雲真浪  
跡眼前春色即桃源寒流寂寂穿花徑夜月溶溶照

華門今日始馴麋鹿性但知芳艸遍乾坤

二

驚見池塘艸色新病懷幽思日相親無涯夢幻人間  
累絕壑煙霞世外春鼎內黃金終換骨匣中青鏡未  
埋塵阮生何必窮途慟洞口桃花不誤人

夢中作

花發猿啼嶂人家碧樹叢只疑霞外賞春色在壺中

咏夢

一結桃源想雲山意卽賒始知塵夢遠春色總無涯

喜馮山人子潛過訪因至禹錫山庄卽事

故人相別喜相逢投榻黃昏意自濃秉燭論心青眼  
對呼童貰酒白雲重春雷乍發驚山魅花雨初番起  
澗龍日夕風光催勝事扁舟江上且從容

天台萬歲藤哥贈阮步兵

昔在千歲上仙人曾持青竹杖或爲神龍或匿形變  
化莫測幽姿精螫作天台石上藤帝錫嘉祉萬歲名  
備經十帝反掌事委曲兩都翻覆情因知濁世真畏  
途何當杖此跼踖行惟有天台採芝叟阮郎曾住仙

家久嶺上雲霞無日無代裏風波未曾有以茲結夢  
通山僧願剪蒼玉隨仙霧不學漢家靈壽賜不逐葛  
陂風雨冥山僧攜來蒼霧生蛟龍鱗甲金石聲仙翁  
仗此壽無極佇看白日生羽翼朝驚蒼龍瞰八荒莫  
宿雲根鍊精魄春風已到山中宅萬樹桃花開石壁  
微聞天路松濤聲不見空山有人跡此中試杖仙翁  
行冷然萬籟都空寂石梁一度總悠悠回視人間淚  
沾臆信哉神物非偶然佩之難老通仙籍請君誦我  
昇天行步兵豈復窮途客

瑞花歌

有序

余家藥欄內有紫木芍藥數本歲壬午忽發兩岐  
者二枝歲甲申復發兩岐者一枝今茲乙酉乃發  
竝蒂一枝枝不作岐微放時猶作兩花稍放便相  
讓合成一帶其花側出翻作四照真如比翼奇甚  
而心溢作鳳尾特異常年八十老翁咸詫此花之  
瑞遂作小引繫之歌詩以備采摭云

瑞花者托根玄庭不殊謝家蘭玉之畔命名紫丹  
卽是省中紅藥之別昔在壬午甲申一枝而分棲

鳳尾茲當暮春三月竝蒂而交瑣蛾眉香濃露下  
暗識同心花動風前不分雙影蓋刺繡瑞氣而吐  
作連珠剪刻混元而呈爲合璧信化工之極巧花  
神之巨麗也若夫魏紫姚黃麗而不奇九衢四照  
奇而非瑞况復種魁羣卉色倩紫薇無端幻出優  
鉢難逢有意疊來瓊花未變考之農經花譜則未  
覩詢之故老者舊而不聞乃若朝廷郊藪之瑞則  
麟逞鳳巢軼生莫長而治在天下四國九域之祥  
則朱艸霧芝嘉禾岐麥而本在王家故茲雖一花  
之珍莫匪重華之應爲喜艸野亦被耿光遂作歌  
二章上以備逸史誦德之采下以祈美人瑤華之  
贈

其一章曰

九天兮膏露浹帝德兮重華洽艸木之花兮卿雲燁  
卿雲燁兮珠連璧合帝之德兮被羣芬兆嘉禾兮瑞  
紛紜亦布陽和兮寒谷春

其二章曰

我所思兮天一涯欲採仝心兮將寄誰芳艸兮信徽

孫齊之松音堂集  
瓊佩兮已齊美人兮但結全心期不嫌道遠兮長相思

又爲歌與張孫二翁

檜谷  
三峰

君不見洛陽名花千萬種特傳魏紫姚黃奇紛紛共  
逐春風散空令洛水愁臙脂又不見山經四照開迷  
穀碧海丹山誰致之曾是謝家蘭玉畔當階紅藥翻  
仙姿已見三花秀兩岐復看竝蒂分雙藹國色何當  
連袂來天香復染同心衣只疑卿雲天上度誤拂連  
理庭中枝優曇無色芝無種借問天工何自貽八十

老翁爭相詫花譜農經總未窺我見奇花益難老君  
家奕世禎祥滋合璧連珠在枝葉光風膏露由心期  
心期中有霧葩微年年歲歲懷芳菲君其采采莫相  
違主人拜獻萬年觴敬佩徽音永不遺願言人瑞同  
花瑞長見花枝芳酒卮

又爲歌曰

大塊有文章真機塞寰宇雲霞變態艸木姿燦然天  
工不言語何當剪刻萬古花春風作剪今偏賒每逢  
唐仲山頭春艸遍子游闕里霧花燦露勻却發全心

香風動不教雙影散無言天長鳳凰枝分明花吐卿  
雲爛天若有情誰爲開花若無情誰爲現應是重華  
天子重華瑞山中亦許巢由見

又先作一歌效韓體示兒輩

嘗聞聖王之世麥兩岐嘉禾公旦誇隆姬百穀乃是  
萬花基太和所集宇宙希木爲連理傳亦詫未聞奇  
花合沓開瑤枝歲昔壬午初發奇紫丹兩穎分雙蘂  
亭亭四花似連珠芬芳燦發優曇姿去歲甲申花更  
肥一枝兩岐徑尺圍今年乙酉不作岐兩花竝蒂連

修眉黃心特抽紫鳳尾其花四照若繡絺不惟花瑞  
種亦變自顧涼德來天禧況茲木藥稱花魁百卉安  
敢攀援之自今姚魏且却掃縱有瓊花安足希且昔  
壬子先隴西異本全蓋曾產芝去秋老杏突芝秀狀  
若夏雲夾赤曦天竹枝頭亦獻瑞白花變作紅杏嘻  
紛紛籍籍耀庭池一奇未已又一奇舉杯酌酒謝花  
神吾家種德積歲時種瓜紀夢已綿歷五世之間更  
陰培豈若曾孫朽木質無補人世空生爲此花之發  
定非偶庶有華實光本枝須知人爵不足華道德爲

麗方男兒膏露光風在寸田此中霽葩實芳菲卷之  
根抵不盈握舒之光耀燭紫薇結葉連枝非艸木星  
榆月桂相參差舉杯酌酒再謝花種花種德同繁滋  
上帝之鑒信不爽願花變作屈軼堯廷宜

贈別傅涪陽北上

仙詔迢迢下帝闈仙旌此日去吳門夏雲停蓋攀征  
騎春柳垂絲挽別轅傳說無心通夢寐商宗有意潤  
乾坤王孫相送欲何贈惟有芳芬澤畔蓀

贈汝師趙太史北上

江臯搴芳蓀天矯躡靈嶠玄覽周八荒遐探極幽眇  
乾坤雖茫茫哲人握其要顧瞻我東吳東吳孰基肇  
天欲開人文分周錫神奧歷代鬱嘉風菁華日宣耀  
菁華信云宣巨麗亦已尠譬奏韶氏音伯牙擅高操  
譬作商家羹惟說始和調叔季或頽風 皇家振洪  
造英哲接踵生將相比肩召憑高試騁望夾日丹霞  
照維皇覺羣蒙自我東南徼有美復膺 命旌節就  
周道佇看翔鳳儀千仞蔚丹藻此去侍 君王治安  
致清廟何以贈瑤琨爲君金錯報願言前哲規永在



君懷抱

阻雨寄趙汝師

故人一尊酒欲送宦游子宦游何迢迢帝鄉碧雲裏  
朝發胥江隈暮宿梁谿汜怨此岐路風美人隔烟水  
綠楊空飄飄芳艸何藿靡咫尺邈山河寸心不能已  
竚立遙相思相思日千里

題顧漢陵清秘館

啜茗對佳境蕭蕭竹樹新已忘蘭是室還意玉爲人  
圖史漫成癖禽魚覺自親看君會心處塵世得清真

贈方士梧楊子

清晝梧陰碧如水逸人小隱幽溪裏有時閒試青囊  
術龍法還能問天子

題王侍御石沙公報功祠

丹徼風裁迴自持五湖重建報功祠甌雲越樹三千  
里不及悠悠去後思

贈盛泰父時泰父自北訪張司馬岨嶸公歸

風塵匹馬事橫行不似諸生老一經祗爲交情輕朔  
虜曾將俠骨借西京閒開竹葉畱人醉笑指榴花刺

眼明更羨楚萊能戲彩相歡菽水是平生

送馮孟陽訪沈山人於四明却為燕關之行

憐君楚楚不得志千里辛勤訪故交多少侯門君自

薄獨懷高隱破江濤

二

片帆東下子陵灘夏逐秋風易水寒此去莫嫌交態

冷休文詩句滿長安

闔閭城懷古

落日吳王國西風范蠡舟不見浣紗子煙波空自愁

秋夜禪房對月有感因懷陳將軍雪堂

解道長安好長安倍自憐舊時淮水月空向客愁懸

心斷青門路身依白社蓮為君窺幻跡人世益茫然

邂逅吳子允兆梅子禹金二姚君伯道叔度喜

甚遂命酌松下撫琴列子御風諸操因賦得

松下琴以贈之同與則莫君公遠郭君次甫

吳君翁晉梅君季豹陸君纂甫趙張二君幼

安去華

何當見逸調松下徽冰絃一奏別黃鵠載彈求列仙

關山既綿邈身世亦冷然始信曲中雅枯桐枝上傳  
和鄔汝翼詠殘月如新月為徐茂吳美人

桂輪既已缺莫羨亦已萎夏長夜何永遠山出殘輝  
殘輝良皎皎入戶窺羅帷雖映東北墀亦復如蛾眉  
不傷直弦下但記破鏡期殷勤下階拜復怨明星稀  
祇為君歸遲翻使妾心疑

與諸彥集雨花臺得十三元

秋色日千里中林滿芳蓀況我同聲彥風期暗相敦  
攜此麋鹿性扣彼松蘿門高臺有佳麗躡屐窺雲根

花雨滅空色葉響淒荒原江山發莫靄清輝媚嬋媛  
芳聲起纖曲逸韻促行尊情來易紆鬱理勝謝煩冤  
卽物雖負俗澹慮懷微言願言丘中賞比德璵與璠

諸彥姓字

新安王十嶽 焦山郭次甫 京口鄔汝翼

閩中馬從甫 宣城梅季豹 禹金

吳興吳允兆 姚伯道 叔度

吳興吳翁晉 新安謝少廉 少白

新安方嗣宗 劉繼泉 項九川

新安潘景升 義興俞公臨 寧國許心陽

梁谿王元方 洞庭陸纂甫 雲間張去華

吾家父子 逸客許琴師 何雪漁

美人楊六姬 徐翩翩 李深 冉金

林兒得八庚 蘇山 郭次甫 京口 湯文

竹箭美東南 遊俠饒西京 出門見秋色 登高集羣英

江山結空翠 雲物增淒清 詎云窺素德 差欲薄華情

況爾聞玄言 雲霧忽以晶 計不見 易 孫 蘇 吳 湯 郭 次 甫

郭次甫得十一真 吳山 蘇山 蘇山 蘇山 蘇山 蘇山 蘇山 蘇山 蘇山 蘇山

秋日流爽氣 涼風起蕭辰 君子惜離居 四達來相親

登臺飛羽觴 逸韻絕無倫 佳人復在茲 宛然桃花春

落景不易停 感昔良苦辛 游目一江水 頓足六代人

既美榮與壯 不慚老與貧 各各吐芬芳 情勝詎可陳

梅禹金得十三寒 蘇山 蘇山 蘇山 蘇山 蘇山 蘇山 蘇山 蘇山 蘇山 蘇山

耆舊畱堪數 風流會獨難 但從新几杖 猶攝偉衣冠

名理千秋擅 年光六代看 蒼茫思不極 落日一江寒

二

白社開初地 青林覓舊壇 霧葩常作雨 落木乍知寒

問渡花中檝移庖竹裏盤百年長健在行樂好多端

三

清尊餘戀晚翠袖薄生寒腓州猶堪藉幽蘭且一彈  
盟應憑海嶽羣不入鷓鴣夏此人天裏同依佛日歡

吳駕部泳瀾招飲冶城山樓燭下分得明字兼

別吳季

秋日竹林讌風流有部兵帝城飛葉下仙閣望雲  
生白壁投非暗干將夜自明獨憐歌曲盡分手別西

京

田去江上書懷因懷白門諸社友

不分頭俱白偏教數獨奇始知京洛道空負武陵期  
瑤艸未應晚丹經早自窺攜家白雲去泉石好棲遲

二

四海多相訊孤心獨自搖秋分白門道夜渡廣陵潮  
木葉愁邊下年光客裏消歸來有松菊三徑日蕭條

贈新安王太古

吳江楓落句堪驚斗酒壚頭且共傾多少風流眼中  
客獨憐年少慰平生

送太虚子北上

少壯亦秉志老大苦不休才下不偶命矻矻空白頭  
今我師門彥翱翔入 皇州臨岐一握手悵爾聊淹  
畱之子川岳秀服膺在千秋不滿六尺軀三界兼羅  
收雅志局四海匪曰煙霞流而爲名教出所造益以  
適時清四陲晏廟堂蓄先憂嘉猷自之子緩步宜相  
投志業有常度語默無定謀願言順時命各使生平  
酬緬懷衆芳落內顧俛生愁匪爲岐路惻悽此周道  
由去去白雲遠三徑還相求

與吳允兆兒輩探西礪坐石相待

秋深霽益好古礪積苔色雖無飛泉聲林疎露石壁  
日夕披莽至苦無歸鳥翼孤彼獨往興松濤坐虛寂  
片月峰半來清影若相匹

與吳允兆翫月山中因懷沈山人嘉則

山中月自佳露氣襍虛靄桂馥流暗芳雲漢濕光彩  
清景若懷人衡門可瀟灑因思鹿皮翁秋溪滯江海

何將軍賣劍行

名良臣

君不見將軍有寶劍云是昆吾刀將軍與之生歿交

陣上功名何足多牀頭意氣干九霄精光白日不相  
匿浮雲橫決秋空高自言男兒當年不能牖下歿生  
當名世心不已報國須教萬里空借客西京詎相齒  
何當空負國士奇精誠貫日無人知寶劍寧嫌鐵光  
蝕壯心豈俟河清時生平足跡半天下平原已歿誰  
可依不如賣却腰下劍且與酒人俠客相招攜吁嗟  
將軍酒人乎悲歌慷慨心相期寸心若使坐相照干  
將可折萬事微孫生聞此意慘感恨無黃金爲君擲  
君今東謁弇州翁片言却重鼎與鐘朝中愛士趙大  
夫高風不下蛾眉峰試令緩頰見二公干將不歿干

古雄

贈徐松陵

末調牽卑風乾坤闕嘉氣不有大雅作王風孰昭晰  
上德垂衣理良牧彈琴治匪徒抱淳樸人文蔚精意  
聖明續千古本希曠華世陶養二百年距乏聲與利  
叔季訛澆漓操刀不能制大國靡烹鮮文治日彫弊  
卓爾偉長氏胸中孕精異泱泱中州風遊刃愜餘地  
襟期屬雲霄菁華燭魑魅澹蕩煙波邑情隨白鷗寄

江東文獻區譬海饒珠貝風流苟莫宗長裾豈輕曳  
緬彼二三子家家匿珍秘爲君各吐露心醉匪文秬  
粵予逃虛人心跡兩蕪翳亦懼良覲艱瀕行謁旌旆  
目擊雖道存溪心卽辭寓正值清明時鸞凰定天際  
冀君崇雅道巖穴被光賁持此區區懷聊以代瓊佩  
木蘭送戚少保東還蓬萊

旌節還家自渡瀘黃金解印聽吳歛欲酬衛霍攄忠  
略翻向喬松隱壯圖青海至今無號箭炎方何必謗  
明珠但畱昔日丹心在早晚  
君王賜虎符

又贈戚少保

南北登壇百戰功只今回首陣雲空惟餘一片報恩  
意不使千將笑匣中

二

夜飲弇山百尺樓酒酣微笑看吳鈞平生不賣盧龍  
塞白首邊庭未拜侯

三

征胡幾度急飛書白艸黃沙血染餘一日功成思學  
道蓬萊山上結茅廬



折盡雄心鍊九陽  
思將雲壑換沙場  
畱侯欲向赤松去  
只恐溪心負漢王

五

汲孺孤高重漢京  
蓬蒿亦自有狂生  
君今欲問江東士  
長揖將軍是子荆

哭阮將軍華山

大樹依然是蕭齋  
人已非蠹書空舊迹  
虎帳寂寒輝  
白首交何在  
春風花自飛  
傷心爭席處  
酌酒泣沾衣

題畫

江南杏花時  
風簾掠雙燕  
歸落梁上泥  
猶帶飛花片  
病中汪司馬伯玉見過敬酬短章

碧山松竹好蕭疎  
誰信窮愁懶著書  
忽訝占星傳太史  
不嫌排藿到荒廬  
花前媿乏野人饌  
門外空淹長者車  
一向枚乘聞妙發  
却教貧病恍然除

與龍司理君善論文舟次并送還楚中

美人才望籍明廷  
暫越江湖駐短亭  
波上論文邀水鏡  
花間吐玉借幽馨  
潘郎莫自愁多拙  
漁父由來忌

獨醒此去楚蘭方可媚君王瓊佩在寒汀  
美入同徐司理茂吳登昭明讀書臺得十一真  
翠微初霽夕陽新梁日荒臺尚未湮秀色但餘書帶  
艸虛濤若有誦絃人王喬嶺上何時返虞仲山中幾  
度春莫向雲溪招帝子秣陵遺事不堪論  
傷葉茂長

憶昨歲寒時逢君松陵頭殷勤斗酒間慷慨志前修  
謂予詩清新頗似韋蘇州是時霜已嚴震澤寒雲浮  
思得鱸魚膾衝寒網清流同集俱賢豪夏愛沈隱侯

意氣在千古寧惜披羊裘粵予復多病羨君壯不侔  
須臾過梁谿仍前恣遨遊此興謂可常孰能抱前憂  
詎意六月間一別卽千秋昨日聞君病吳王城畔愁  
今日夏聞君惻愴臨終謀使我黯無言揮涕不可收  
夏進生前酒君魂亦知不君生旣多艱歿後名亦留  
浩蕩一生志總向遺文求縱垂身後名人琴竟悠悠  
益歎人生世真若波面漚生前不痛飲彫謝徒山丘  
玉鹿仙丘篇爲顧玄言甫壽

昔見採真子五嶽事霧仙今看逍遙士一壑棲雲煙

適意投遠跡象心恣冥筌剪徑閱幽賞息關謝塵牽

二

塵牽無停機哲人止玄鑒靜室撫虛白迅流如泛濫  
止足柱下徵玄同漆園驗四域馳聲華一真守恬澹

三

恬澹本忘懷真宗默云契仙道乃不遐寤寐授霧秘  
會見朱艸生豈使霧膏閔珠鶴煙駕來玉鹿芝田至

四

嘗聞種玉者千歲顏色美復云麋鹿侶騰躍蓬萊汜

往往山海客挾此靡年紀願言永珍愛長嘯丹丘裏

五

丹丘何窈窕本是三神山鮮葩冬春耀青靄朝暮綠  
春申霸迹晦老氏玄風閒祗許禽尚蹤遡洄以追攀

老子有三神山惠山其一也玉鹿仙丘在惠

山之麓本名黃歇澗

自桃源澗越嶺尋破龍源遂抵維摩寺投宿

幾回度幽澗始聽招提鐘古木寒溪殿蕭然住一峰  
僧歸海月白客起山雲重旦暮此中趣但堪麋鹿蹤

夢中詩 并後序

軒紀推天製堯時布閏成卽今增甲子端爲節虛盈  
問朔三年合窺元一氣平羲和方有道日月自重明  
霧桂先教長仙莫却暗生亮因天統順萬曆永無傾  
右萬曆丙戌秋孟十三早之四夏許夢與今天  
子諸元宰殿上相議論命一題云一年有十四月  
節氣詩蓋謂閏年也予夢中卽占句云曆用羲和  
舊時因氣朔夏桂輪週復長莫莢遍還生首尾意  
俱就未成時在張仲幼于曲水艸堂之冷然閣森

兒以送楊司理應 召入京亦在郡城至廿有三  
日白露節夜分許以秋雨作寒不寐乃取夢中意  
隱括成此卽秉燭考韻以停作平以永言膺作永  
無傾次早試鄔汝翼墨書之槎兒侍側書竟黃伯  
尚質黃仲崇雅授衣喜甚

贈楚中劉維茂

避客條然臥艸萊白頭重見長卿才凌霄鸞鳳絃中  
下出水芙蓉句裏開楚國但存和氏璧燕王終築郭  
生臺何當搖落知音別相送江潭起暮哀

感遇和成處士  
浮雲世事豈堪論四海誰酬借客恩  
俠烈不慚非劇孟肝腸無復是平原  
惟逢猿鶴可青眼坐遠風波但綠尊  
却笑咸陽頭易白長踞空自曳王門

爲沈仲壽王文父

鳳城迢遞白雲邊聞有王喬好學仙  
赤舄已從秦帝授飛鳧還向漢時傳  
衣冠七貴曾先世蓬海三山不記年  
却憶淮南叢桂發直將招隱寄新篇

汪司馬借劔行爲蘇季子爾宣贈

并序

新都蘇季子義俠士也少年爲不義憤思血讎一人頭四顧錯愕噫嘻曰吾何從得寶劔乎當是時乾坤雖廣隘不重足司馬汪長公聞其事卽脫千金劔佩之讎卽震死蓋讎非歿劔歿司馬之高節動四國四國壯士聞之盡裂背欲血讎也司馬之劔術遠矣善乎十嶽王翁歌之曰俠節先聲讎自斃何須不義血干將凜焉有國士風蓋去荆軻二千年間而復有蘇季子汪司馬之事劔術益神予故壯其語奇其事并爲歌之

英雄百年內常憤萬古間若恨直節不得伸腰頭寶  
劍空自懸寶劍七星牛斗文祗因俠烈故隨身若令  
世有不平事從教萬丈龍光賁不見張雷無道風雙  
飛泗水安能制東南霧異白嶽鍾氤氳盤薄司馬公  
文章意氣總絕代片言許諾生雄風自憐說劍空奇  
絕何如五步卽流血生平一劍天地知上酬國事下  
狗奇五十未展封侯略三尺安用隨身爲朝聞壯士  
冠髮指夜聽龍泉鳴不已急呼壯士來佩之四國聞  
之盡裂背英風折讎讎自斃古來俠烈少見此借言  
此劍價何許若耶已閉湛盧去試將比却借劍心君  
道雌雄更誰與噫嘻乎不獨司馬爲俠儒王翁白首  
劍不疎不使不義血干將田光先生精未渝

重贈蘇君

蘇君俠氣本翩翩更有風流重可憐史篆斯分俱絕  
品書成猶帶劍鋒懸

二

雨洗秋山正可親別君無那菊花新西歸爲語酒樓  
長孫楚年來愁殺人

僧房酒次贈別蘇爾宣

零雨蕭蕭被秋艸  
憐君欲走長安道  
不怨王孫歸去  
遲恨却西風雁來蚤  
臨岐媿乏黃金囊  
江水悠悠別  
意長誰道蘇生黑貂敝  
猶能貰酒醉僧房

題畫史舒五嶽

韓幹畫馬能畫骨  
周昉貌人獨貌神  
從來物妙非象  
合萬象總出胸中  
真舒君綽約若處女  
夙悟丹青似  
神與頃刻天工筆  
底生却笑楮葉三年成  
愷之阿堵  
真妙絕夏解輕雲籠  
素月坐令颯颯生  
神姿到處呼

童辨毫髮少年曾入楚王宮  
楚王披襟貌雄風  
前年復聘遼陽幕  
將軍擬畫麒麟閣  
頃來貌却孫季子  
分明嘯向松風裏  
變成華髮不似吾  
畱得童顏翻自爾  
舒君舒君真可憐  
問君何自探其玄  
解衣盤礴自神  
解況向五嶽披雲煙  
范寬却師造化手  
伯牙山水非  
絃間不然粉奩畫  
筆千萬史古來曾得幾人傳

爲靜檜二張翁壽杏臺張翁

誰家仙臺下  
陽月杏花妍  
謂有逃虛客  
曾將鴻烈傳  
鍊形渾似鶴  
覽鬢尚疑蟬  
恬澹意偏適  
和全迹漫牽

不違方內業別隱壺中天小雅元張仲長生擬偓佺  
海籌初記日星曆古稀年桂是堦前樹芝為洞裏田  
鵬褰任霄漢鹿性自林泉果老莫投會紫陽朝降筵  
憶君素交約期我赤文篇正此逢秋壑臨風共覈玄

七月十四日壽湖村時翁

中元節欲屆大雅甲初盈始識少微降還同上相生  
傳家周孔業樂志羲皇情解得玄中意能藏柱下名  
看雲遂真隱希世薄浮榮詩越黃初體君詞綠綺聲  
碧霄輕鶚薦滄海狎鷗盟晚學長生術窮搜外史精

紫芝和露採仙醞對花傾秋日瑤池宴金風蓬島清  
方催却說桂重拂田家荆大谷梨才熟安期棗已成  
夏教蕭臺曲為擬鳳凰鳴共指遙空月年年此夜明

定情詩

始因孤憤繼以達觀命之曰定情云

終朝塞幽佩何事却多違舉世皆交喪溪心空拭微  
愍騷難及屈懷憤易同非剩取孤芳在芙蓉歲晚衣

二

一心空皓首百鍊總銷魂獨抱孤生恨誰希國士恩



荆軻惟有慟李廣竟何言悽斷長干柳年年挂白門  
三

首陽終餓死魯叟亦栖遑自古天難問千秋道獨光  
憫時寧不怨去國復何傷採採北山蕨煙霞正未央

四

本爲皇風茂非關幻業沈龍雲真冒昧豹霧亦荒淫  
總竭窮愁力誰明不朽心獨慚周柱史偏較百家深  
自有長生術都因短計荒達觀何要妙老去始悲傷

五

壯志休看鏡浮榮任舉觴虛舟若可喻天地作行藏

六

大笑天公訣盈虛似月光罷兵緣失馬挾策總亡羊  
夸父窮行跡楊朱泣路旁不思求象罔吾道日倉黃

七

元化復何始幽陽播物和扶桑方浩蕩月桂正婆娑  
玄覽珠偏得多言寶益譌但能乘日養不借魯陽戈

八

太史多傷遇中郎却定情養痾忻自得觀化識無生

細州春前碧寒梅雪際明惟應弄羌笛一曲海雲驚  
感時

聞道中朝治無因說讜謀將軍奏凱樂宰相議封侯  
山袞方無闕江蓑好浪遊但蒙堯舜力長願作巢由

二

太平惟獻頌萬壽并謳吟更切憂時略明君意獨深  
祗防小雅廢莫恤四夷侵願指南山色長如北極心

夜坐

素月上寒碧松風來石床疎影泛蘿壁虛濤奔夜窻

却令三徑裏坐入廣陵江

贈楚府劉典籤子敦

賢王能設醴仙宰解辭郎帶礪忻臨楚池臺喜接梁  
才流本公幹吏事復文房吉獨將詩諫舒惟挾禮匡  
澤蘭常在握水藻盡成章興逐江山發情追屈宋長  
猶憐世羔雁投分悉鸞皇況有階前玉分明斗畔光  
方驚飛葉散旋寄蚤梅將願借王家醴和調好佐商  
歲暮百穀王仲見過因往山椒探梅

彼此乾坤病裏身王孫憔悴各沾巾鄰家割宅供婚

孫齊之松韻堂集  
嫁荒徑畱松待故人眼底浮雲俱幻態音中白雪自  
陽春歲寒何處看交意惟有梅花不厭貧

刻孫齊之先生松韻堂集

刻孫齊之先生松韻堂集

海虞 孫七政 著

卷八

雪中接肖甫張大司馬書貺次日卽有歸田之

信

雪中緘信慰平生恍似尚書舊履聲世態備從貧賤  
得高風獨使薜蘿驚丹心萬里今辭國白首空山但  
有情漢道總云全盛日豈應機密負張衡

孫將軍招飲大石山房

海畔春陰結山家暮靄凝步兵畱醉處長嘯有孫登  
汲石分先礪然爐借佛燈時平多勝事乘興卽攜朋  
傷顧玄言  
白首知音夏幾人傷心忍見殯宮新重過把臂論文  
處惟有楊花入坐裯

東髮艸玄秋復春愁看蕙帳網流塵山中猶有藏書  
穴林下今無問字人

愛客頻開碧玉林綠尊偏醉舞衣深記教刻燭催詩  
句回首風流淚滿襟

依然巖下掩柴關不復春風舞綠鬟莫怪花時偏灑  
淚故人埋骨半青山

時葉山人茂長先公作

已看刺眼榴花色夏喜酡顏竹葉春人世幾迴初甲  
子王孫今日又庚寅琴中自鬱青霞氣物外應閒白  
社身若問長生何所似年年此夜月華新

燕山歌送成大北上  
燕山五月驅馬疾  
燕山火雲密如織  
但知千里憶同心  
豈問炎蒸鑠金石  
燕山涼氣復蚤來  
八月九月枯桑摧  
滹沱河中冰不開  
黃金臺畔黃雲堆  
黃雲朝暮散  
復合七貴五侯紛  
雜沓朝傳漢帝招  
賢士莫說公孫開  
卽第漢家事業自  
無窮咫尺無媒豈  
自通試上黃金臺  
上望從來銷盡幾  
英雄英雄雖盡壯  
心在總入公綏坐  
嘯中

和沈山人弔李青蓮墓

墓在當塗之青山

一片青霞氣千秋俠骨淪只今江上月曾照謫仙人  
湘水遙連楚浮雲總蔽秦空餘野花發猶似錦袍春  
白首無家君莫哀採薇遷鼎總寒灰且畱一片冰心  
在清夢山中雪後梅

新秋七夕後夜坐

多病乾坤裏新秋枕簟中涼風思促織疎月挂梧桐  
爲想天孫意應憐夜色空殷勤訴瑤瑟清怨獨無窮  
哭莫大廷韓

傳道知音失驚憐奈若何傷心日衰暮把臂又山阿  
忽慟魂俱喪徐思淚更多從今屋梁月幾度泣幽蘿  
每恨玉猷棹空懷蕙帳春却登楊子宅不見艸玄人  
昔日林中契今朝陌上塵大江徒自逝難盡客悲辛  
俠烈生前意悽涼死後身空餘漳水贈猶自茂陵人  
弔客徒來鶴高天已喪麟無書授門弟那慰白頭親  
一三四

交道豈云盡心知自此微常深千古志奄奪百年輝  
鄰笛聲猶是西川路已非相看泣成血何必李陵衣

哀慕詩贈華仲君

鬱鬱山有木殷殷山有雲杳杳雲山下悲哭何酸辛  
借問爲誰悲結念軫慈親云我三公養不忍易昏晨  
奈奉慈親命束髮事明君雖君承明廬夢繞北堂  
人千里遠結綬三年泣沾巾色養不獲展志養庶或  
伸豈慕捧檄義遂負嚙指恩重幃絕言笑拱木栖精  
魂長辭宿昔愛徒哭空山墳一聞此語悲肝膽惜若

焚枯魚慟朽絕三釜哀生存風木豈不恨孝慕良已  
惇昔賢有遺則此志君克循思覲今母範瞻此孝行  
純千里

弔邵生東漢事

聞昔黔婁生餘貴常在身不屈以當榮不辱何羞貧  
去彼數千載高風激斯人今君復何艱釜餽沐屢塵  
惻愴一生內素業自討論周詩戒南陔孔志遡西麟  
困頓只尺途用意實已勤如何彼蒼者茫昧不可陳  
長貧既與義短數復奪仁笑笑孤嫠業道路為酸辛

人生亦何常通塞若轉輪在君豈不阨達節聖所親  
不寵在世緣何辱辭世因但恨飲不足空負漉酒巾

寄憶嶺南歐水部楨伯

長憶能詩水部情一尊江上別西京青萍在握憐歐  
冶白首臨岐怨子荆空谷病淹秋葉下故人書到曉  
猿驚梅花若問相思夢夜夜羅浮片月明

戲詠秋海棠

一名斷腸花愴別時語也

非無海棠色不矜艷陽日非無素馨馥彩麗復如纈  
孕美方一葩摘秀涉三節粉色散秋霞臙脂澹春雪

花態隨意妍天工一枝別歎此珍異姿騷經獨岑寂  
 徒借星槎名竟謝蓬萊闕偏結叢桂期好逐幽蓀列  
 雅艷若可餐芳氣恍堪掇宛似佳人來文心兩相密  
 心知歡莫逾故交情愈切一日生別離肝腸續還絕  
 二 詞刻於石 侯空谷 流亦殊 禁不 對人 書從 熟  
 非無春華色不矜艷陽日非無秋蘭馥彩麗特奇絕  
 粉萼懷紫房仙苞擢華纈雖有綺霞心青靄日相結  
 碧海度涼風蒼岬洗澄澈幽潭冽寒泉茲花媚鮮潔  
 宛若波上仙揚蛾步羅襪何必瓊樹枝可解長饑渴

題畫

春風岬岬柳絲斜愛殺澄湖萬頃賒不問桃花迷客  
 處豈知人世有仙家

二

萬里江山朔雪紛寒林微徑杳難分山僧欲到峰頭  
 寺猶有鐘聲度白雲

題採芝圖贈成山人霞樵

採芝復餐霞仙路方自遙誰知霞表客本是山中樵  
 蓋世贈譚者朱生東刻味笑西山僧為香千古英琳



孫齊之松音堂集  
蓋世勳名總賢哲東陵却笑西山節試看千古英雄  
人誰逃小史縱橫舌

冬日同浦君融訪安茂卿西林

誰識人間世霧區不染塵花藏疑誤晉山古似逃秦  
水樹遙分影煙霞半繞身悠然問奇者今日見清真  
過惠山弔顧玄言因登絕頂

過客潛然問幽躅依然巖磴青山麓寂寥舊日艸玄  
人惟有梅花滿空谷空谷寒雲送客愁獨攜長嘯上  
峰頭五湖千朶芙蓉秀欲學鴟夷弄碧流

雞鳴僧舍雪後詠懷贈趙太史

晚晴佳氣正葱葱積雪遙看滿漢宮蕭寺寒光松徑  
裏帝城殘照雁聲中客遊京洛幾人老山遶蓬萊萬  
古今一自立春傳太史先教銀樹作芳叢

代湯省諫和韻答王師孟

省郎無事狎鷗盟西爽朝來挹帝城處世已知名是  
累陶真不厭酒爲情風前玉樹含香皎天外芙蓉入  
座清自愛王猷多逸興偏能刻燭詠金莖

題馬生蘊玉齋

被褐遊世間柔情澹時俗誰知葆真子懷中蘊奇璞  
短歌行爲徐飛卿贈

石頭水高江水咽江干若理沙棠柁白門啞啞烏啼  
切念君思斷青樓泣青樓一別天寥闊使妾肝腸空  
自裂當場行樂卽雄傑安用腳踏苦騷屑賤妾爲君  
招契密西京踏遍賢豪窟若个銷魂不投轄若个摛  
詞不才絕興來擊節珊瑚折楚水吳山正飛雪自喜  
芙蓉色方發那知碧艸芳俱歇玉壺酒清香乍冽萬  
事人間等蠅蟻五侯七貴終銷滅君今不樂空切怛  
夜闌更盡鄰雞聒漫云海水添烏渴玉窻無情漸昭  
晰流蘇忍爲同心結心中情緒若可說白雪亦媚陽  
春節

寄懷禹錫阿咸僑寓百花洲上

蕭然窮巷一茅廬却喜頻迴長者車避地不忘梅福  
隱移家還傍伯通居春風洲上花猶發夜月門前柳  
自疎若憶嗣宗長嘯處豈堪回首重踟躇

和友人觀營妓迎春兼呈沈明府

爭傳白傅催仙仗忽訝紅妝擁畫輪南國韶光元破

臘今年春色獨隨人花枝半入桃腮麗柳葉先舒翠  
黛新總爲陽和曲中奏風流千載亦難湮

早春尋開元廢寺

廢殿何年寺閒從野徑尋空門封臘雪選木語春禽  
佛挂鉢衣古香銷寶座深偏憐蕭瑟意更自遠禪心  
贈少司馬王元美之任畱都

久薄勳名物外看幾經仙詔切朝端片雲隨意舒丹  
岫孤鳳從霄下彩翰日月坐光新幕府風流還是舊  
衣冠從今北極紆宵旰不獨江東倚謝安

二

河關百二拱皇圖爲借雍容鎮舊都謾道丹書殺玉  
帳先從赤水問玄珠麒麟若畫應誰匹山斗看來絕  
世無元老只今方叔在千秋寧數管夷吾

三

蓬山閬海自滔滔爭奈名高不易逃本爲家風舊司  
馬也緣仙藏有兵殺人間歲月先成果世外三千未  
熟桃且待漢庭名遂後赤松天路任相遭

又集張幼于宅送別得臺字

澤國春風萬里來，紫薇旌節繞蘇臺。  
微書再起東山臥，送別同傾北海杯。  
仲月煙光催麗思，清時韜略屬仙才。  
王孫欲贈冰心去，惟有一枝江上梅。

聽鳥啼  
一卷蕭齋雨數聲，高樹禽關關不忍去。  
似識幽人心

盡掃塵中慮，忽來空外音。  
此時楊子徑，剩有落花溪。

傷坤丘二開士

每愛禪棲竝，春風幾度過。  
傷心到門徑，埋骨盡山阿。

賣藥番多病，掩關仍是魔。  
益知無生旨，老去好婆娑。

和錢新昌詠杜鵑花

蜀帝山中魄，何在越王臺。  
畔花空繁休，啼夜月沈芳。  
恨却倩春風，剪淚痕幾許。  
雕欄怨征戍，一叢青嶂愁。  
王孫潘郎總愛河陽樹，腸斷年年別故園。

江行翫月書懷

旅泊蒹葭際，淒清獨扣舷。  
十年江上月，重向客愁懸。  
桂影搖青嶼，弦波射碧天。  
不知三五夕，明鏡爲誰圓。

去國青山外行舟綠水潯月明秋漢迴潮度海雲深  
書劔雙衰鬢平生萬古心天高不可問何處切霜砧

有所思

古云世路多嶮巇一生半被紅顏欺誰知老大厭經  
歷却令感歎徒傷悲君不見世上紛紛市井兒朝爲  
庸愚暮才傑等閒投合要路津一朝意氣生虹霓自  
謂無才幸進身却笑才高湘水濱自謂逢時偏愜意  
却笑玄經獨沉滯惟知捷徑取榮通誰念堅貞樂樵  
悴前車旣覆後車去百歲曾無千歲慮古往今來總

一途大聖遭之亦自吁不羨他家獵卿相惟悲身世  
多憂障不羨他家朝茵榮惟悲身後悠悠名伯兮自  
向西山死跡兮自向東陵生一夷一跡兮雖殊致死  
利死名兮復誰異失性空貽蒙叟譏太潔終爲道家  
忌莫云進退無可依朝聞至道夕死宜大笑天公生  
死訣掃却萬古情塵迷太行之阪能摧車達人天地  
爲籛廬孟門之水能覆舟達人濟汨皆安流高樹寒  
蟬抱影滅不如蚯蚓從時屈鐘鼎非能駐歲華身意  
由來會盈歇只將富貴等山阿豈信高華鑠金鐵自

古王侯不白頭何愁碧海蓬萊竭

為倪公甫賦三貞詩

殉節既不易赴義良復難矧茲溪閨媛完節古所歎  
烈烈共姜操千載為心酸如何一門內三貞若連環  
兩卿既下世遺胤藐然單哀哀提抱間奕世宗祧關  
舍此儻不顧世德坐相捐卓哉三太君志行何潔鮮  
保孤倡趙氏丁張狗高言三人聯一軀白首要芳年  
死者如可作生者無媿顏昔日襁上兒今日寰中賢  
相繼辭孤兒下報倪氏先上以明懿則下以激懦頑  
春蘭與秋菊芬芳永無諼

遊霧谷寺禮寶誌公塔

久閱青蓮色重瞻白玉光

轉輪分世界淨業總樞  
恒沙千仞變定宇一燈長

苑樹深留藹林花曲度香更看佳氣鬱近接帝陵

菊

公出世于齊示寂于陳重瘞于聖朝顏色

如生指甲輪遶

同郭山人王山人徐茂吳鄒彥吉梅禹金赴左

司馬王長公招集雨花臺得佳字

帝里秋光無遠近古臺幽徑落蒼岷王猷到處攜新  
爽謝客招來散逸懷清磬出雲殘照迴疎松映月晚  
煙霾多君坐嘯臨戎幕江左風流夏自佳

分賦得邀笛步

憶昔關山片月新一聲羌笛思沾巾只今猶照青天  
月何處還邀弄笛人

又賦得秦淮水

今古青山對綠洲獨遺亡國恨千秋多情惟有秦淮  
水猶自西流向石頭

雨雪曲

年年朔雪度龍山銷盡春風萬古間一自梅花曲中  
落幾人腸斷玉門關

二

江南氣煖百花紅肯信燕山雪滿空鴻雁不教傳塞  
北鴛鴦空自織機中

送嚴仲拜中舍北上

江臯雪盡雁飛輕遙伴仙郎去玉京省闈風流今謝  
眺相門經術舊玄成黃河水解迎青雀紫殿花開照

綺纓日侍 君王艸綸綍莫云金馬好逃名

贈別遊方士

學種芝田玉洞中多君年少憶虛空誰知白日丹難  
轉自愛閒雲意不窮

二

臘月江梅望雪妍青樽未盡獨悽然今朝鶴徑辭千  
里他日鸞霄別幾年

贈蔣翁

小隱在城郭蕭然遠世喧別開求羊逕常貯阮家樽

歲月壺中度煙霞物外論春風愛幽客臘日長芳蓀

擣衣曲

又近授衣節誰傳紫塞音強和今歲淚重拭去年砧

杵落齊紈冷悲纏漢壁深願隨孤夢寄何處是榆林

贈武林保叔寺僧超方方能言巖頭陀仙倪

湖光塔影落諸天別去空門又幾年一自遠公松下  
偈却今回首獨泠然

二

松間活火自煎茶石鼎微濤泛碧芽為說頭陀蛻仙



骨只宜方外老煙霞

次韻酬錢仲思弔王父西川公大石祠仲思於

王父爲外曾孫

石室藏書處春風弔古時林中仍帶艸砌裏益瑤枝  
人似興公癖碑同年祐祠百年悽惻意今日見題詩

詠橘

南服生嘉樹西園映玉除無心比孤竹有頌錫三閭  
楚國秋芳日盧家夏熟餘願君采華實莫使瑤盤虛

哭周吏部敬翁老師

唐虞逝云邈賢聖杳難論舉俗貴于時馳騫競紛紜  
匪無越俗操精深屬誰人夫子秉宏節滔蕩涵天真  
昭心麗白日絢彩鬱卿雲雖懷秋霜介與物紆陽春  
雖負經綸策端緒渺莫陳我欲 聖明皇上薄華與

勳此意豈輕用可使龔俗聞翩翩千仞上雅志固難  
羣天心胡愛道奪此股肱臣泰階方正直豈乏濟時  
珍誰知至德世求賢良苦辛元凱雖登進臯夔寧遽  
淪忤彼龍蛇歲痛此鸞鳳屯蕭條念千載展轉徒殷  
勤曩昔西京日水鏡甄人文良非國士姿過蒙拂埃

塵問我何年歲骨肉意諄諄士爲知己死矧茲恩義  
敦宛若俯仰間星紀甫一旬大雅竟湮沒微衷復誰  
申上哭王家幹下哭義所親

題畫

霧區燁燁紫芝香碧嶺飛泉噴瀑長欲賦小山招隱  
去秋風叢桂正芬芳

雪夜卽事

江臯雪夜明孤興殊未已空林颯颯無人行林杪一  
聲清磬起遙依清磬問山僧倏看海月虛空生月臨

萬壑寂無影風度疎松微作聲始信空門了空色惟  
餘片月窺禪室蘿幌春風任雪消心持半偈長虛白  
靜會禪心有感

可憐世網與情塵欺盡悠悠今古人身計總成三點  
誤心詮始信一空真閒看遠岫雲無礙靜愛虛窻月  
自親謝監不須投白社在家還復了迷津

謝公雖不與蓮社嘗  
云我已在家出家

卽事有感

野鶴棲林薄長蛇欲薦吞人情方叵測天道復難論

訝說滄桑變愁聽州樹燔悠悠千古事曾問楚王孫  
二事可歎  
五月庭柯落焦禾未足方火山行處密赤阪坐看長  
鸞鶴空縹緲蛟龍自伏藏何時渥霖雨任臥北窻涼

喜陰

四日東風急陰雲萬里生甘霖雖未霈旱魃已消精  
衡岱氣應接江湖浪亦清定知高樹底欹枕聽嘉聲

喜雨

岳雲徐觸石江雨忽漫空此日焦原稼方霑造物功

秦皇膏火後漢帝湛恩中更喜陶家菊秋花又滿叢

新秋

河漢碧無翳悠然披素襟幽花分霽色古樹落秋陰  
冲賞病中得流光靜裏侵生涯惟澗壑人世任浮沈

七夕詠牛女得機字

碧漢離情切黃昏仙馭飛纖霞偏委佩新月解親衣  
自怨秋期渺誰教曙色輝去年今夜盡幾度泣殘機

此夕秋期屆年年此夕稀曠離腸自斷將匹淚重揮

桂月初開鏡天風乍引衣亦知仙路永遙望鵲梁飛  
巧笑先投佩含情怯卷幃意長嫌夜促懽合恨朝違  
無奈流漸動爭如夜色微傷心向清淺還對舊支磯

贈鄒彥吉觀兵茗雪

何論才調薄風騷千古英雄一羽毛謾訝詞鋒當劔  
術豈知兵略有文殺南樓坐嘯澄湖月東海行消赤  
岍濤敢謂孫郎驚宿將精銷白首在蓬蒿

壽金潛素七十

并序

先王懷握瑜瑾櫟素自歿拂志龍雲棲神豹霧道

貌天遊夷猶玩世一丘一壑自謂獨長西竺南華  
竝推兼擅蓋拙於金馬而工於柱下者也以故歲  
與天增道由人積壽界七十而尚鬢髮堅齒若少  
壯然茲固非純白之效與我二三子相與觴之且  
爲詩詩以頌其美於是絳縣疑年初輪甲子瑤池  
竊果未熟三千先生之壽其未央云

志士甘細物幽人樂陶真所養在玄德萬事如浮雲  
卓哉葆光子獨與恬素親白首戀泉石朱門厭囂紛  
理精軒岐窟心解老釋津冲然世俗間被褐懷國珍

攜家入雲麓不異隱鹿門著書藏枕中一似鴻寶文  
問我幾甲子請君推六身內照驗舍和踵息知凝神  
乍御霞上觴笑期鶴背人霧椿有大年安識秋與春

古意

妾有千金鏡清光似秋月為惜長別離塵埃久湮沒  
宿昔故心人託夢結殷勤贈我卷菴州宛似平生親  
朝來引青鏡拂拭雕龍文紅顏倘未歇猶堪持贈君

詠落花

煙花散去各東西故入蕭孃錦字題金谷香銷空自

恨河陽嬌盡不勝悽傷君何處清塵路似妾從來濁

水泥誰妬春愁愁未劇更教枝上杜鵑啼

宋之問詩云昔日河陽縣氤氳香  
氣多曹孃嬌態盡春樹不堪過

二

遮莫風光滿日賒芳辰底事忽生嗟誰經金屋留春  
色空使胭脂泣露華寶馬香車  
紫霧紅埃才昨日斷雲平楚即  
天涯不知左相門前客幾箇還來問落花

老去傷春獨倚樓可憐蹊徑曲通幽才番水調催花

發又見花飛逐水流百歲光陰百歲客一迴春去一  
迴愁五夏風雨無情煞夜夜須當秉燭遊

天宮怨

怨將團扇泣秋期誰道春風也自私年年長信花飛  
日不似昭陽殿裏遲

夢莫大廷韓

三年未酌故人酒幾度憶君雙涕零昨夜故人入我  
夢夢中契闊宛平生覺來孤枕忽相失清淚傷心秋  
雨聲憶君五年前過我三徑中憐我家雖貧花猶笑

春風明日且嘲邑宰去子雲花徑惟蒿蓬似君繾綣  
情若此能有幾人交道全嘗謂素心交白首慰衰老  
人生苟相知豈必骨肉好寧知一別便長逝平生意  
氣隨秋艸恨我貧病人一心常不達君病吾倉黃惕  
息情內熱君沒吾長號癯瘦色如鐵雖有九迴腸竟  
無一執手去年既負王太常今年又負同袍友夢君  
憶君情非一可歎貧交益悽惻從今細數從前交幾  
許歡娛幾蕭瑟蕭瑟歡娛一夢中番訝夢中情愈密  
旦夕扶病秋風高落葉寒雲哭膠漆

又夢黃山人淳甫  
昨夢廷韓子朝來又夢君故人頻入夢荒徑泣秋雲  
宿艸空山暮金蘭舊日分十年悲宋玉愁作大招文

題周公美艷情集後

予覽周郎公美艷情詩百篇心竒之夫艷情易耳  
艷情而不失雅調難也今公美詩無情不艷情無  
調不雅殆別引騷人之一支乎雖然公美之才使  
於此中稍抑勸而與諷雖奴僕命騷可耳

百轉流鶯曲裏新  
絨情寫恨不勝春  
陸郎臉上朝雲色  
錯認襄王暮雨人

二

細雨青山紅袖杯  
琵琶撲碎續絃催  
絃中不是蕭孃誤  
要得周郎顧曲來

贈松陵馬虹臯

美人芳佩擷臯蘭  
千尺飛虹影碧瀾  
七十二峰明月夜  
芙蓉長在鏡中看

二

莫說家貧擔石無  
鱸魚換酒不須沽  
何時落遍江臯

雪安道門前看五湖

林影

費盡黃金四壁縣子雲亭館落誰邊多情惟有庭槐影猶伴松聲到榻前

秋日送大司寇王元美之留都不及敬和諸君

子關門之作

繚繞青山使節臨送君空滯碧江濤遙聞小聖主頻憂旱共道祥刑解作霖推轂兩朝今白髮酬恩八座舊丹心獨憐鄉月懸秋漢偏向關門紫氣深

九日同徐茂吳張幼于顏別駕會李計曹登虎

丘得東字

偶懷元亮興遂與李膺同緩帶尋松徑開筵醉菊叢冥搜片雲外長嘯五湖東偏有龍山會風流意不窮

詠水燈

裁君玉壺質闕此蘭膏芳瑩迹能無影含虛解有光月來疑合璧風至似搖璫誰識凌寒操清輝溢艷陽

贈成霞樵

世路漫相與愛君多古心一椽自窮巷五柳惟疎陰



白眼交逾冷青囊秘獨深題詩忽相贈字字皆黃金  
壽嚴太君

夫人初剪細霞裳書寄西王瑞應長紫閣自隨丞相  
貴瑤池却借羽人觴連枝瓊樹月中種千歲霧萱洞  
裏芳解道韋家經學舊漢皇行復錫高堂

冥對夜雨中同幼于林吳諸君集朱鴻臚舟中觀妓  
得雲字

綺筆徵詞客蘭橈載舞裙千山催暮雨一水駐朝雲  
人影花中見鶯聲曲裏聞十年江漢別今日又逢君

瑞麥詩頌邑侯王公

維良經禹甸遍野樂堯天四月登初稼雙岐貺大田  
稔先唐叔日穗比漢臣年總是 皇家瑞千秋太史

傳

又賦得太平曲

彈琴作宰穆清風嘉穀多岐庶草豐誰識祥雲與膏  
雨總調單父七絃中

二

賢侯亮采肅天工南國何愁杼柚空已頌兩岐歸北

孫齊之松音堂集 八卷二十三  
極還輸六穗告東封  
三

三

明良共治樂無疆  
白雉行看貢越裳  
不是上天貽率  
育來楚何自發禎祥

四

漫道嘉瓜生越邑  
空聞連葉產齊宮  
爭如瑞麥歌閭  
巷能使周王頌屢豐

連葉芝也漢書云九莖連葉產于齋宮

五

和風協氣溢嘉生  
聖帝垂旒在紫清  
欲識太平還  
有象只聽江左頌歌聲

為黃雄州作瑞麥詩

一去嶺南愁地僻  
遠聞江左樂時和  
明君賜詔祥  
風數茂宰揚仁協  
氣多已覩兩岐稱  
瑞麥更看同穎  
獻嘉禾三年亦忝  
刀州夢安得漁陽  
百姓歌

贈黃廣文

大雅復何在  
美君能自持  
素懷國士蘊  
終遇聖明  
知山斗韜真氣  
雲霞屬藻思  
不知門弟子  
誰得馬融

奇山十嶽真成畫  
大謝鄭司農見過  
看君逸氣自英英  
慢世長懷萬古情  
不是仙郎愛招  
隱孰知蓬跡浪  
逃名簪裾半落  
煙霞色詩句渾  
涵金石聲履處  
只今生帶艸年  
年却憶鄭康成  
更肯同賒

春雨中湖上訪友  
出門見芳艸遙  
動相思情欲待  
桃花發其如春  
水生雨中千嶂  
失樹底五湖明  
爲人幽溪路浮  
鷗自不驚

春雪中訪張幼  
于曲水艸堂  
不是山陰道還  
從雪後來到門  
高士臥映戶瓊  
林開碧掩徑中  
艸花添竹下梅  
却憐歌郢調幽  
興獨相催

蚤春聞鄭明府  
諸公汎舟湖口  
却入花源遺以  
短篇

短篇

欲尋洞庭路却  
愛武陵春花暗  
渾迷客雲溪始  
見人擷芳同贈  
楚違世異逃秦  
誰道金門吏清  
風卽子真春夜  
同諸公青芝山  
詠梅得天字并  
贈鄭明府

越來溪畔艸芊  
芊庾嶺風光乍  
眼前千澗影寒  
山挂月五湖香  
動水連天林疑  
姑射枝枝雪花  
似瑤臺夜

夜妍解道江南春色早仙郎一曲為誰傳

秋來彩袖飄洋洋東風吹手如前千間深寒山掛

春外同諸公青芝山精神骨天字共韻瀛洲流

同飲同歌世異悲奈結意金門吏書風鳴千旋

為事同到欲吐愛為刻春外部軍出容雲刻故其人

賦篇

卷九

刻孫齊之先生松韻堂集

刻孫齊之先生松韻堂集

海虞 孫七政合著

卷九

貧交行

君不見朱公絕交古所聞世人交態徒紛紛君不見

廷尉門前署門字死生貴賤方知義昨日堂中意氣

人今朝按劍途中嗔春申向結三千客五嶽可傾山

可擲瞬息滄桑朝市間碧蘚從侵珠履跡楚國由來

社稷臣看他墳墓生荆棘迺知俠烈世間無傷心萬

古空躊躇程嬰杵曰今已死肝膽欲向何人輸君莫  
言殺身容易千金細一錢半菽猶相計且不見西華  
兄弟任公子冬月絺衣真可耻三千客正憐河財山

八鶴圖爲長庚陸翁題

嘗聞薛公十一鶴八法髣髴畱人代仙姿矯矯終不  
羈壁間飛出凌蒼靄從茲浩蕩嬉八垂影落蓬瀛夏  
不歸愿叅緱嶺鳳笙隊豈向華亭獨清唳今君何自  
傳神奇清機迴得蓬瀛姿縱云神物終會合良工自  
苦粉墨離諒君淮南客人從小山逸定是淮南八公

徒愛君逸致聞清都冷然忽遇霞外史飛入君家畫  
圖裏此史幽微杳難覩慧心獨與神霧遇厭說青田  
一度來怕聞遼左千年去自托神遊萬里山招攜白  
鳳下毫端集君蒼松白石之素障挂君高臺複磴之  
玄關朝朝舞君青鏡側歲歲棲君蕙帳間蕙帳兮人  
不空彩鶴兮怨何從一朝或杖葛陂龍攜此八翼搏  
天風周遊上下歷西極下顧王母心悲冲君不見古  
仙人兮愛繪事終然逸駕還淫瀆君今無乃古仙流  
支公已解雲霄志

孫齊之松音堂集  
贈鄭司農書記

司農書記解臨池  
更向玄亭數問奇  
不獨嶺南歐水部  
士林傳得李英詩

壽周敬翁夫人師母

絳帳春風記虎闈  
堂前重拜紫鸞衣  
中宵寶婺連珠斗  
千歲靄護應省薇  
好鳥乍歌能獻壽  
繁花爭發解生輝  
玄成夏自傳經學  
寵錫還看下帝畿

和鄭司農喜故人張王孫梁谿相訪作

薊北春深艸初綠  
江南春半花如簇  
此時仙郎鄉思

濃腸斷關山千萬重  
漸看歸雁飛欲盡  
又見花飛少鄉信  
獨燃官燭丙夜長  
木蘭墜露花氣芳  
歸魂數斷夢難到  
忽報故人來  
故鄉握手相看番  
欲淚夜闌更飲不成寐  
不恨王程千里賒  
只愁春惹王孫思

詠虞美人花倣初唐人古體

不見如花美花枝  
美自珍當年美人在  
傾國綺羅春曾奪  
楚宮寵曾使楚王親  
世事一朝變紅顏  
遂粉身君王雖慷慨  
爲妾總銷神伏劒  
酬君貺畱花弔楚人  
風翻舞斷續露泫泫  
泣殷勤吳會依春樹  
烏江伴渚蘋

浮雲隨代變芳艸逐年新空使英雄淚感愴欲沾巾  
喜晴  
朝來宿雨霽西爽浮前楹水石林中噴琴書屋裏清  
幽花媚殘照好鳥弄新晴且學陶徵士閒披山海經  
頌壽詩五章爲錢母卞太君作

載閱女史箴千古希備錫豈直皇造微殆自玉風逸  
至道旣澆訛嘉德日淪失雖秉一節貞恒寡百行識  
縱懷宜家操終乏自天益

蕭蕭我皇度悠悠遡遐蹤二南闢遺教十聖遵  
玄風淳烈浸海宇大化均鴻濛況此舊德家芳馨杳  
難窮卓哉壽母氏共美戩穀鍾

少小識文史蕭謹師氏規結髮嫁高門夙夜懼愆違  
苦槩內持餐甘瀧外供厨趨機方戒樂射策遂成舒  
詎云春華節驟值秋霜威

秋霜雖委被勁節愈光明上顧白髮親孰慰孝慕霽

下顧笑笑孤孰慰執手情鞠躬佩淑範秉鑒垂今程  
既宏幽閨訓兼獵空門英

胡自樂空門相我脩陰教精戒絕世緣喜捨大冥報  
一心向善提百祿降玄造肇錫鶴筭齡重沐鳳池誥  
不羨天益難羨此兩慈孝

榮孝篇爲周母夫人九十壽

君不見古時有母居高門歌鐘日夕譙笑誼一朝遊  
宦別天涯北堂離思空煩冤又不見古時孝子能愛  
日一日肯將卿相易可憐色養雖有餘菽水承懽心  
自惻何似君家獨榮養蒼髯白髮常相傍萊彩偏隨  
百歲親潘輿不礙千山嶂猶恐迢迢雲路遙笑看銅  
墨輕鴻毛王陽九節真孝子豈及君家眉壽高試問  
三吳中有母百萬家誰是魯霽光巍然獨堪誇況君  
篤行人咨嗟捧檄投章兩自佳浪云蓬海不易到行  
地姑仙歲月賒到今益覺拂衣好人世榮名安足寶  
會期此日瑤池觴歲歲年年頌難老

詠陳錫玄齋中九瓣蘭英



霧卉不羣秀仙英似九華應憐謝庭玉天上別傳葩  
會恨送謝去非遊武林

五湖南去卽臨安到日春光鏡裏看堤上桃花迷客  
易江頭楊柳別人難

隔江難盡越中山謝客登臨興未還塵世好遺青眼  
外但畱詩句白雲間

詠陳錫玄美人九英連理蘭花因爲祝之

霧草初非種瑤華不用裁嘗聞燕姑夢曾畀國香來  
夏訝瓊英佩親經碧玉裁同心帶上結竝蒂掌中開  
影落雕龍鏡香栖宿鳳臺詎煩熊羆兆卽是麒麟媒  
且認宜男艸嘗隨荳蔻胎應生謝家覽竟體是蘭才

傷東山禪寺古松爲雲溪上人作

聞道招提萬壑通松聲不斷白雲中只今疎影荒涼  
盡惟有東林月在空

霧隱寺看貝葉經

何年霧隱寺松徑到門溪石上看殘貝鶯聲在碧林  
美人題美人家春眠聞鶯

孫齊之松韻堂集  
美人睡美春風吹花氣氤氳客夢迷怪底鶯聲憐燕  
婉關關也向綠窻啼

塞上曲

雪暗關山虜陣驚夜將輕騎襲龍城名王已殺應無  
數未得單于更進兵

二

掃清沙漠絕無烽獻納雲臺不受封只爲君王恩欲  
報肯將勳業賣盧龍

更隨三

從來羌笛怨天山落盡梅花人未還春色忽隨恩詔  
至今年許入玉門關

四

漢節何年歸帝鄉又看秋雁度遼陽北庭此日無書  
寄那得金閨不斷腸

五

皓首吳沙君莫論男兒忍負漢家恩天邊使節和雲  
握窖裏氊毛併雪吞

關山月

關山片月迴含秋萬古長懸青海頭愁殺清光照沙  
磧秦時白骨未曾收

古塞蕭蕭白艸腓漢家營裏月光輝可憐空學蛾眉  
影夜夜關山照鐵衣

紫塞黃雲萬里間征夫一望總潛潛今古沙場惟白  
骨幾人生入玉門關

一片關山月征夫拭淚看氣冲星劍澈光照鐵衣寒  
幾向黃河磧裏圓幾經青海灣頭缺少婦登樓思斷  
腸征夫出塞空愁絕愁絕復愁絕繁華易凋歇何事  
年年戰場別空顧大刀頭長征苦不休銜恩常力戰  
薄命未封侯封侯志業終難契恨殺天驕猶未滅何  
當遂勒燕然歸青樓細數關山月

契絕也漢書  
云契國威靈

哭王敬美

再過西州路傷心慟哭回秋風奈蕭瑟偏向客愁催

二五始美

誰道文章盡爭如玉樹摧平生草玄處猶在碧雲隈  
 恨違漳水臥徒哭岱宗遊白晝驚離夢青雲閱古丘  
 舉朝悲柱石異代想風流欲掛延陵劍君心不可酬  
 七夕遇雨詠天孫  
 正喜秋期屆偏教暮雨過  
 遡言清淺去清淺更揚波  
 僊佩和雲冷霓裳泣霧多  
 獨憐空外月來夕照寒梭  
 續佛齋口占代偈  
 從教雙鬢日相侵  
 乞得如來義漸深  
 白玉光中看世

界青蓮色內淨閒心

二

分明幻海托浮因  
 妄處纔離卽是真  
 朗月獨懸空寂境  
 紅塵不涉渡迷津

雨後同史黃門遊善權洞

過雨千峰抹晚煙  
 直窮真境訪芝田  
 飛梁度壑渾踰世  
 仙洞埋雲別有天  
 獨樹霧花深院底  
 數聲疎磬古松前  
 知君不買青山隱  
 自愛藏書學史遷

咏白燕

訝見春風白燕飛漢家金屋故應稀難傳碧海相思  
信不似昭陽舊舞衣玳瑁梁間音自在水晶簾外影  
全微夜深若向長生殿猶道霓裳月下歸  
首夏蔣叅軍宜山招吳中諸詞客全遊武丘  
鷗羣偏自狎清輝盡日笙歌落翠微白社且容彭澤  
飲青山却喜步兵歸禪房木密鶯交弄野店花飛客  
漸稀煙暝不知蘭棹遠月明還上薜蘿衣

贈林處士石塘

我愛林塘趣因君托隱淪瓜非故侯圃竹是素封人  
賽社田家臘彈琴野逕春獨憐堯甲子偏與採芝倫  
首夏偕宣城梅季豹吳門毛豹孫錢功父曹以

新全探虎丘禪林得宮字

值茲清和序復與賞心全遠輒自江介近軌皆丘中  
共結霞上賞俱理物外蹤幽討選丹壑淨業趨梵宮  
雖持栗里酌頗說蓮社鐘仄徑步芳艸層崖睇長松  
坐令身心趣恍然若虛空自傷齒髮暮竟使綠業窮  
迷津旣夕悟朗月豈旦融遺彼妄塵集觸境皆圓通  
一坐紫竹林了見青蓮容

孫齊之松音堂集  
一坐館娃宮側喜遇毛豹孫諸丈共飲錢功父家全  
得娛字

吳王宮畔踏靡蕪笑指黃公舊酒壚花落青林春易  
盡人逢白社興難孤相思別路三年夢不及當筵一  
客娛試問館娃遺跡去只今惟有夜啼烏  
詩和陸無從詠焦山郭次甫以精廬施僧別居

嶺下

嘗聞逃禪客猶自買山居却見遊仙侶蕭然施竹廬  
嶺雲隨榻往江月隔林虛賸有攜來鶴開籠任所之

癸巳早春書懷

東風又是一年華回首生平枉自嗟歲歲陶家門外  
柳年年楊子徑中花青樓舞妓無紅袖玉洞春光有  
碧霞千載知音千載事漫將詩句落天涯

以詩代柬令兒輩寄懷陳廣文笠川

病臥春山憶舊知欲攀庭樹夏題詩才情日老誰前  
輩談笑風生記往時花暗玄亭容載酒雲深別墅好  
彈碁兒曹喜識通家誼莫道侯芭問字遲

贈田家翁

乍喜春風到綠莎又逢春讌樂婆娑花飛解作萊衣  
舞鳥弄能和擊壤歌眼見三朝頒帛詔家收千壟素  
封禾自言不識乾坤力但願堯年甲子多  
壽張幼于早春之誕

喜逢張仲燕春前芝艸琅玕映日鮮月色尚留元夜  
燭花枝先爲玉人妍名高漢闕山中相社結匡廬飲  
內禪莫道西王靄藥遠北堂霞史卽姑仙  
傷焦山郭道人次甫

老去親交惜漸稀傷心把臂尚巖扉還期北郭同尋  
岳豈意南榮遂息機世外春光依舊是山中丹竈容  
然非只今重過平生路惟有孤雲嶺上飛

次父嘗有詩云世外春光君見否嶺雲東去  
是蓬萊予愛其神采諷詠不置而今則已矣

春雨中望山張生贈筆戲作短歌行贈之

春寒二月無白日妬花風雨漫天黑相如家中徒四  
壁冰壺悄對梅花色美人杳杳正愁寂江艸江花杜  
消息屐齒忽破蒼苔跡荷君赤管贈相憶交情孰問  
淺與深意朴情真見君臆自今不待夢魂來白晝花

從筆底栽寒谷任他花不發一枝春色爲君開  
贈張隱侯

何意投簪著養生由來雅志薄浮榮封侯不換千山  
色樂飲寧知萬古名

二

青門原不事秦侯自愛靄溪勝事稠兒輩任窮黃石  
略夫君獨向赤松遊

然非憶吳中舊遊

每思南郭勝何羨桃花源野寺看山色松聲到梵門

綠樽分社會香貝乞僧翻自失虎溪伴妻妻傷舊魂

改定訪英上人掩關

無心期面壁不是爲疲津自苦塵中劫因耽靜裏真  
一燈殘歲火雙樹滿庭春止許東林月清光夜向人

訪了虛上人於中峰蘭若

何處落清磬白雲深翠微客來春盡後撲面野花飛  
法藏玄初啓空山塵獨揮羨君蘭若僻禽鳥共忘機

贈江旣甄

大隱何須入漢庭翛然混俗忌偏醒漫傳梅福埋仙



姓却指東方是歲星採藥直窮遼海鶴看花數泛楚  
江萍只愁煙駕無歸日空使人間思杳冥

爲憐白首始逢君千仞高翔杳莫羣混迹自能齊萬  
物浮名何用比孤雲虛中道運空相挹妙裏真詮不  
可聞誰說關頭霧氣盡坐令人世席間分

七夕

此夜星河仙桂香人間天上兩相望鵲橋又遇秋期  
渡銀漢誰畱明月光

秋入霓裳翠佩輕和雲笑語總盈盈莫言天上歡娛  
意一夕歡娛萬古情

七夕與占上人

一葉初飛夜氣清空林月色話無生禪心更比秋河  
澈不起年年離合情

和童子鳴秋日閒居

草逕蕭條野菊新柴桑門巷寂無塵半空山翠簷前  
落一片秋光鏡裏親廬岳高僧招入社蓬萊外史許

尋真從今夏乞乾坤債長倩煙霞伴此身

草堂二

新理深潭紫桑門巷寂無塵半空山翠簷前

好愛五湖秋水長清虛渾似入瀟湘萍開碧渚芙蓉  
媚雲度清溪桂子香幻去生涯從失馬看來人世總  
亡羊夕陽影裏樵歌唱消盡西京傀儡場

三

消渴年年病不除秋風却灑故人居瑤琴有曲期鸞  
鶴錦字無書寄鯉魚砌裏蛩聲殘月思枕邊木葉五  
更疎空悲宋玉多蕭瑟頭白滄浪一腐儒

四

秋來無日不清輝恨殺邊庭羽檄飛跨海樓船師未  
返和戎節鉞事全非霓裳一曲愁驚破羌笛誰家落  
翠微萬里關山明月外幾人征戍憶寒衣

孤憤篇贈彭欽之

十年勞憶夢相思一見驚魂涕泗隨北寺沉寃行路  
泣東京殄瘁老天知分明剖玉重遭刑不暗投珠也  
被疑千古悠悠須定勝贈君惟有楚江蓼

題畫贈徐叟

孫齊之松前堂集  
長日溪頭坐不移  
颼颼老樹颼涼颼  
主人愛却溪流  
淨白日山中無盡時

贈繆處士月津

高隱翛然忌獨醒  
鴻飛碧漢自冥冥  
須知月窟乘槎  
客卽是河津處士星

李斯挽周水仙仙詞二章

有序

水仙嘗言天帝詔  
五龍迎我一日蹈水去  
未及濡頤而卽尸解矣  
故曰水仙  
咫尺煙波閨苑間  
別畱丹訣向人寰  
空傳海峽蒼龍  
去那得遼東白鶴還

遊春二

祗戀長生蚤棄家  
鳳簫鸞管落天涯  
珊瑚浪底沈消息  
紫貝宮中度歲華

遊興福禪院

南朝廢寺石梁前  
寂寂松聲夜月圓  
萬壑雲深人不  
到一龕燈影照寒禪

送嚴中舍道澈北上

秋月正如畫美人  
將遠行更聞鸞鶴操  
總訴別瑤京

紫禁神仙客清朝吏隱情幾時紅藥句重賦石頭城  
落句意聞中舍將爲南省之遊也

謝友人爲致洞庭名果

一筐香玉剪蒼崖不數葡萄泛海槎誰道五湖煙樹  
遠洞庭秋色落書齋

爲金陵王叟悼亡

半生遊俠逐西京江州江花無限情一自莫愁嬌態  
盡春風空到秣陵城

鸚鵡聲聲似舊時琵琶喚絕不勝悲傷心獨奈秦淮

月猶向蕭郎學畫眉

臘月望日逢春

東風雪後到山家白首驚心是歲華臘月幾逢春月  
滿新年半發舊年花漢家曆數何曾錯吳苑韶光倍  
覺賒莫倩鄒生吹玉律只今寒谷繞煙霞

二

堯年閏甲子禹服早夏新月莢方週臘寒梅暗入春  
地偏人廢曆氣轉曆隨人金剪催春色年年莫厭頻

同梓堂 鄧 虛巖 周 方溪 陳 三先生於東塔禪院

果證三千外圖傳五代前幻塵週歷劫清淨獨諸天

定久彫琪樹心空現碧蓮何殊虎頭筆開室滿雲煙

野鶴仙人歌贈丁翁 習 吳成暗火音

吾聞三十六洞天咽氣餐霞羣列仙鍊盡氛埃野鶴

骨吐吸精魄畱朱顏等閒甲子閱人代坐看碧海變

桑田碧海桑田幾回變蓬萊清淺還應半赤舄曾畱

東海書雲和每奏西王宴雲和赤舄杳難期世上悠

悠空歲時不見淮南雞犬去空聞遼左鶴來歸來歸

下瞰人間世惟有千年城郭是由來仙骨自非常丹

臺玉室題名字丁翁落落寄塵市碧瞳華髮青霞氣

混迹和光半類愚守真抱一全探秘一壺日向市中

懸洞裏煙霞別有緣丹竈許燒金液火芝田解漱玉

華泉若問前朝陵谷事疑是重來野鶴仙

寒食偶集得鋪字戲贈杜子庸

相逢寒食夜提壺共醉春風舊酒壚恨殺莫愁才只

尺花陰不上舞裙鋪

系齊之公負室集

又爲美人戲贈

空憐碧玉贈珊瑚坐見飛花滿逕鋪  
畱得博山爐內火待君今日進雕胡

又步子庸韻

不見故人久相逢待月娛停看花影  
弄無那柳陰鋪病久交頻絕情來興  
不孤阮孚能蠟屐何憚日攜壺

傷姚翁

有序

翁自弱冠卽棄家遊嶽徧歷諸洞天  
亦時時曳裾王公之門晚節廼專脩  
淨業年八十餘始一還鄉

旋卽歸金陵去去不數日忽夢大士  
來接引乃召家人曰吾欲歸矣明日  
有馮君相訪卽吾長往時也家人曰  
可且婆娑人世間何速去爲翁曰接  
引不去夏俟何時明日果得馮太史  
具區來訪翁曰期至矣命家人設飲  
食作別大餐如平生食竟卽索筆題  
六言詩一絕有今日打破虛空之句  
字畫精好投筆而逝嗚呼翁其所謂  
尸解蟬蛻之流耶詩以傷之

少小辭家愛學仙相逢晚節獨耽禪  
何當悟盡禪心

日卽是仙遊蛻骨年

又咏瑞花

竝蒂於癸巳兩岐於甲午

相公花讖兩無違芍藥須開玉帶圍却笑年年艸玄宅竝頭何事發芳菲

寄贈華起先勞軍遼左

遼左煙塵尚未消爲煩詞客動征鑣關山只許歸鴻渡霄漢應憐使節遙匹馬辭京原艸綠千盤轉餉野花飄籌邊定有幕中策不獨長城句裏標

賦得樂府將進酒九章章三句爲申相公壽

代嚴

道澈

粵昔蒼姬荷帝褒嶽精降佐誕申侯周皇永受萬國

球其一我

皇超商跨隆周帝曰錫皇皐禹儔贊汝皇

家元化流其二

命揆河洛剗怪幽洗削淵奧披神謀手握霧符佐皇猷其三

翊戴

三朝功莫酬日月光華萬

福裒我皇縣曆億千秋其四

終輔皇家登介丘香山

洛社暫相求卿雲長爛海東頭其五

天上霧花當海籌

月中桂樹花繁稠天風雨粟聲颼颼其六

皎皎月魄懷

瑤樓倩誰天上削玉脩補鍊造化靡停畱其七照公尊

酒射斗牛請公進酒恣歡遊我皇社稷天齊侔其八

置君六引且莫謳緩君繁絃且夷猶請奏此曲良悠

悠其九 晉賦朱轡雲身淵到東應其天上雲亦當到壽

金陵乍見吳叔嘉遂為勝集於秦淮餐秀閣得

名字全集者雲間曹起莘洞庭陸纂父江右

俞孝廉也

都門一相訊把臂憶生平剩有青山癖重投白社盟

酒狂堪玩世市隱好逃名從古秦淮渡殷勤易愴情

林兒得城字

一夜芙蓉發千家柳色晴結交無限意斗酒秣陵城

森兒得畱字

黃公酒壚下欲別重相畱不是夫君意明珠肯暗投

秋日比部何長公柱史何次公招集高座寺得

秋字

故人攜策共探幽盡日巖阿散客愁古寺長林消晏

坐禪扉叢桂好淹畱煙開夕照江初霽雨過片雲山

乍秋莫笑阮生頻蠟屐從來何氏有風流

贈李茂承



故人蕭瑟客長干駐馬相懽夜欲闌  
白社總從詩句得青山長向畫圖看

坐觀臺柏行

有序

臺柏者前內翰本寧李公維楨所樹也自公尊先考藩叅某以三請養尊王考徵君得休歸因樹雙柏庭前以爲色養之娛甫七年而徵君歿叅藩卽廬墓哀毀相繼以終而庭柏遂枯其一公乃移其一於新居以識不忘先孝且乞言以盛傳其事嗟夫千古而上自王哀攀柏悲號之後僅見於此昔

聞蓼莪廢詠今見蓼莪興篇

築臺古城曲臺上柏扶疎美人何眷眷日夕爲踟躕  
匪無南山橋知是誰家墟匪無北山梓年歲久模糊  
此柏自先人本爲色養須宛如交讓木雙雙侍庭除  
西枝忽凋落應爲攀號枯東枝日榮茂儻爲瞻依敷  
眷彼舊廬物移此新築居惻惻懷我心日月無停儲  
庭樹易拱握心惻難暫舒矧茲凌霜操詎效百卉腓  
雖有疾風颺寧俾至性渝對此良慨慷上有夜啼烏  
烏啼一何切啞啞相號呼烏啼若可絕孝慕亦可滅

雨中同松陵周叔宗諸子赴嚴季舟泛湖  
莫雨青溪上寒山橫數峰孤舟泝煙水幾處落芙蓉  
但覺滄浪遠都忘綠酒濃漁郎休問姓全是海鷗蹤  
詩悼顧燕徵小舅

小舅偏聰警髫年卽苦辛獨憐春彩思奄作夜臺人  
種玉終難合尚未娶懷珠却易淪尚餘熊膽在腸斷白  
頭親

挽桂江徐徵君

孺子何奄逝溪嗟隱德違人琴今夜壑庭樹舊春輝

下榻風云邈求仙事已非楚江蘋可薦揮涕忽沾衣

十五夜喜王山人崑崙父子范茂才東生相訪

去且爲尋山之約

佳節正寥廓故人千里來猶憐九枝外月色爲君開

映雪看瓊樹穿雲問落梅桃源若有意早趁海潮迴

壽黃南雄六十誕子縉紳以華亭陸太史舉進

士子祝之

六甲初週傲五湖忽看佳氣靄懸孤藍田種子終成

玉滄海生光信有珠盡道于公言不爽從來竇氏德

難孤君看松頂冲霄翼卽是華亭白鶴雛

壽周畫師

綵佩交歡鶴算并春光正滿闔閭城舞衣風倩吳宮  
柳仙曲花邀茂苑鶯解頌酒人工玩世閒師畫史任  
逃名看君一片餐霞意何必龐公採藥行

爲歌者贈畫史

解道長生物外求閒將畫史獨精搜丹青色裏餐霞  
氣山水圖中訪岳遊

二

霓裳彷彿曲中聞个裏風流半屬君不是周郎能顧  
曲那令空外遏行雲

贈葉征西

大中丞龍潭葉公以文武碩望自貴陽開府移鎮  
意甘肅無何聞逆虜哮承恩之亂毅然上書請討果  
不三月虜潰賊擒遂匡西夏中外大其功復退然  
不自居悉推之前制府魏公以出之於獄海內高

其誼云

從來國士本無儔朝拜徵書夕運籌降虜妖氛冲太

白是歲太白經天將軍兵氣落旄頭孤忠直洗千秋恨俠節何心萬戶侯寄語遐荒勤款貢漢家多用老臣謀

不自題小像

解道人間土木形曾逢仙史授長生看君一片冰壺意不許丹青畫得成

大代趙少宰贈葉征西

征南猛士舊如林却使豺狼計日擒血染關山西夏恨洗清天地老臣心明君正想廉頗切讜誼偏推魏尚深他日儻題麟閣贊英風千載有徽音

代趙內翰題李貞淑詩


一看彤管疏徽音千載能令烈士欽慷慨欲完酬死節艱難竟就立孤心懷清臺上猶傳古黃絹碑中孰竝今不獨清貞自天植兩家忠義本來溪立

送天池中舍北詣省中

燕樹吳雲萬里深漢廷仙吏別知音送君唯有秋江月長照冰壺一片心

二日同會

悠悠仙旆向瑤京猶有芳蓀可贈行華省莫耽紅藥



原件短缺

P26-P27

孫齊之松音堂集  
句漢家還擬相玄成

秋日同屠禮部長卿共燕松陵顧吏部園居

散髮孤吟澤畔行  
偶逢佳勝共逃情  
花間乍過五湖  
雨竹底却看千島晴  
子夜歡娛忘晝短  
秋雲世路覺身輕  
夫君若問滄浪客  
鷗鳥無猜不記名

九日對菊忽憶舊遊寄顧茂儉張仲立

昔年好交結  
零落誰相求  
猶有同心彥  
一朝俱宦游  
青雲各千里  
白雁坐三秋  
此日東籬菊  
王孫空自愁

九日

投分蒙魚水  
通家忝雁行  
形骸渾脫略  
意氣老相將  
急難勤傳訊  
知音快引商  
曾要避塵網  
便去覓霞漿  
莫問桑田變  
休將蓬海量  
安期若可遇  
煙駕共徜徉  
口占答二張

忽訝梅花發  
煩君尺素投  
相思應入夢  
芳訊滿枝頭  
咏水仙花

碧江香和楚雲飛  
銷盡水心粉色微  
乍向月中看素影  
却疑波上步靄妃

春日酬周公美

不記別君日但愁離思煩年年艸色動空自憶王孫  
路去花千曲書來月滿園開緘恍相對猶似入桃源

出塞曲

胡庭朔雪正茫茫匹馬關山去路長回首青樓人不  
見獨持旌節向沙場

刻孫齊之先生松韻堂集

刻孫齊之先生松韻堂集

海虞孫七政著

卷十

和張伯起午日風雨集園亭

却驚詩句類潘郎莫訝巫雲峽雨長萱艸林間舒翠  
帶榴花枝上濕紅妝喜看物色新吳苑愁逐煙波問  
楚湘續命不須縈綵縷菖陽已進萬年觴

無題

白門芳艸又芊芊消盡冰肌信杳然不及莫愁湖上

孫齊之松音室集  
月清光夜夜到君前

賦得採藥

九轉機方寂三山信尚遲且尋霧藥去煙駕儻相期  
易換人間骨難逢鼎內奇莫愁仙壑遠岐路獨猜疑

對夜合花懷周山人

并序

山人嘗於若年姪處咏此花有五月花開雅淡姿  
之句今山人已物化四十餘年對之凄然有感

不隨支遁買青山常咏山花意獨閒逸客已隨秋艸  
歇山花猶自向人間

戲效齊梁體咏竹枕

媿將湘浦淚却薦陽臺雲偏憐北窻下清風時爲君  
晝搖團扇影夕汎幽蘭芬但恐炎蒸歇遂與錦衾分

老將

麾下封侯盡邊庭尚未還幾年窺瀚海百戰奪陰山  
漢節丹心裏胡沙白首間願隨班定遠生入玉門關  
賦得樂府將進酒十一章章三句爲張太母九

十壽

西王壽域開大荒天陞鴻蒙壽茫茫不知下界幾桑



滄其一記觴周穆降漢皇錦瑟琅璈弄紫房侍真颯颯

舞霓裳其二下睨濁世何攘攘三千甲子等電光安得

青鳥少相將其三夫人却下瑤池旁洞裏年華別自長

世上初傳九十霜其四日翻真誥咽玄漿雙瞳碧剪秋

水方千歲冰桃幾度嘗其五意是飛瓊暨安香當時誤

覆九霞觴麻姑年少不敢當其六膝下仙雛鸞與凰燦

若霞錦羅肺腸未許天孫擅七襄其七歲歲年年秋未

央白頭兒進茱萸囊菊英蘭萼亦已芳其八鳳侶如雲

躡畫堂文章四海走若狂戔戔祝無疆其九側聞

景輝射維揚夜夜輝纏寶婺颺天錫夫人壽且康其十

思得大堪采扶桑雲波如山苦難航聊歌此曲撫宮

商其十一

代何參軍壽張伯起母兼壽伯起

闔閭城中百萬家朝歌夕讌爭豪華誰家鼎鉉能赫

奕誰家金穴能矜奢君家絃歌獨奉母爭娛秋月還

春花秋月春花無盡時伯仲賢豪無所希文章只許

曹劉匹意氣偏將稽阮齊如此文章并意氣何難射

策金門內拂衣還復棄繻歸只為慈親間雲樹一朝

孫齊之松音堂集  
辭却黃金臺千歲霧丹海上來不獨霧護北堂茂夏  
老瓊樹西園才已道飛瓊是賢母復云先郎今老萊  
壽母仙郎交進觴紫霞映鬱浮祥光堂前三千珠履  
客遐陬僻壤走文章爾時黃花開滿堂絳雪玄霜初  
進嘗一年一度進霞觴應共吳山楚水長

雪中對紅梅咏懷

江梅千樹寒雲咽一樹胭脂媚晴雪南枝嫣然春尚  
遲北枝爛熳猶臘月南國韶光信知蚤何事紅妝獨  
先發東君有意報芳菲美人信杳空相思美人不遠  
瀟湘汜爲誰隔斷瀟湘水幾度闌干獨倚時慙慙恍  
是瀟湘裏

雅奕篇寄憶新安汪大

吾家世有奕棋癖傲隱青山恣閒適暑月偏消綠樹  
濃寒夜誰知雪盈尺吾翁取蓋差寄跡吾祖西川溪  
刺骨賭墅都忘敵國兵爭道肯避王侯色兩翁肝膽  
絕世稀俠氣風流天下知昏夜叩門惟劇孟洛陽負  
郭傾酒資不顧黃金燒不成洗却萬古蒼崖奇時時  
攜却東山妓飛泉影裏笑彈碁此時海宇稱安樂朝

內公卿喜恬漠不獨經綸坐鎮中彈棊博笑俱玄邈  
坐中國手誰不奇文雅獨推王與郭王翁本是金門  
隱二郭家園爛紅藥譚笑常教一座傾玄機不向枰  
中索个中不識个中意爛盡斧柯終下着只今孫翁  
有阿孫白頭癡絕犢鼻褌無錢不賣阿嬌賦有脚不  
過七貴門眼中閱遍曳裾客白嶽汪君好習臆品君  
棊格顏范行看君意氣郭王匹幾度滄洲木蘭棹芙  
蓉露冷和煙滴半掩湘簾白鷺飛翛然坐隱兩忘機  
自君一別吳王市野鶴下翁復長逝棊枰空掛東壁  
塵俗客紛紛惱人意何當更賭州堂幽半窻山月茶  
鐺沸

賦得 皇州春色歌代章夷陵壽陳母八十

有序

景湖陳先生蘊雕龍之奇思屈烹鮮於茂宰不佞  
始接全寅之歡旣沾鄰治之潤誼竊通家情殷握  
手茲先生擢選畱都職司肅駕而太夫人壽躋八  
十分當九頓聊著短歌竊思先生許國娛親兩攄  
志於 清朝武略文韜竝展才於仙署拜祝一觴  
式瞻何限

江左從來佳麗窟 皇州別有仙霧宅浪傳瀛海覓  
 三山近覩滄江倚天碧仙水仙山杳莫窮 皇州春  
 色曲相通玄圃應連上林苑瑤池恍接蓬萊宮瑤池  
 舊是西王宇曾向霧姑說仙譜周王碧藕本同栽方  
 朔蟠桃非獨樹天王壽域開皇都粉署仙郎奉板輿  
 朝望雙成綵鸞駕夕邀南嶽紫雲車鸞駕雲車無盡  
 期北堂護艸日光輝瑞鳥解歌霧壽曲祥花會舞老  
 萊衣萊衣孝養心何限夏矢精忠服華弁麟閣長懷  
 許國忱鳳臺初展娛親讌仙郎若問霧姑年蓬萊水  
 淺應須見

丁酉獻歲口占述懷

乾坤落落一畸人七十年華長此身世外已將機事  
 息山中獨與嶺雲親白門楊柳應還綠玉洞桃花別  
 有春換骨不愁霧藥晚蚤從虛鑰悟玄真  
 寄懷張臨淄仲立并戲索酒資

遠道欲緘梁父吟每愁雙鯉易浮沈艸生澤國三年  
 夢月照河津萬里心循吏名高股肱郡故人書訊瑤  
 華音也知張季風流甚可寄黃花作散金

少年行  
李風激其可憐  
血色桃花何處鳴  
黃金臺畔賭聲名  
燕昭買駿心方切  
天上應須此日行

二

一枝仙桂月中香  
莫道君門萬里長  
但得精光射牛斗  
誰人不識是干將

咏古五首

岳武穆朱仙鎮

幽燕唾手忽班師  
明日中原虜騎馳  
只有陣雲飛不

盡碧天猶見岳家旗

韓蘄王歌舞西湖

休道將軍苦戰深  
教成歌舞樂揮金  
但憐一曲桃花

月銷盡英雄萬古心

劉順昌山中祠

一片英風海宇間  
荒祠半是古苔斑  
空山月出馬嘶

斷猶似將軍夜戰還

睢陽雙節祠

英雄試向往時論  
惟有丹心萬古存  
天寶遺臣誰不

孫齊之松音堂集  
死獨懸雙節照乾坤

忠到睢陽莫漫論須知勳業滿乾坤若非力盡周南  
地那得干戈蕩薊門

素交篇贈壽西巘秦文

有序

西巘先生挾凌雲之藻彩蔚懸河之雄思慢世率  
真自方司馬上書不第人比劉蕢晚歷多岐之途  
益悟達生之旨恂哉曠士之高節也茲先生壽屆  
七十某爲敦女蘿之懽欲致喬松之祝乞言於予

予向也十年不就茲則援筆立成迺知詩本情合  
雖金蘭之素感句得神來儻霧瑞之開先千週甲  
子今日古希仲月韶華茲辰讌喜中有天台賦客  
指春色以稱觴但看千樹桃花卽是萬年霧藥其

詩云

交道古所難意豁卽投遇況此鶴髮翁密燕敦舊故  
憶昔俱少年高視狹章句談天匹彫龍研籍方書蠹  
意欲凌丹霄疏節薄時務晞髮扶桑枝振衣崑崙圃  
苦爲世網羈且學干謁去不射董生策卽獻子雲賦

十上長安門數奇屢跼步歸來已華顛畏途復多迂  
回顧褐中懷宛然媚明璐迺知造化兒取舍精注厝  
奪彼艸頭塊吸我霞表露所以達士觀遐矚有玄悟  
佳君晚節來虛舟曠高度將適鯤鵬遊何惜鴟鳶怒  
默悟養生家坐識玄門路羽客雖蓬壺三徑覓情素  
芳春爍千花觥籌日相呼一觴旣陶然不減丹丘趣  
爛熳舒天殺大椿等朝莫

和殷無美六十七生辰日述懷

休輪甲子歲過七須信逍遙年莫窮世路豈君嫌宦  
拙勳名從古怨文工中郎有子書能繼陶令無錢酒  
不空獨愛多情西爽色常供司馬北窻中

詠美人晝眠

倦倚東風歸洞房水晶簾捲柳陰涼君恩不厭春宵  
別妾夢休嫌午漏長黃鳥關心窻外弄梨花隨意枕  
邊香誰言白晝關山路幾度遼陽夢裏忘

贈種桃菴主人

張海樵

寧將白髮老青鏡肯負煙霞虛歲華世上滄桑空變  
幻山中春色自桃花千重碧嶂千重路半是仙源半

是家便欲相携去人境不知何處覓星槎

和友人詠愛妾換劍寶劍盡焚華世土氣桑空變

其一怨情

劉生一旦事橫行俠節偏將粉黛輕  
霧鐵換成傾國慟青樓辭去鎔鄒驚  
休論此日量珠價難割當年弄玉情  
不信肝腸道傷斷但聽孤劍匣中鳴

其二俠氣

本為君王俠骨輕豈關恩愛薄  
娉婷羞將白首三軍氣戀者紅顏小  
玉情夜對佳人歌烈士朝持傾國撫  
連城旁人解指蓮花臉猶作同心劍裏生

楚王引太阿之劍登城揮之晉鄭三軍白首

鳳燈詩

獻歲春風開壽域古祠燈火賽年芳  
僊山別倩霧鬢駕化國爭看彩鳳翔  
星月影中搖瑞靄管絃聲裏布青陽  
銀缸莫訝殘更燼玉燭長調不夜光

送邑侯何雁里扶太夫人觀歸蜀

世風久淪替吏道日秦蕪鸞鳳既已遠  
枳棘遂充途邈哉魯中牟澤化如春敷  
悠悠百代間疇克敦令圖



孫齊之松音堂集  
古虞滄海邑菁華孔教餘邦賦本饒渥民俗亦恬愉  
奈何王事殷杼軸苦空虛秋霜易成瘁化日難使舒  
卓彼張令公獨立如斗樞繼以我賢侯皎若天雲孤  
迎養自蜀門忠孝兩不渝敷政匪赫赫靜聽歌來蘇  
獨愁聲稱藉旦晚下徵書何知高堂變去此若遽廬  
涼風正蕭瑟哀哀歸素車雖切攀轅心莫慰擁道呼  
侯從此中歸何自來天衢 皇心眷 帝家古道亮  
難渝冀侯終大柄作霖遍寰區

爲何參軍壽蔣大參魯山

長生之家有秘訣葆真內視無他術蔣翁天與篤茂  
姿含和抱樸心霧竒少年恣肆文章事射策彤庭步  
高第內遊粉署列仙郎外參雄泉窺衡湘訪古一登  
峴山上茫茫今古搖心腸因思老氏止足訓掛冠金  
馬歸徜徉朝簪不換枕中秘野菊況當籬下芳年年  
正逢青女節玄霜絳雪和瓊屑今歲霧椿七十秋他  
年海屋三千籌階前玉樹何芬蔚上壽稱觴鸞鳳質  
爲翁且著王家勳畱翁自訪仙山逸

過王道士艸堂哭之

幾過芸齋話蕭然物外居鼎中烹石髓枕內秘鴻書  
 忽作蓬壺別空憐蕙帳虛獨餘延氣術畱訣向寰區  
 為胡任丘追贈厥祖光山公祖平寇之功  
 澤國倉忙戰馬鳴郡侯移節鎮蒼生君恩萬里孤  
 心在海氣千重一劔清下瀨已知方略茂戈船寧計  
 賞功輕只今烽火關山急麟閣誰人可勒名

風帆戰艦獨森森千隊鯨鯢一日擒夜襲狼山江月  
 冷朝空漁浦海雲深黃金不羨封侯印白首聊勤報  
 國心但憶秋林西爽氣時時拄笏五湖陰

戊戌三日書懷

漫言霧嶽訪仙情七十年華又二庚白首始知迷短  
 計青春已去學長生胡麻石髓空拋撇滄海桑田幾  
 變夏要妙却從玄裏得不愁丹訣竟無成

題談思永復惠山小洞

人代總陵谷名山亦變遷淒涼一小洞興廢兩悠然  
 野竹猶籠月寒莎尚帶煙多君獨懷往題句向千年  
 次韻酬何還赤北上

存齋之松齋堂集  
目極寒江塞雁飛美人何處動征騑休將歲月悲蓬  
鬢拚取文章換錦衣楚水挂帆雲亂起燕關貰酒雪  
紛霏白頭惟有寸心在萬里長看寶劍輝

贈相士董生

董君雙眼碧嶙峋獨挾冰壺照世人已識塵中真騶  
裹更摩天上石麒麟

二  
石徑松房鎖碧煙與君斗酒拂塵緣從來世上皆皮  
相莫笑孫卿非相篇

傷登兒脩齋醮懺其母子

六歲孤魂古塚前幾回春艸宿寒煙斷腸埋汝懷中  
玉獨向空山五十年

二

母子哀哀丙甲年三生緣業一生愆從今懺悔金輪  
內重結來生父子緣

題美人和月折梅花

欲折梅花寄別愁幾重關塞路悠悠妾心願托青天  
月獨寄春情到隴頭

贈形家

一卷青囊萬點山蕭蕭白髮老江關龍蟠鳳翥休輕  
問別有真機要妙間

詠虞美人花

楚宮花態至今存傾國傾城君莫論夜帳一歌身易  
殞春風千載恨難吞胭脂臉上血和染粉黛姿間泣  
作痕只有漢宮花似錦總隨荒艸向乾坤

二

薔薇開盡綠陰涼舊谷名花此際芳夜月空懸漢宮  
鏡煙花獨帶楚雲粧

雨中同何柱史攜妓遊桃源礪得千字

正逢江月嶺頭圓驄馬能來艸閣前暮雨故隨歌扇  
暗雲濤偏向舞裙旋金門避世心猶薄丹嶠搜奇夢  
亦憐却奈煙霞隔岐路一聲秋雁別三千

詠蘭

謝庭俱比玉楚畹獨滋芳願得全心者采采凌瀟湘

遊仙詩

半憶桃源半絕人笑看妻子却前因雲深採藥期劉

阮谷口逃名謝子真山色有時全入靄野花無日不生春蚤知世外風光好何事人間悞此身

酬何孝廉見贈

道敝文章幾百霜雅歌今日見何郎結交不藉黃金色得句常含白壁光已羨雲霄人鳳彩却看人世路羊腸多君尚愛床頭骨斗酒秋深老桂香

哭顧仲玉兄弟

依然門巷覆青梧忍見當時舊酒壚共向雲山埋玉樹空教人世泣明珠階前碧蘚栖行跡帳裏名香宿坐隅回首不堪交道盡小樓啼殺夜深烏

詠混元衣

鶴骨偏宜老衲寬混元初就鹿皮冠從今

踏雪看梅雪後梅花

去不怕千山夜月寒

題贈錢柱史小輞川

嘗聞心旣遠能使地自偏果爾在人境居然得幽玄早辭金門隱却結青山緣選勝右丞畫搜奇摩詰篇意中方窈窕象外結盤旋趣必邀新得名惟採舊編坐凌三島勝近與五湖連曲曲煙霞冑行行水竹牽

山嵐衣袖上林靄酒杯前月色常留夜花光獨駐年  
漆園非傲吏金谷亦名詮衣繡舞臺畔乘驄曲榭邊  
不教山鳥怪堪致海鷗憐始信息陰者悠悠卽洞仙  
無題

靄靄千山飛暮雪寒雲萬里重陰結美人何處隔瀟  
湘水壺不語空騷屑

伏枕見松際月

山吐臘盡月更殘斗柄回獨憐松際影故向枕邊來  
芳艸又將碧壯心都自灰只應霞上侶共訪赤城隈

贈葛廣文擢東魯教諭

白首殷勤送短蓬洞庭霜葉老丹楓蘇吳已得傳心  
法鄒魯還期作聖功漢帝封前看海日秦皇碑下聽  
松風夫君到此應相憶惟有名山在夢中

巳亥歲朝口占

去年臘月除夜盡今歲春風旬日來山中芳艸終不  
歇海上明霞行復催人世緣牽夢先斷蓬萊信杳心  
難灰願隨春色到霧境常見桃花洞裏開

見洞觀瞿子武林諸詩得雲棲之勝因憶舊遊

孫齊之松前堂集  
懷蓮池大師

嘗聞雲棲頂可至天目巔今知三竺盡嶺上遙相連  
始歷江滸勝遂入層雲端南眺百粵嶠北顧奔潮湍  
連岡屢越壑危磴猶造天借闕遠公廬蓮社開何山  
前峰翠微半孤鐘出寒煙中托宿慧根猛割塵區緣  
一燈照前龕萬嶂空啼猿曾於西湖濱精談析諸艱  
入定番入魔靜勝卽靜觀至今秋空月朗映溪心間  
苦爲情塵縛歲月倏摧殘迷途雖旣遠未駕猶及還  
尚期竹林逸往叩花雨關

送金山人玄嶽尋親時年已七十八

曾聞別婦畱丹訣又見尋親向彩雲白首去家輕別  
思青春作伴好攜羣雲埋玉洞仙源杏花滿丹梯世  
路分雖有山中萬年藥且隨劉阮下氤氳

行路難

君不見當年舊有豪華客曾散黃金揮白壁豪華誰  
數七貴家繁盛休誇五侯室自擬山河帶礪盟千秋  
行樂無終極已厭人間腥穢軀更思方外煙霞宅煙  
霞不作人間宅蓬萊水底終難覓空愁雲海信難通

誰道人間路亦窮一朝翩翩類迴掌華亭鶴唳空悲  
想始悔青門不種瓜悠悠萬事真空花向時華屋神  
仙質今日空山狐兔窟向時琴瑟思高堂今日松風  
度蕭瑟不知碧玉下珠樓又向誰家字莫愁聞此何  
人不淚流孟嘗腸斷雍門周古往今來莫能度茂陵  
遺址但荒丘方信盈虛會有時桑田幻海須臾期世  
人大夢喚不醒風狂電掣何時定西山白日不少畱  
却追夸父無停休百川東奔無駐息却隨精衛思填  
塞不惜年光鏡裏凋雄心一片竟難消紅顏夜夜荒  
金屋滄海年年駕石橋若非不死秦皇帝定是仙人

王子喬

段侯贈行詩

大道既已隱吏治多乖離尼父有遺訓寬猛貴隨時  
單父主清淨在古或相宜西門尚威稜大國恐煩疲  
悠悠絃歌風赫赫鄴下陂二美兩克兼兩漢亦難希  
天錫我侯德舉政炳先幾下車甫卒歲百蠹燦然犁  
內懷淳古心外撫孤筦黎周疆亘中吳晝夜無停機  
朝披嚴霜出夕帶繁星歸及觀霧臺內瑩若春冰澌



以此貫神明神明焉得違我侯三年行田野克相依  
赤子皆衽席滄波遍鎡基我侯一旦去他人誰嗣之  
攀援共號呼涕泗若綬縻尚期三載後重借寇君來  
豈惟田疇我更使德光輝拭淚且相慰傾耳待來茲

和王百穀遊春

春風翼予棹去逐桃花飛鳥道谷中隱人煙雲際微  
自尋綺里徑不採夷齊薇只恐仙踪杳芳蓀怨客歸

壽施太僕礪菴

雨濕瓊桃萬樹丹蓬萊外史好盤桓曾教玉殿親題  
柱數向金門欲挂冠鳥和仙歌能獻壽花隨朝冕解  
承歡千秋常對閒司馬惟有西山拄笏看

和陳仲醇贈蘇爾宣移居武丘

范蠡湖邊艸色寒山寺裏鐘聲斷送生涯已老且將  
活計尋僧

二

竹裏僧房燕語松間野店花飛囊垂金錯都罄人老  
雲山未歸

三

孫齊之松齋堂集  
一片生公石上三尺要離墓傍但見月寒雲冷消沉  
幾許滄桑

四

黃金不解世厄綠酒難消客愁欲借丘中古劍一平  
萬古千秋

有所思

愛此清和節桐陰滿碧階美人何處所蕙艸空瑤華  
誰能沂江岬致書天一涯相思不相見春帶坐應賒

雨後咏花

倚遍闌干惜暮春片雲初霽月華新紅妝夜着胭脂  
濕渾似當年睡起人

覽張伯起新集喜賦

經歲床頭病骨深故人忽寄瑤華音懷中寶劍真希  
代身外浮名任陸沈玄晏須裁左思序桓譚偏識子  
雲心自傷白首無詩卷憔悴江潭作楚吟

悼亡贈王復齋

月挂樓頭夜色涼忽疑楊柳舞蕭娘堂前鸚鵡言猶  
是爭奈琵琶空斷腸

賦得遊仙篇壽金湘川

駕言覓煙客矯跡搜山棲三山不可到五嶽邈天涯  
遙聞湘江曲霧芬薄雲澹上有千歲人下有萬仞梯  
幽谿馥藜桂陽嶺耀丹萸石泉漱寒玉長林振芳飈  
借問此何誰云是古龐眉曾陪瑤池宴復采商山芝  
外絕百障根內攝衛生機真人秘霧訣惟此窺精微  
窈窕叩仙窟授我瓊霞杯一飲盪陰魄松喬可等期  
贈陳半刺舉子  
葵榴五月向人開半刺還家喜氣催解道元方能繼

武季方天與鴈行來

二

君家奕世產英人玉樹偏宜老榦春不必誌公摩頂  
後始知天上石麒麟

覽俞羨長遊華諸詩却贈

西壓金天太華雄羨君登陟半空中仙人掌上晴雲  
捧玉女峰頭雨氣蒙人在碧霄看海岱影隨黃屋到  
崆峒偏多謝眺驚人句直逼滄溟思轉工

春水

二月啼猿峽千重碧樹灣此中春水發雲壑自潺湲  
雪夜來丹嶂花光映粉顏西流瑤池圃東汎赤城山  
劉阮能尋渡漁郎遂莫還從來仙壑水春色妬人間  
九日傷張臨清仲立

去年重九遙相憶今日傷心岱岳遊彭澤已無陶令  
迹菊花空遶故園秋五湖白社三年夢一片青山萬  
古愁天道古來無足問不如江上汎漁舟

塞上曲

飲馬長城窟窟深冰復堅朝馳青塞曲暮宿紫臺邊  
紫臺青塞朝還夕征夫一去無消息春色年年不到  
君梅花空落羌人笛莽莽黃雲古戍頭從來征戰未  
曾休鍬衣誓掃金微北玉箸休彈珠淚愁珠淚彈不  
盡征夫何日還但候秋風看雁信今年定入玉門關  
庚子歲朝詠守愚見意

損益爻中萬物齊看來巧拙是誰癡且憑天老甘貧  
賤何用勞生妄作爲世路危機終莫解玄門學道半  
成疑愚公一守愚公轍箇裏乾坤只自知

松韻堂集卷十一

松韻堂集卷十一

松韻堂集卷十一

松韻堂集卷十一

松韻堂集卷十一

松韻堂集卷十一

松韻堂集卷十一

松韻堂集卷十一

刻孫齊之先生松韻堂集

海虞 孫七政 著

卷十一

松聲賦 并序

昔人有謂絲不如竹竹不如肉者以其漸近自然

也必如斯言則孰有過於松風之為聲者耶客既

有為之賦者遂援毫而和之然聲彌妙則和彌寡

深有媿於白雪之音云爾其詞曰

粵有逃虛之士淵尚之賓選八荒而無悅渺萬物而

寡鄰超人世而獨鏡廓杳眇以怡神迺獨娛夫吹萬  
之真曲自然之雅音非絲竹而遞弄迭拊遺鐘磬而  
觸石攬金竝嶰谷以取韻託徂徠以標名寔惟要妙  
是曰松聲蓋方風之起蘋末盛土囊而緣於泰山之  
阿也維松固已灑然清矣及其飄搖啣溼蕭灑颼颼  
竦萬尋兮忽舞徐波起而遠流盈空谷而澎湃映別  
壑而澄幽林氣如洗劃然成秋則又聳乎其足听焉  
以至清揚遐厲森沈沸渭上漢斯蜚梢雲暫憇夕颼  
振而柯鳴涼颼引而條曳狼狽哀嘯乎其側饑鼯呻  
吟乎其內於是蕩瀆乎絕巘之下浸淫乎深溪之澁  
截微徑與荒丘經石林及花嶼衆芳盼嚮其坳集輕  
靄霏微乎莽際斯則蕭遠冲虛空澄幽翳似春雨兮  
滿江若廣陵兮潮至消子不能撫其弦娥陵不能宣  
其意以故天籟非一松聲最矣松聲若虛會心契矣  
爾其絕迹箕穎逃名首陽視揖讓兮喪道非放伐兮  
不王睿然天下喪頽然出處忘澗無人兮濁世遠孤  
雲在岑兮獨徜徉惟聽曉鶯變語春壑鳴淙和虛濤  
之遠寫足幽耳之笙簧若夫幽窻獨坐泉石孤吟方

弘景兮開徑及彭澤以歸林煙芊綿兮如織霞朗映  
兮清陰一鳥偏弄疎花冒濤聽孤松之流韻似幽人  
兮整琴悠然忘世洗耳披襟至若松子引年於緱嶺  
劉阮採藥於天台萬壑度盡生平始來徑石梁兮天  
路遠神恍惚兮一徘徊忽落英兮流出杳松聲兮喧  
逐使人心爽令人意哀莫不念仙期之綿邈悔短計  
之迷回永結長生之願深盟鍊魄之懷別有楚襄蘭  
臺之上漢帝蓬萊之芻玉樹夥磊雄風忽颺竝葱蒨  
兮發韻惟松風兮悠揚上君玉堂入君洞房使窈窕

兮閒靜俾君王兮清涼方欲輟洞庭之張樂罷鼓瑟  
於瀟湘至矣哉松聲之爲妙也是以至人聽之與道  
若一懷真得要含光去迹收無聲以爲聽鑒至清以  
爲心與天道遙與世陸沈冷然將御風而遐逝從列  
仙兮無古今今論委美古出今來與韻未已哉夫一之

三秋浦芙蓉賦

并引

壬申秋七月之夜予獨臥園居夢遠悲懷驚秋慘  
大緒旣覺則月白在戶寒蟄自吟乃跣履下堂覽池  
蓮之芳潔感白露之將滋因歎曰蟋蟀宵征而芙

蓉朝艷其能久乎遂作秋浦芙蓉賦其詞曰  
夫涉江采芙蓉者悲莫悲於秋浦之月矣爾其吳郊  
楚域古稱澤國越溪浣沙代產名花雲夢具區之數  
三江五湖之墟野何地而非水水何花而不敷莫不  
窈窕錯綺紆餘秀美古往今來窮懽未已若夫一夕  
兮秋風生洞庭兮波始增日落兮千里秋晴曠望兮  
極目煙凝瀟湘兮一色吳楚兮俱碧木落兮無際山  
高兮水極此時不見有同心之伴侶惟見有江花之  
的皪艷絕芳洲嬌不語秀色傷心愁亂客已而覩兼  
葭之有影知月出之借光漸揚揮於江汜波杳渺以  
汪洋忽升壁於青漢燭萬里之纖芒照江波兮波有  
花兮花有影映江花兮花有月兮月有芳爍金波兮  
如綺泛清輝兮似霜曲淑迴塘爛灼輝煌長堤古渡  
映帶微茫於是則有澤畔王孫江潭麗媿悲秋無賴  
採佩忘歸下蘭汀兮遡浴洄動江影兮亂霞輝隨風  
輕進兮澹容回忽流芳之襲衣碧靄橫江兮帶月霏  
微渚蓮如繡兮含笑迎予洵南國之佳麗信秋夜之  
芳菲獨奈何悲遺風於江介感白露之將濡惜妍華



之有幾恨芳歲之易逾擗白髮今將變歎紅顏今莫  
儲奉鮮葩兮躑躅覽桂樹兮心飛而況送美人兮南  
浦贈之子以繁英顧江月之宵灼射仙姿以盈盈君  
不畱兮奈何斷予腸兮荷花是則屈平以之憔悴宋  
玉以之悲歌志士長窮而因之愴怳怨女哀色而見  
之橫波豈比夫謝思江才佳清和於首夏吳娃越豔  
悅綺節於春沙哉乃歌曰江之花兮爲予香採採明  
月兮製爲衣裳惜山川之修阻兮終莫遺乎君王傷  
美人之遲暮兮羌獨涕而誰亮又歌曰有美一人兮  
婉清揚遡流從之兮水中央託芙蓉以爲媒兮畏月  
露之莫將已矣哉吾寧棄芬芳以畏秋波兮將宿芙  
蓉以爲棖亦知江岍之多遶迴兮吾誠不能信悲風  
以披攘皇天旣命予以好修潔兮豈復知夫時節之  
纏黃洵九歿而不渝兮指明月以爲璫

破硯賦

并引

歲壬午之秋季予訪虎賁陳君於清溪之灣板屋  
棊几卉木萋然齋名臥雪破硯在焉展玩良久慨  
歎興憐遂援毫而賦之曰異穴滌滌之式王藍

粵此硯之本來乃帝家之珍異穴端溪之片玉蘊溼  
雲之沈紫含故墨於非煙溢餘光於星紀辨剝蝕於  
篆書識 思陵之奇字年何代兮流落代何人兮擊  
碎別故井於頽垣將千年兮萬禩竝幽魅以爲家隨  
劫灰兮共歿始何爲兮忽離終何故兮復萃將造物  
之無心何倚伏之多秘抑萬物之見重咸完合以珍  
傳獨將軍之寶此乃破離而棄捐謂缺陷之世界多  
毀好而忌全況此硯之離合寔神物之微權惡全軀  
之非夫故玉碎於人間厭守故之未奇復葆光於重  
泉雖毀方而瓦合隱墻東而頽然辭匠石之小知獲  
懸解之大年卒相時而顯晦效秦璽之輝纏始分交  
於有激終膠合於鳳弦噫嘻嗚呼君知之乎彼大塊  
兮爲硯雖含默而虛無一離一合兮幾摧琢一治一  
亂兮幾研磨何堅貞之不脆何太白之不污豈若茲  
硯之似道得逍遙之妙避陽九於胡元希 明光之  
顯耀吾將佩此硯以爲弦韋匿雕龍兮守玄豹孫生  
季子聞而歎曰世喪形交道尊神合無用爲用玄光  
煒燁因復爲之贊曰

故井頽垣獲帝宮之佳玩破坳殘石竟合壁於文房  
千年廢棄一朝重劫灰為鄰溢精光古來聖哲多類  
此寶劍不灰亦不亡

所之石硯出端溪石堅色紫舊為宋高宗御藏有正

書十六字贊瓢印御書二篆在焉流落人間

不知何年擊破為兩片大片出鹿苑寺故井

中小片出蕭氏頽垣中去井二里許先後殆

四十年今合藏陳天樞將軍臥雪堂詳郭道

人硯記

聞笛賦 并序

僕夙秉微尚敦心清遠髻鬣未周天機恍悟總非

初成雅樂性情自五六時見夕陽返照居然有懸

車之悲九十時聞山下笛音思劉琨中夜走胡慨

然有傷時之志至十二三擬淵明歸鳥等篇見其

詩恬澹怡曠安貧自得晏如也心竊慕之以故囂

紛萬伎疾厄少嬰而一塵不染內顧無愆獨窮愁

以自娛貞雅志於偷俗於時無知己誰為密室殷

勤之懽乎自謂埋輪之忠不遂攬轡之節未伸猶

當絕跡箕穎揚清渭波築室一區永矢幽人之操  
著書數卷聊鳴淳古之風志苟在予待時而已何  
意居諸倏逝奄過盛年萊婦丘墳朱華凋落總有  
前期奄畱失職驚禽易創撫心懷舊令人黯然銷  
魂邈朱明代謝梧桐搖月獨居園中命童僕遠弄  
簫笛聞而悲之遂作聞笛賦其辭曰

伊羌笛之慘亮兮初警起以昭晰已婉憚以降弛兮  
却隨風而悠咽引衆音之凌歷兮步舒徐而沉寂漸  
倚調以宣朗兮遂紛葩以塊軋若佳人之將進兮羌  
持禮而明滅似駟牡之駢駢兮驟阪峻而騰越暢予  
志之湮鬱兮滌煩慮以靜一起涼吹之颯灑兮皎霧  
瑣之新月爾乃赴節輕邁兮負衍遐驚噴疾廣麗兮  
餘響若澍蚴蟉清揚兮若怨而訴旣惜別以縣想兮  
復厭世而莫顧欲駕舟以相尋兮阻迢迢之川路催  
園柳之搖落兮驚芙蓉於宵露何盛年之遂適兮羌  
十思而九迂長珮蘭以紉蕙兮至漢濱而解去若夫  
曲度將畢兮含媚以送若綿若絕兮翩然乍縱激流  
楚於迅節兮飛清商以颺駛激冽剽悄以竦企兮凌

厲飄忽以竟逝低迴下循其哀思今彩雲弭禦而忽  
駐寫要妙以嫖姣兮何爲乎斯曲之狼戾將天涯之  
不歸兮悲山雞照鏡以鳴舞慨青陽之不歸兮豈江  
河到海而西注彼秦玉其招威鳳兮此一奏而玄鶴  
頰愁予結其慘淡兮心旌搖曳而誰與語旋明月於  
西軒兮曲旣終而清風縷音散落以無方兮墜明珠  
於合浦

邂逅賦

有序

昔子雲謂相如之賦曲終奏雅有近於戲若楚騷  
則詞雖逸宕長寄心於君王本托曲以寄雅非廢  
雅而爲曲也此固屈宋楊馬之流別與予閒居作  
邂逅賦彷彿斯義雖矯逸以度曲寔冲遠以摠懷  
知音者寡聊自適情云爾

夫何南國之佳人兮獨希世而含英裁輕綃以結態  
酌顥氣以舒情非霧非煙信自霧區謫艷傾城傾國  
偏能慾界韜精翔千仞而歷覽遡羣玉以孤征歎紅  
顏之薄命悲代幻之朝榮於是則忘念沈灰冰心鍊  
璞鳩毒紛麗膏育恬莫去復去兮翩翩恍惚盡蟲沙

玄又玄兮倜儻冲虛總猿鶴西陵松柏羞結同心東  
海滄桑愁拋宿約時則有廬山白社之舊竹溪仙逸  
之流尋嶽未遂天涯寡儔問芙蓉之別館弔鳳臺之  
遺丘簫聲旣斷弄玉偏畱乍相見兮恨相見之獨晏  
倏相知兮悲相知之卽離劔術銷而神光在狡獪盡  
而丹砂飛片片青霞誰家握瑾採明月君心有珠  
俱云有意求仙未偷桃實不意無心得果却付交梨  
贈我兮交梨莫報兮瓊芝訝君情之低回使予忽焉  
踟躕意朝雲若暮雨兮異宵夢之幽期儻漢臯之神  
女兮寧解佩以相欺欲凌波而微步兮又宛然而邁  
之實神交而意接兮疇云色授而魂怡夫何舉世皆  
腥穢兮獨申以蕙蓀之芳好握水鏡以玄鑒兮懷冶  
化於窈窕謂心巧而善幻兮珠爲情兮玉爲盼謂雅  
操以幽真兮嬌疑盡兮態逾新詫佳人之若神兮藹  
出沒兮無垠似江月之杳眇兮灼流光以相親若江  
風之綿邈兮襲清虛以懷人悄徬徨而佇想兮儻宿  
緣兮心殷殷乃歌曰絕代兮佳人皎潔兮芳芬恍邂  
逅兮一見指明星兮殷勤又歌曰佳人兮難再得海

水可量兮情難測衷腸結好兮永無斃御彼冽風兮  
蓬萊宅歌旣闕兮月揚輝佳人倚曲兮冰絃悽芳艸  
年年兮向君萋萋願君採佩兮長相思

茶藪序

太史氏頌春之次日寔萬曆戊子嘉平月之杪也吳  
門朱君德理特介焦山郭君次甫書持其所著茶藪  
來謁予詮序君少嬰高消疾酷嗜茶故自號醉茶子  
而所著書特夥使殺青書之不能兼兩抑且汗牛予  
笑曰不佞生平亦癖茶不過名泉一甕枕中鴻漸經  
一卷而已今君何好渴不已旣學桑苧以渴著書且  
復學茂陵以著書渴邪君曰著書惡能渴予予蓋漱  
其芳而澆其津者也且予寧獨渴茶世人皆好雕而  
予渴樸世人皆好巧而予渴拙世人皆好通而予渴  
僻世人皆好啄其腥吞其腐嚇其鴟鳶之歿鼠而予  
獨渴清冷之淵白雲之英餐沉澹而吸朝暉而予渴  
猶未已也必將徑乎無何有之鄉與罔象飲於赤水  
之涯而予渴迺解而猶病未能也故茶非予真嗜也  
特予寓渴耳書非予真渴也特予寓遊耳不然予且

爲夸父之逐日跡愈衆而影愈疾予且道暍歎是數也特爲鄧林之策而已矣茶豈數是哉予復大歎曰君渴且復甚矣雖然向使稍無渴以逍遙得之卽其言有味乎道真雖尚有渴在而亦猶能滌世氛也則是數也皆滌氛具也可無傳迺遂坐松風下試山中煮石泉瀹姚氏紫茸茶啜之一爲涉獵其書蓋始自桑苧以及古今之品贊雜題贈遺及君所自著圖說凡得詩若文殆千餘篇君若稍去其氛則猶可爲農經姬雅之外史羽品襄錄之藏室也君之雋永於茶亦勤矣君又別號州木禪悟御風仙使一瓢道人皆寓言於茶也與之遊果多物外賞厭囂塵間態技曩司勳皇甫公會採君謨遺意爲君綴茶錄數章其叙茶事最佳而司馬汪公則爲君作醉茶說名醉德特玄二文實數中之瑤圃瑤枝也至君居吳中則最好啟孫陸君有古隱君子風遊京口則最好次甫郭君夙有煙霞癖觀君之所得文若友卽君之人可知今君又將小隱於四飛山之麓以少泉徐君爲主而欲梓是藪藏山中徐君方傲世金馬且能結物外交使



遂其佳癖則其風流又見矣他日俟桃花春水或蓮花峰茶初熟時將攜筆牀茶竈以訪君於雲山之間君與徐君當不以敲石煮泉爲靳明者之入世歟

三峰兄尺牘諸體詩序

吾兄三峰先生操雄悍博碩之才濟以藻麗奇逸之思年甫弱冠而遂服青衿服入博士弟子員乃復圮确乖迂雖飛聲於百發而終拙志於一售爲泣玉按劍之悲者垂三十年而始謝去弟子員顓意於古文辭蓋髮已蒼綬矣則又沈綿鍼砭阨窮庚癸號煖而啼豐爲桑戶子輿之悲者又踰三十年而年已踰耄有三蓋越絳縣老人甲子且六十有奇夏 明天子世且五朝世之爲古今文者且數變與夫朝榮而夕瘁泥蟠而龍躍者不知凡幾變而造化小兒之困阨兄者卒如故而兄之不爲造化小兒所困阨而卒伸其志者亦卒如故山林野史於是論思焉曰惟先生才美故雖鬱而爲青衿卑卑語而卽翩翩然傲于頡頏間也惟先生不獨才美又蔚奇志而竟鬱於非其所好而復重鬱於圯确乖迂間也故當其壯而爲聲

詩爲書詞則多慷慨激昂挾燕趙悲歌之氣不然而  
遐思緬想懷燕齊怪迂之思又不然而嘲風弄月爲  
吳歛越吟之曲焉蓋才與遇交相發也又及其晚而  
沈綿阨窮之不替而春秋之代謝晦明之交感也則  
其爲聲詩爲書詞乃復沈吟悲痛聲淚俱盡不啻若  
臨河愴別萬里羈孤之音焉不然而及其性真和其  
天倪知其無可奈何而安之若命也則又曠然若秋  
雲之在空哀鶴之孤唳而矚然無瑕滓語蓋數其生  
平之所遇而展其生平之爲文固交相俞歎而抑揚  
之宛然一三峰氏之在目也其生平所著述手自繕  
錄者且不下數十種輒盡爲好事者持去不復存篋  
中存者僅尺牘則多晉人簡冗旨而詩詞則倣擬六  
朝初盛唐間其工篤處廼近少陵至是則翩翩於古  
文詞而獨惜其不盡存也夫此特其文詞耳進而論  
之則其爲人樂幼輿之丘壑嘉參軍之沈飲與之論  
天下事商確古今人物若燭照而數計之毫末之不  
爽也又有魯連林宗之風焉而且惜其不一見於世  
也嗟嗟此皆人所易言者耳若夫上漏下溼朝無突

煙三旬九食一冠十年而其好古之志竟矻矻不衰  
殘月未曙寒螿在壁朔雪擁晨門無履迹亦復僵臥  
裏鶉不輟其悲吟固窮之思此則人所未易言者也  
嗟嗟長卿窮矣而終不達曲逆貧矣而竟長貧先生  
之遇亦極蹇耳顧嚮使先生而不遭屯蹇若彼則其  
爲文又何能若此故弟終始卒探其遇言之也先生  
之年加弟且二十餘自弟垂髫年至今白首時情如  
一朝終相康樂與惠連也而今先生則耄弟復耆矣  
試一讀其詩若文未嘗不廢卷而流涕悲年光而哀  
壯節若大夢之將覺也雖然倘春和秋爽時先生果  
能撰杖屨登臨山谷撫盤石聽松風嘯傲於烟霞之  
墟則先生雖老猶能爲良辰一賦之而弟雖不敏若  
侍杖屨行也猶能爲先生一賡和之

詩牌小引

竊惟探韻製詩欲隨方而覓句卽席揆藻貴因捷而  
騁奇此古來勝會必賦詩以品才而近體鮮工却定  
韻以占敏也顧鉢音駛往而韻襍難稽錦思方研而  
客繁易亂曩泳瀾吳伯仲振雅含香之省公甫倪叔

嘉吳陶情染翰之林共選兩平析刊小東俾東山攜  
妓命粉黛以分拈西園集賓信金蘭之遞舉則片楮  
卽驪珠之淵隻韻當羣玉之府矣予自金陵攜歸利  
安王道行嚴一見喜之遂重繡梓蓋王嚴兩維竝擅  
耽吟之癖故詩家三昧特窮諧韻之旨云爾博授雅  
朋用旌全好

寶林菴秋社詩紀

歲萬曆戊子秋八月之下浣爲秣陵寶林菴精舍之  
集脩社事也蓋秣陵舊郡席千古佳麗故不特江山  
之映帶風氣之清嘉固已軼漢之西京而列聖含

鬱文章日新則衣冠之所駢會人英之所走集爭工  
競爽寧非遊俠之雄窟而詞林之巨藪耶是以縉紳  
先生則端議拱笏於上思以翼聖明而補遺闕暇則  
攄松蘿圭組之意發咏詠清時之音者亦亟見焉雖  
爲衣冠之會而實參山林之客至若暮年遊嶽中歲  
辭榮之士往往挾其巨麗而抱其真逸來走秣陵或  
採藥霧區則郭弘農遊仙之侶或探幽古跡則謝東  
山遺世之朋雖爲山林之會而公子王孫蛾眉螭首

翩翩雅致者亦在列焉茲歲當秣陵之秋試則復採  
髦譽之春華故灑然造斯會者凡三十有幾人其地  
則高座道人之鄰界南朝香刹之遺址長干天界諸  
林錯落隱見其間其勝則岡陵寰積篁竹叢茂香氣  
鐘聲時來佛院松陰塔影遠映空門稍登高則楚岫  
吳江煙霞綺黛盡抹長天藻我文思矣其時則雁信  
初來訶臺罷響桂芳始發招隱成訶固宜百卉腓而  
風人詠九秋屆而騷客悲也其人則皓首扶筇自樂  
九芝之秀懸車野服罔希千駟之榮進則矯翰龍雲  
退則棲神豹霧玄譚而殷許解頤撈管而江蕭奪氣  
蓋東南之美西接荆門南逾甌駱瑤琨竹箭半集於  
斯故知江左風流殆未易盡耳是會也倡之者季豹  
梅生尚懷仙氣首坐者焦山郭父宛似林宗亦有甲  
第曾登希情罔象高門生長樂志丘樊或胸中壘塊  
聊發憤於篇章或方外清虛遂逃真於禪隱佔畢而  
古調常存傅粉而文心蔚起者畢與於斯嘗感昔人  
云俯仰之間已爲陳跡猶不能不以之興懷夫固含  
情之徒咸若斯矣然惟登高弔古把臂臨風獨多名

作何則情緣境觸思逐情生來自霽均性真難遏故  
今痛年序之若流嗟市朝之代變成欲按秣陵遺事  
各賦一題蓋悼今昔卽愴離合因之矣又何必俟蓬  
萊清淺始傳信於麻姑陵谷變遷迺悲來於元凱哉  
不佞兄弟自弱冠時嘗奉我先君及周山人再遊茲  
地而都物是人非潛焉出涕繼乃爲丁卯鷲峰之集  
繼又爲丙子巳卯秦淮之集忽復長逝數人繼又爲  
乙酉雨花臺之集且多竝世而各天迄今凡爲會者  
五爲春秋者二十有二爲舊會者僅六人而已今之  
昔卽昔之今抑寧獨俛仰之間已哉故我全社諸君  
感舊會之易凋自不能不使新盟之難替矣

重脩睢陽泉記

睢陽泉者虞山之東麓睢陽祠井也遡虞之霧西自  
金陵東折攝山行五百里而遙又祖其岡脊則西南  
自天目行千里而遙東北一支之最杪也而山且特  
介江海間其鍾霧長其涵秀偉以故列聖之遺墟羣  
仙之窟宅往往在焉蓋江左之奧都也選其霧秀則  
或洩而爲人英或鬱而爲神廷或產而爲霧艸名泉

作何則情緣境觸思逐情生來自霽均性真難遏故  
今痛年序之若流嗟市朝之代變成欲搜秣陵遺事  
各賦一題蓋悼今昔卽愴離合因之矣又何必俟蓬  
萊清淺始傳信於麻姑陵谷變遷迺悲來於元凱哉  
不佞兄弟自弱冠時嘗奉我先君及周山人再遊茲  
地而都物是人非潛焉出涕繼乃爲丁卯鷺峰之集  
繼又爲丙子巳卯秦淮之集忽復長逝數人繼又爲  
乙酉雨花臺之集且多竝世而各天迄今凡爲會者  
五爲春秋者二十有二爲舊會者僅六人而已今之  
昔卽昔之今抑寧獨俛仰之間已哉故我全社諸君  
感舊會之易凋自不能不使新盟之難替矣

重脩睢陽泉記

睢陽泉者虞山之東麓睢陽祠井也溯虞之霽西自  
金陵東折攝山行五百里而遙又祖其岡脊則西南  
自天目行千里而遙東北一支之最杪也而山且特  
介江海間其鍾靈長其涵秀偉以故列聖之遺墟羣  
仙之窟宅往往在焉蓋江左之奧都也選其霽秀則  
或洩而爲人英或鬱而爲神廷或產而爲霽艸名泉

泉惟焦尾最奇可冠江左而久湮邑里別有小紀他以澗以石名者自予祖穀茶泉而外不以飲名惟以井名者則多霧長源而爲井泉者有六好飲人者惟四曰舜井者坎井也在山陰容不過一勺而湯之年不縮堯之年不羸曰墨井者言游井也在邑里色比西黑水可作書其殆精華之液乎今湮於蔣柱史之宅東廂下而兩泉皆不飲人曰丹井雪井者皆仙井也丹在山麓爲朱鶴藏霧之穴雪在山頭爲飛雪融空之墟兩泉皆飲人而雪阻難汲其尤稱寒冽可雁行金惠間者則曰睢陽煮石而煮石隱鍊師家秘莫傳惟睢陽之澤遍邑中顧泉之性霧且僻絕不喜飲啄腐吞腥輩惟好飲山澤癯及術腴士尤汲汲濡文園之渴吻間則弔詭者時亦佯慕名汲去飲飲輒不甘雖甘輒不與性霧相會以是益知泉之霧井在睢陽雙節之東祠南石欄下舊有亭製甚古古木數株婆娑其上蓋神明所依也萬曆間亭忽圯井冽幾不食山澤癯王生過而心惻之爲屬飲泉而甘者更甃而葺之井始復初然竊有感焉夫古稱鴻漸之品泉



徧江山也而是泉也接壤吳會產於名山今昔猶是也乃獨寥寥天壤冲焉若遜名然者雖未知井出何年代要亦山閔其霧泉伏其源有古隱君子之風固宜虞仲之逃其墟也迄今則下士飲水上士飲和雖雲霓石髓之餌桂魄榆芒之英碧澗餐霞丹房屑玉皆是物矣是將一飲而霍然病已再飲而冷然風生終飲之遂能浥長生久視之精飄飄爲羽人徒此顧非霧泉之佳錫乎而遡其源實深遠矣山惟有祠故井不廢井惟有甃故泉日新則凡拜井之賜者自宜思神明之澤而且旌好事之勳予本消渴氏之外史也自予先漱石枕流而後世飲泉之德故品泉獨殷勤且旌之銘銘曰

鑿雲根兮竅霧液閱千古兮俟今日濬伏崑崙洩東極久能吸之漱精魄中有石髓孕丹質世人入山杳難卽許誰咽吞霞上客

泉而焦尾泉小紀

焦尾泉在邑之西里因在邑琴川之西得名有細泉通道周清甘可瀹豬之爲井復流而爲泉自琴川湮

後井亦涇而時有沮洳在平壤間稍疏滌之則澄然  
一泉也夫江左之以泉名者皆井也惟二泉三泉爲  
泉而皆在山麓間惟此在平壤最奇冠江左蓋涇已  
百年間始自成弘際爾自萬曆間得顯一時飲遍邑  
人病者飲輒療邑令王公以爲怪塞之將泉之秘其  
霧乎倘得賢明宰有子游之風弦歌而治過琴川之  
墟而泝其源與墨井一時竝疏則焦尾將復鳴於江  
左矣

先君小川公行狀

先君小川公諱耒字取益別號小川吾孫之先世居  
中州汴洛間靖康後中州多故始隨高宗來播越江  
左勝國時遠祖千一公官平江路錄事司主司因家  
平江之常熟焉卽所宗之別子也幾世至曾祖贈刑  
部員外郎拙守公生四子季卽公王考考功郎介菴  
公介菴公生西川翁是爲公考西川翁生伯子雲津  
公由進士第任水部營繕司主事次卽吾先君小川  
公嗚呼哀哉吾先君何往哉顧吾先君有如是光昭  
令德髮盡華鄉之先生弗以爲襲取爲子者又何敢

以痛慙傷心故弗彰厥懿淑卜葬有日弗敢弗泣血  
以狀冀海內司文匠者採之乞一言以示不朽嗚呼  
哀哉吾先君孝友天至慷慨重然諾能週人之給急  
人之難丰資談笑意度豁如也雖疏節照映鄉閭而  
事親以色養事伯兄以恭謹則尤子孫所服膺弗忘  
者焉當考功致政歸卽世後積累世貲踰萬金產王  
父任俠曾王父喪致十郡客相與天下名搢紳雅流  
及方術士交金盡傾及公之生家業中替矣僅僅給  
饘粥公暨伯考率家人爲烏鳥孝愉愉婉婉卒方外  
客至候顏色脫母氏簪珥傾款洽暇則執策染翰陶  
適性霧一日王父歎曰生兒若是何以家人生產爲  
迺益事遠遊遍歷巨麗採藥名山杖藜往往涉公卿  
間然惟詩笥畫筆而已以故諸公益重吾王父得其  
嘯詠卽雲僊蹤王父忽倦遊懷桑梓返橐中裝尚以  
北苑畫法贏百金卽賣金鑿泉石藝枌梓窮幽勝公  
偕伯考日隨側僎杖屨王父徜徉樂之逮伯考以明  
經舉遂甲進士第宦京師聞遘疾甚厲王父驚怛廢  
寢食吾先君長跪白曰與其繞膝一室中弗釋親憂

無寧涉千里遠道慰親心哉兒今往視兄去矣星馳  
抵京師察伯考脉及醫藥大爲藥所誤卽改授藥一  
服卽漸次差尋伯考乞告歸以虛悸經河流險數困  
厄先君周旋艱阻進藥必親嘗伯考竟得衣錦晝還  
俾王父優游林泉者幾二十年蓋吾先君與伯考實  
相唇齒焉當是時王父治養生術貴黃老而伯考多  
顯貴交居或溷迺獨攜先君居先君寔能左右無方  
王父嬉奕四遠招勝侶偕隱冬月則燠子令老人手  
不龜其諸燕齊之怪迂吳越之吟歛天台之藥大夏  
之筇杖凡可以扶老者無不賓也無不寶也厥命之  
曰養志非乎居亡何伯考疾復作不治王父旋亦委  
形化蓋晚見賢孝子沒傷王父心矣假令曩先君不  
走京師吾王父幾亦抱痛哉方伯考因先世跡業復  
拓而王父授先君逋券亦弗下千金先君曰諸猶子  
皆弱弗堪家而更以千金累我吾負兄多矣迺悉折  
券不責償雖哀毀強力爲諸猶子析產力門戶有急  
雖中夜必往卽歸亦弗克安寢自其天性肫至匪徒  
戀形迹起視能終夜寢也於是宗族鄉黨稱孝弟彌

篤四方長者車過其廬必式其敦行無間於人人若此公心事琅琅如皎日脫動之不義千黃金弗屑也而義所當諾則奮不復顧縣令馮君以直諫謫聲籍甚而郡中治度田事甚峻邑故廣大王輸至五十萬石夏北竝江委田額且叅錯弗定前令不決者數矣馮公詢耆舊得先君宿昔爲籌七策進卒竣事莫能改者人服其敏島夷犯境戕我令王公而賊且乘虛來覘邑人危若累卵先君立詭衆曰令且未歿復募壯士縋城出由間道僞持督幕虎符率大兵將至賊惶懼宵遁竟安城中人凡斯皆倉卒借箸先君若燭照數計從容出三寸舌應之無一凝滯雖古國士風何以過者而竟以不能俛仰世煦嫗爲兒女子態中奇禍傳曰木直者必先伐吾先君之及固宜華陽君皇甫長公明信君子也爲咨嗟著原毀暴其心迹好事者無容喙矣時先君已五十而祖母沈蓋七十矣先君復長跪白曰兒曩嘗扶伯兄辭京邸道河湍駛越數千里險逾淮截江中流遇風波舟與濟汨俱出沒兒持伯兄足泣曰行路難固如此乎然未有若人

心之甚者夫王陽迴車於九折伯兄投傳於洪流兒  
今亦知稅駕所矣迺閉門屏跡著農家軒岐陰陽雜  
流數十卷自見數擊鮮奉母得一味之甘割而分之  
以娛母心卽王父別業大石傍益增亭榭疏曲沼召  
故老遊陟患族廣易散復卽其上建祠肖王父像買  
田設春秋祭享千一公及高祖以下至伯考收族族  
人義之性寡愴得王父風嘗謂有財而不散真奴輩  
耳故囊無奇贏而好施不倦人以急告卽推業赴之  
惟恐弗得當也里有貧不能殮者助之木凶歲則爲  
粥於道以食餓者復求幣幣掩埋之前後以數百計  
然先君亦遇嗇其施視茲特錐刀耳其雅量良未展  
也座上客樽常不乾尤與周山人交善二公雖燕越  
居心若把臂也山人無家歲時伏臘與山人道舊故  
太夫人前山人好游吳門忽病亟山人亟信迎歸至  
則涕洟訣曰交情止此矣屬以詩篇若干卷歿卽治  
葬於王父之南岡曰吾百歲後庶幾與山人魂同游  
於先人之側也山人沒旣以失相知心弗樂復長歎  
曰山人故壯健過吾常憂我蒲柳質柔脆今山人溘

先吾歿矣吾又何能幾時所惜者太夫人在堂耳忽  
一夕夢王父語曰吾坎中遇水泉弗安盍改穿焉先  
君驚寤攝衣起徬徨明旦筮得鼎之解測曰鼎之九  
三爲鼎耳革其行塞雉膏不食方雨虧悔而上九爲  
鼎玉鉉大吉無不利自溪壑升於高陵之象也復何  
疑焉卽改穿得吉壤發舊穿果及泉先君撫棺泣慟  
徒骨立窆棺築畢曰吾今下見先人無愧矣蓋葬之  
日距大故凡百十有五日耳夫先君有命自天弗可  
強乃先期得王父夢蓋先君一念純孝神若啟之者  
嗚呼年七十而孺子慕猶以太夫人故濱歿弗敢以  
孝居推此心也雖與日月爭光可也不肖故敢曰疏  
節照映鄉閭而尤有子孫所服膺弗忘者焉茲言也  
不文立言者採而銘之吾先君固弗爲名脩而太夫  
人之心慰矣公生於云云

先母朱孺人哀泣狀

吾母小祥祭之後幾六月不肖孤哀子五常泣命其  
不肖季孤七政曰吾母之遠吾兄弟有日矣將求誌  
名筆以不朽吾母而吾則廼甚不堪狀汝盍強爲之

七政乃哀伏地泣曰歲月且幾何耶而乃忍相繼狀  
吾二親哉於是泣不能起起遂銜哀強思而強記之  
曰吾母姓朱氏厥考爲徵士思齋公諱沐妣爲顧氏  
思齋公生五女一男而吾母最長其先乃趙宋河南  
人爲著姓因奔亂徙江之南家琴川世以純白多隱  
君子著遡母之先世蓋官人出自官人至外祖母世  
以淑媛稱吾母生而聰慧柔順以結髮諾先君恒樓  
居率諸女弟鍼繭夜則挑燈績勸弟學事父母惟謹  
不敢有咳唾聲方不肖爲兒時嘗記吾外祖母置吾  
膝上言之者及歸先君而多肅雖和平之風幽隱精  
微之德可感鬼神使子孫沒齒悲哀者不能言惟言  
其疏節則僅僅可舉蓋當歸先君時方值吾大父以  
豪俠喜客傾萬金貲至不能舉擔石儲吾母吾先君  
泣相命懼賓客益寡重傷厥考心乃盡脫簪珥營具  
佐伯氏伯母就養無方賓客乃稍稍至且能得繼姑  
譚心大父心奇之及伯氏貴而伯母先喪伯氏恒多  
疾在告母承伯氏命偕先君就養益恭時先大父益  
好客甚座上益多長者客客咸輕千里至盡給伯氏



乃嘖嘖嗟賞謂先君曰吾爲汝婦日加一餐矣果貴  
得名家女也居如是十餘年而伯氏大父相繼捐客  
乃獨奉祖母沈居時先君外多難而內嗜琴書敦孝  
友且孜孜教不肖兄弟吾母則匍匐以恤先君之難  
婉孌以藉祖母之心而蚤暮督不肖輩學期雪先君  
耻乃先君則稍稍自慰不至以外境喪其神理母氏  
之力居多至今其拮据之苦育子之憫宛然在目腸  
酸嘶也而不肖輩竟不能如母心上慰先君子尚忍  
言哉尚忍言哉至若先君雖寡畜妾媵而性喜聲妓  
絲竹恒滿座先慈輒視吾先君所當意者陰禮之或  
贈以銀釧裙帶以定其情前後畜侍婢幾數輩皆以  
無子色衰故出而終愛厚之如初故邑中稱樛木逮  
下之仁者必以先慈爲口實至中歲恒多病親藥餌  
持齋膳忽歎曰吾懼以多病故怠吾相夫子禮矣乃  
令於武林擇一謹厚女事先君俾內計出入伏臘費  
悉以委之惟吾祖母及先君有疾則終夜不寢憂形  
於色至祈以身代雖晚歲垂白執事姑禮尤謹見先  
君猶相敬如賓焉先君畜產素不過中人而性豪喜

事有大父風常歎曰恨不得數千百金吾一日揮之盡卽親友有急不恤破產恨力不從心數以急叩先慈先慈則傾囊應之無恡德雖吾先君明白剛果不以家人言爲進退而善承夫子意俾親友交口譽不已則吾母誠賢矣哉尤矜哀貧窮人母畱財常指示不肖輩曰吾非不惜豐財以貽汝顧汝祖母常爲吾道汝王祖妣吳氏之德每歲寒沍時輒預製新緼袍數十伺中夜乞寒子呼號過則疾持新緼袍畀家人易舊者以蔽乞寒子體前後活人以千數而他陰德多稱是以故汝輩雖不肖猶幸有汝輩吾特無替汝家風耳吾母之善承先世令德有如此內外子姓甚衆咸待之如一有鴟鳩風卽遠從姪年踰先君者見吾母必恭謹如事母敬而愛之蓋吾母食而能教敏而能容儉而好施平居靄靄不見其喜愠色而義方之訓肅如身服載浣敝衣而宗戚家陰賴以舉火者實多以故吾母之賢無間於內外尊卑之言性清靜無他喜獨喜浮屠法多超悟宿緣嘗謂女佛者曰吾少小樓居年一塔影隨吾座寫吾子歸後而塔影竟

不至也塔豈有影吾心耳故學佛人當似此無着也  
其生平喜愠無結多得之此然終不以是爲訓教子  
婦惟以有爲法哀哉乎不肖兄弟念吾母辛苦如是  
而不肖兄弟復不能以祿養徒冀享年大耋少遂烏  
鳥情詎意先君見背甫七年而母遂一疾不起方母  
疾時五常適陟屺在燕京疾益久呼不肖訣曰母病  
不起矣母竟不得與汝兄訣耶母獨憐汝終不變汝  
孩提情也汝勿悲第持汝心勿變卽母不歿矣哀哉  
乎桓山之禽可聽而斯言其可聽乎今母竟捨我去  
矣奈腸絕何所賴以慰吾母者曰誌其母則海內鉅  
公云爾他復何爲哀哉乎吾母生於弘治十年十月  
廿六日終於隆慶五年十一月初四日享年七十有  
五歸於孫爲先君處士小川公諱耒封尚書水部營  
繕司主政西川公諱艾之介婦尚書吏部考功員外  
郎介菴公諱紀之介孫婦生子四女一長子四象邑  
庠生娶弋府長史介軒沈公鉞女蚤夭無出次五常  
國子生娶徵士雪野徐公沾女次七政國子生娶貴  
州都司經歷海峰顧公與清女繼娶鄉貢士卞石王

孫齊之松音堂集  
公一元女次八龍國子生爲從伯永思公後以喪母  
致毀先母喪殂娶徵士蘭谷沈公桂女女歸詹事府  
詹事周公琦子代孫男七柚娶都事南池何公墨女  
枳幼未聘五常出林聘封太常卿心椿陳公策女森  
爲四象後未聘槎未聘七政出楓聘光祿署丞怡菊  
秦公京女樛未聘八龍出孫女六一歸青官學士後  
巘浦公應麒子大治五常出一歸鬱林州同知九華  
顧公起綸子祖河一歸郡守端巘張公文麟孫希房  
俱七政出一歸國子生琴江徐公樹德子待八龍  
出餘幼未諾七政出曾孫男二曰秉厚秉清未聘曾  
孫女二一諾光州州同南岡龔公良相子允禎一諾  
豐城令韋所顧公九思子有禎俱柚出將以月  
日啟殯合葬於虞陽先君小川公之墓其不肖孤哀  
子七政乃哀號顙天泣血稽顙以狀伏俟大君子採  
焉

檜谷張先生傳

先生姓張氏諱文元字仲先別號檜谷山人吳之世  
族也王父果齋公王大父景陶公皆科甲爲鄉之賢

搢紳而內外姻多擁巨貲故先生家本饒給然先生性故狷介好古絕不喜世氛其白眼睨世氛人如讎夫世方馳逐如急水火而先生以好恬當之故其嬰世慮也甚戚世方脂韋澳忍視人面作沈浮而先生以好直當之故其嫉世態也甚敦世方繩趨尺步獎飾邊幅以爲佳而先生以好僻當之故其投世情也甚矣夫先生操三不合以處今之世是猶語結繩之政於捭闔之辰也不諧效矣故自束髮至白首先生操奇獨之行持耿介之語玩古人之書而樂古人之志於世俗氛泊如也絕不事家人生產蚤歲承先志曾一爲青衿業非其好竟棄去乃益耽玩古人書而先生之家坐是益貧徒四壁立晚境數播遷困甚而先生終不改其操卽衡門反鎖庭艸蕭然宴如也有一貴近姻貲累鉅萬金雅知先生貧欲善遇之復難先生介故屣履到榻前意欲令先生母拒而先生故不冠跣見之禮甚踞絕不令貴近姻得介口聞者咸爲錯愕其事當世士大夫有邪徑躡通顯者不啻視中之虱卽三吳多世交不合意卽躋八座赫奕且數

十年先生絕不聞知偶一耳及則詫呼其名曰其亦  
至某地耶其狷僻類如此無論當世僕嘗讀其手澤  
書卽古人有鉅公高文而於節義或少虧則必爲刺  
譏嚴斧鉞誅不少貸以故先生之嫉世俗如讎而世  
俗人亦嫉先生如讎然先生寔無他志行寔皦皦則  
有識者稍稍知重之而先生故自寡交蚤歲師事林  
屋蔡先生羽中歲交祠部楊先生儀晚獨重少司寇  
陳公大司成趙公爲布衣交他惟兩三素心人耳及  
先生年益高念二子窶無資身策卒就陳氏女養而  
先生委懷造化曾不吝情豐嗇性不喜飲而喜讀淵  
明飲酒詩以其詩多興託也復好遊雖大耋年每撰  
良辰輟齋杖頭錢之山林間必造予造輟畱語移日  
一及今古間不平事輟齧齧張目痛罵之蓋其素所  
畜積瀕歿不能易也春夏交猶數造予忽得捧心疾  
臥幾月遂不起竟終陳氏女家而方絕復蘇也僅一  
息存且呼二子囑曰吾與孫君爲四世交其急吾疾  
無不至自某日猶作某食餉我甚歡而今竟何如矣  
吾察孫君貧已白首志不渝庶幾可與汝其締交之

抑爲吾求一傳云遂逝嗚呼先生竟逝耶吾安從復見古之遺直哉夫迹先生之履而數先生之遇非世所謂坎壈阨窮終其身者耶而予謂天特厚遇先生耳蓋天之與善人也絕殊恒若奪彼以與此者矧自古傲物者睨之天地真吾蘧廬而萬世真吾一息耳苟拂其志卽操唐虞之券以易吾一息之安不啻若吹劔之一映而欲傷吾萬世之樂也必不忍矣而況叔季之富貴乎則雖堪其胸以莫邪其怨毒不若是甚矣先生蓋其流亞也故使先生而貧不甚則無以見先生之介使先生而困阨不甚則無以見先生之操履使世路而不險巇澆訛甚則無以見先生之抗志潔清詭持激昂懷非世絕俗之想也故天之厚遇先生也寔多而凡惜先生之窮者是皆堪先生之胸以莫邪者矣予故惜先生之志不白也遂承先生命爲之傳贊曰

在貧賤不戚戚在富貴不汲汲夫古之人豈獨違人之情難近哉樂吾之樂而不忍樂世之所樂尊吾之尊而不忍尊世之所尊士固有志不可奪耳然則先

生竟何許人哉其古之所謂獨行君子人之所賤而天之所貴者與

季弟化之傳

別名醉鄉子傳

夫士有希聲當世巧緣飾取勳寵一時復且矩趨矧步不失謹厚人譽此世之所謂賢人非耶而考其衷則純白或缺至有枯槁一生在聾俗若憤憤然不慧乃或持冲逸守中之德以拙朴取道而以塵垢掩名則君子與之謂其近老氏之知足守雌若季弟者其聾俗憤憤人耶其知足守雌人耶蓋吾兄弟內外凡六人而最季爲弟弟美丰姿體肥白如瓠少小歲緣時多疾遂厭謝舉子業弗竟甫弱冠則遘嘔血疾數瀕歿諸醫師奇方盡莫售獨以能調節自謹探黃老軒岐家言疾竟愈益強壯未疾時故吾二親賢愛之然吾弟竟以多疾故得遂精養生術謂攻於服食而弗攻於自愛是張毅氏之養生者也疾或攻其內矣攻於自愛而弗攻於避俗是單豹氏之養生者也虎或食其外矣於是益鞭其後持爲已道益工篤彼世俗人盡不嫖恬然不屑也卽事二親弗喜幹蠱用譽



顯以左右疾苦爲急吾二親每得難事疾得弟左右  
輒當意吾及他兄弟左右輒弗當意也平居則精治  
藥餌親調食飲進必色喜蓋醇謹多爲孺子慕情而  
其他務自適不事眩飾類若此虛巖周山人靈慧士  
也心識俞扁微每過雖與吾談詩數竟日而俞扁微  
獨售弟弟亦時時竊聽談詩且時有所論定吾詩吾  
嘗一日謂弟曰吾詩近若得頓悟法者弟曰詩非頓  
悟更無他門予大驚戲曰汝非吾惠連耶何了悟若  
是而今則舍我去矣欲效曩時雪月夜吾兄弟更治  
善品偕山人汲清山熱名香共嘯傲區中事復可得  
耶當其生平了不喜四方交遊獨閉關謝客居惟愛  
醉鄉人酒德曰交道盡醜矣莫如交此最醇乃嗜酒  
遂篤每旦日起櫛沐外無暇他問輒引觴自酌汲汲  
若弗及者日下眊飲卽達旦盃不去手或大醉卽旬  
日臥不醒弟雖陶然適也而吾及兄弟遠憂之謂曰  
汝好治養生術而飲酒過節奈作病何弟白眼大恚  
曰養生術弗過適情耳今非此君情弗適吾雖生猶  
歿耳情苟適旦夕歿無異千歲者汝兄弟何不好與

千歲人居乃獨好與死人居耶婦人哉汝兄弟言慎  
勿聽矣好飲如故然竟以好飲得羸疾弗起弗起之  
歲僅四十有五而方屬續時猶丁寧吾母狀中事言  
訖而瞑蓋至是而弟之純白始見矣始信醉鄉人多  
情毀自古而然嗚呼哀哉吾與弟年齒雁行比故憐  
愛尤至且念二親相繼見背而吾兄弟益鮮獨三人  
筮筮居幾晚歲得終讌暱而一旦忽罹此荼酷神理  
謂何子敬之傷人琴安石之廢絲竹始吾謂達生可  
置也自哭伯兄季弟始知情鍾我輩莫可遣矣遂撫  
其大都敘作傳命之曰醉鄉子傳者循吾弟頌酒德  
意弗忍醒之耳弟名八龍字化之別號潁川子人號  
之曰醉鄉人云

論曰夫士非刻意尚行之爲難而率然合道之爲貴  
故有發光寂若不希寵名癯然山澤間者然以是自  
修則譽問反不訾惟工於得已拙於取名渾渾取合  
道者是惟難能矣若吾弟者非能合道而迹其自爲  
蓋得道家者一支

滄浪生傳贊

滄浪生不知何許人也少而懷孤高絕塵之想將以箕穎爲心事卒恭其家大人命屈首受干時策去蓋十上長安門策竟弗售於是著感遇篇有二百戰嗟數奇三泣希晚達黃金乏良媒白壁終自絕此其孤憤激結之音向自非拂志而出遭苦辛多其文亦不至是矣故讀其文者未嘗不二覆而悲之而滄浪生則浩然長吁劃然長嘯仰天而呼烏烏曰我何尚婆娑於斯世爲哉蓋自鮑叔牙沒而舉士之術荒自鍾子期歿而知音之道絕必欲求二者於今之世乎則潔清之士有沒齒塗炭而已矣寧能俟河清於白駒之隙哉吾乃今知所以讎吾先志矣遂悉謝去一切緣業且弗愛洛陽負郭累千金產悉售里中兒給諸費費盡雖家徒壁立併食夏衣治刃情谿慘毒萬伎行道聞者亦爲酸楚而生視之蔑如也唯夙夜汲汲搜陳編若狂曰吾得不折腰見鄉里小兒足矣何暇置寸心間人以是爭怪迂之宅邊舊有三逕逕中有池池上有樓蓋西爽之所挹也生徜徉甚樂之一旦緩急竟捐去獨忍歿衛古松三株故其詩云鄰家割

宅供婚嫁荒徑畱松待故人又詩云東鄰吹竽復弄  
管西鄰考鼓還歌鐘唯有玄亭艸玄者朝朝靜對落  
花風一長鄉慢世詞也居亡何常挹挹不樂悔短計  
思欲棄家結採藥伴尋師入五嶽遊以卒初志因著  
詩云黃金散盡方齊物碧海遨遊始絕塵知者以爲  
善達生抱消渴病弗果遊僅結一廬古松下日著書  
耽吟其中曰吾千古盡在是矣不能復與世俗人競  
朝榮也生亦任情去畱汜然斯世嘗自謂臥榻上聽  
高對禽聲獨吟佳句夜坐竹爐頭啜茗忽覩海月來  
窻戶間聽松風颯至便足了一生亦何必刺促向東  
華塵作皺眉折心事耶今斯則濟勝具喜不衰寢淫  
且將動煙霞屐矣性憇客客至輒脫腰間蒯緱沽酒  
觴客客好事者亦多能千里命駕來戶外常躡長者  
屣顧無顏光祿酒資贈蕭囊中寔不長一錢客亦竟  
不厭孫楚樓頭遊也其平生著作夥雖則長大薄蹠  
乎子雲夢吐白鳳屢矣片言不慊百志無聊一字視  
來千愁冰釋良工自苦誰則知之雖然文章寔不希  
人間世知也得一遇賞心人卽寰海俱按劍可矣以

宅供婚嫁荒徑畱松待故人又詩云東鄰吹竽復弄  
管西鄰考鼓還歌鐘唯有玄亭艸玄者朝朝靜對落  
花風一長鄉慢世詞也居亡何常挹挹不樂悔短計  
思欲棄家結採藥伴尋師入五嶽遊以卒初志因著  
詩云黃金散盡方齊物碧海遨遊始絕塵知者以爲  
善達生抱消渴病弗果遊僅結一廬古松下日著書  
耽吟其中曰吾千古盡在是矣不能復與世俗人競  
朝榮也生亦任情去畱汜然斯世嘗自謂臥榻上聽  
高樹禽聲獨吟佳句夜坐竹爐頭啜茗忽覩海月來  
窻戶間聽松風颯至便足了一生亦何必刺促向東  
華塵作皺眉折心事耶今斯則濟勝具喜不衰寢淫  
且將動煙霞屐矣性熹客客至輒脫腰間蒯緱沽酒  
觴客客好事者亦多能千里命駕來戶外常躡長者  
屣顧無顏光祿酒資贈蕭囊中寔不長一錢客亦竟  
不厭孫楚樓頭遊也其平生著作夥雖則長大薄蹠  
乎子雲夢吐白鳳屢矣片言不慊百志無聊一字裨  
來千愁冰釋良工自苦誰則知之雖然文章寔不希  
人間世知也得一遇賞心人卽寰海俱按劍可矣以

常散髮煙波樂漁父滄浪之歌也遂自命滄浪生云  
 蓋雖不能和其光而同其塵終亦不能汨其泥而啜  
 其醜思以不辱為孝者矣踰伯玉知化年又三十甲  
 子始著滄浪生以自見然滄浪生竟不知何許人也  
 贊曰無德不立無功不賞無道不長一論各亦  
 首陽誠拙萬古高風柱下誠工時塞道通道愈交喪  
 賢益阨窮金門未肆遠跡蒿蓬葆光匪晦養志寔榮  
 先王可詠何羨萬鍾人生幾何競隙駒中河清莫俟  
 谷隱堪從  
 松韻堂集十一卷終

刻孫齊之先生松韻堂集

海虞 孫七政 著

卷十二

梅花頌 有序 并引

歲乙酉嘉平月四日之夜朔雪初飛松濤微韻與  
 槎兒拾山葉煑茗於松韻堂之西齋遂擁衾而臥  
 忽夢有客欲森兒作梅花頌者予喜而寤即為籌  
 之既曉則山童開戶梅影在雪中矣豈綠萼之英  
 將借廣平之筆吐氣於冰花邪抑小子映雪將效

曲江公詠糝和羹句邪事逸而奇因爲記此且係  
之曰

能爲天子宰相結和羹寔乃常開處士之家曾於  
却月凌風發駐輦花終不棄山林之僻衆芳俱落  
仙萼自妍羣卉爭工繁華蚤謝茲蓋天標逸韻皇  
錫幽姿映孤竹以風清儼羣仙於姑射以故騷人  
不敢擷其芳逋叟莫能窮其致也若乃江南春意  
庾嶺風光年年雪滿先花夜夜月明有影獨塞北  
之思見寄羌笛以殷勤倘萬里之全心折一枝以

相贈又況謝家庭下玉樹冰清仙客山中美人託  
夢却想他年成子曲江風度堪和若云今日開花  
鐵石心腸可賦遂作頌七章章三句體自柏梁意  
來橘頌庶以極梅之孤高芳潔云爾其詞曰

帝錫幽芳冰雪清孤高不逐春風榮獨持雅操媚玄  
英<sup>其一</sup>瑤臺雨遍六出霽碧天流月影始生月桂偏來

結素情<sup>其二</sup>歲寒芬馥爲誰盈惟隨天風徹帝霧殷勤

持此感精誠<sup>其三</sup>冰心不與人世明祇許仙客調羽笙

含情吐意霞外聽<sup>其四</sup>姑射羣仙朝玉京搖鳴仙珮揚

素馨猶憶當年賦廣平

其

帝曰未洗鉛華聲之子

指梅言

冰心應未呈素書映雪差可營

其

遂錫嘉實燮帝羹

傳說騎箕載降精不羨桃花燒玉衡

其

棠陰頌

有序

恭惟我邑大父母潭翁先生稟世胄之清華載純

德之粹美少識奇字長蘊至文心懷子諒則跂足

咸欲其昭蘇義抗直方則三槐弗視其顯赫行獨

敦乎孝誼聲尤藉於生徒真操古之君子博雅之

聞人而乃沈潛上德坎壈聖時厚積不發天寔培

之則我父母明侯應昌期而奮飛光世德而嗣起

矣屈宰下邑三年於茲政和訟平推孝爲理操割

則游刃餘地解錯則運斤成風感翁嫗物之恩未

暢故思敬寡哀獨必鮮其惠感翁嫉惡之節未伸

故思鋤強鏟猾必去其尤感翁經綸之蘊未展故

思訐謨遠猷必先試諸百里在我翁可謂以隱而

爲仕在明侯所謂移孝以爲忠矣於是邑之搢紳

先生咸作詩章以歌之而翁之光範懿行則備諸

太史氏小傳某因徵詩於太史氏敬獻頌五章以



備輿人之採某因游荷飲太史乃嬉瀛於正章以

其一章曰章以鴻之而余之次彈豔於限前前

維晉之山兮亘太清衝奔千里兮孕至精結為都會

兮集玄英邳鄆之墟兮代蜚聲我翁華胄兮世光明

發潛上德兮晦鴻名蘊神蓄奇兮感巨靈迺鍾我侯

兮羅帝庭其文辭必翰其思必會披瀝之旨未始

其二章曰猶能阻鬱八風激會感之思未

我侯之生兮為社稷生我侯之出兮為社稷寧弱冠

登朝兮結華纓來蒞我土兮鑒至清三年於茲兮政

和平山岬海壖兮犬不吠雞不鳴侯之治兮神所聽

神之聽兮翁所成天錫難老兮錫耆英

其三章曰其文辭必翰其思必會披瀝之旨未始

野有田疇兮我侯闢之民有獄慎兮我侯平之皇有

教化兮我侯宣之凡此令美兮孰匪翁遺民慕侯德

兮詎弗翁思所思伊何兮翁有燕貽所誦伊何兮百

祿如茨其文辭必翰其思必會披瀝之旨未始

其四章曰其文辭必翰其思必會披瀝之旨未始

桑下有雉兮麥有岐誕維侯之有陽熙兮繫我翁兮

安且怡願翁之後兮陟天衢白雉進兮瑞禾歸反風  
滅火兮集豐隆誕維侯之扇和風兮繫我翁兮安且  
從願翁之後兮何天龍霈彼商霖兮四國豐

其五章曰

昊天無蔽兮鑒翁之懿我皇無蔽兮鑒侯之治今  
侯入覬兮肅肅令儀皇帝曰爾侯兮爾補袞攸爲  
爾戩穀攸宜侯維夙夜孝思兮爲百辟令規維是

一人之媚茲

祥光頌

有序

有明萬曆二十六年戊戌八月辛酉之甲寅朔吳  
郡古虞邑忽有祥光發於文宣殿之西獸角千丈  
屬天光芒斜拱西北極焉其色青且丹其光熙且  
郁其時著且久萬目所注白日增輝至次早之乙  
卯復然是時也有江夏段公篤純嘏之至心杼英  
華之盛采有宣城許公徹冰心於玉壺翔德輝於  
千仞於是光華應時而吐人文積極而生祥發宮  
牆無異星虹下臨之瑞光昭霄漢何殊卿雲布護  
之奇蓋千古而上子游得聖人之精鬱而未試故

墨井涵其霧千古而下斯文宣子游之秘暢而無  
鬱故文光炳其彩此真熙朝之上禎震古之希  
覲五三六經所未藉七十二家所未登錄也是必  
有命世之良勳復古之人英出焉鄙哉曰區區甲  
第間也於是艸野小臣敬爲之頌曰  
孔聖適吳炳淳精韜光匿輝三千齡邈俟入皇朝華  
國禎帝心始不愛休禎虹光千丈燭殊庭斗極光芒  
燦雲霓是曰人文煥英霧卽看名世夾西皇明萬禩  
千年海嶽寧

自題小像贊

昔人五十一記容卽才弱冠時都已記之蓋不忘故  
吾也夫色貌吾之委形也猶不忘乃爾矧所爲委形  
者乎予昔也清揚秀發朗朗裴容而今也偃蹇婆娑  
蕭蕭潘鬢然獨守故吾於方寸暗室能窺都忘新境  
於長年明鑑莫止歲在丙戌予登耆指辱池陽舒君  
爲貌予一小像宛然我也而非復故吾矣然所非故  
吾者委形也而非所爲委形也舒子雖善貌人神情  
獨奈此丹青何昔石田先生題像云我旣無我緣何

有爾予則云爾惟非爾我才識我又題云灑灑松風  
開徑惟我止止吉祥虛室惟我鄰靡二仲不妨有爾  
世罕知音不妨有爾

題舒君五岳小像贊

結情五岳寓意丹青遊戲三昧人貌榮名本來面目  
反鑑索形矚然雅致灑灑風生嗟乎可貌可名江湖  
良士莫名莫貌煙霞外史

題王利安畫像贊

高門華胄性樂丘樊素風儒行寄傲雲煙泥滓軒冕  
匿迹一屨獨攜名句到處青山托頌酒德韜光內篇  
滄洲逸史金馬遺賢

竹爐銘爲羽士

截篔簹兮作鼎鐺敲石火兮烹松聲羽人咽嗽兮百  
慮澂海雲初碧兮山月生

夢中爲蔣仲君作芙蓉囊銘

丹霞夾日兮翠蓋倚天美人采采兮芳飈潔鮮雖有  
漢濱之瓊珮兮不若珮此以長年

沈烈姬哀誄

有序

沈烈姬者吳郡虞邑之某里人某氏之妻也姬顏  
色華盛而貞心自持以寡故每偕鄰曲婦織紵自  
給里乃有強禦慕厥令儀竊從鄰曲遽窺之姬以  
禮自防卽斷織謝鄰身不踰壺強禦竟不悛忽夜  
盜入戶劫姬姬以歿爲捍號呼徹鄰竟能令強禦  
疾捨去姬猶恥昏夜獨居誰表厥誠沐浴更衣積  
薪自焚激烈以捐生從容以爲歿歿之後三日厥  
有風雷之異邑之縉紳君子咸旌之傳讚將播之  
金石以風示來世主其事者爲瞿立卿氏立卿氏  
固徵詞於鄙鄙乃爲之誄其詞曰

厥初生民孰匪含靈禮儀未迪至性自形林居而別  
總處而貞匪別匪貞曷異羣生其羲皇云降俗林風

淳儷皮始制嫁娶攸文歷帝踰王懿範日新二南之

化江沱是循其迨自三季民亦訛矣民旣訛矣化亦

頗矣乃多僻民惟此罪戾雖罹罪戾王澤未弛其維

此多僻民用逸只維此王澤民用極只臣爲忠殞子

爲孝歿亦有貞媛從一是矢其嗟我東夏肇國自吳

伯濬其源札揚其波矧我虞邑言游聖徒身教雖往

菁華遠敷其五菁華雖在或遏或揚皇祖握極大闡

綱常兩儀載朗二耀重光風彼四裔矧茲德鄉其六於

維德鄉皇化易濡烈節貞風史不絕書乃有賢姬抗

志捐軀斷織明禮蹈火表微其七相彼烈火寧不荼苦

相彼荼苦寧不惻楚求得其仁遑恤其身視此烈火

卽甘露門其八烈哉賢姬天錫令德蕙質春葩松心秋

實窶窶庶賤誰辨淑慝乃效伯姬千秋罔忒其九烈哉

賢姬人孰無歿或貴鸞凰或輕螻蟻生為匹婦歿配

明祀日月爭光何憾於歿其十烈哉賢姬天鑒孔彰東

海負冤三歲恒暘鄱水哭屍黿鼉塞江姬歿三日風

雷奮揚其十一烈哉賢姬激此民庶弱者涕零壯者髮

豎賢哉大夫羣讚烈惋敢效邯鄲并燁彤管其十二

九攻有序

歲乙酉之九日自金陵抵家才三日卽與君鎔浦

子為婁東之行訪王長公午刻過克正許君家談

少選苦以酒餉我恨莫畱至舟雨甚白衣不來徒

詠悠然見南山耳更許燭滅共被談詩寢不能寐

去因為雌黃今古九辨攻詩君鎔快之強著此語

命曰九攻以九辨且九日作也他日詠黃花籬下  
插茱萸登高持杯時當思此落莫不忘雅淡即可  
共蟹螯侑酒大是樂事雖然詩之爲道無論動天  
地感鬼神彬彬乎雅頌之音卽閭巷謠謔莫匪先  
王之澤之遺也僕於此道未窺一斑乃敢放言若  
斯蓋攻之云者將以攻己之攻而非攻人之攻雖  
名託輸梯而寔意存墨守者也夫是以剩舉瑕疵  
謝言精髓其詞曰

嘗謂人心不同有如其面詩道亦然自三百篇以來  
猶一息耳獨資神理何俟多言而昧者莫覺遂至多  
岐故或有不根風旨剩獵聲華者則徒取壯麗爲工  
莫窮玄適爲勝雖貫珠聯璧竅山淵於紙上而龍飛  
劍去殺星斗於毫端是謂炫詩聲寔俱病而工逸兩  
妨者也

或有安排聲偶敷陳事實情性絕無意調俱泯者則  
唯以形體爲似不知了悟爲先此尤詩道之膏肓庸  
鑿之無疾而愈扁之驚去也世之作者皓首迷途間  
有悟者則年光已去少壯莫追生平盡非大痛難割

是謂形詩禍詩尤篤知音可悟世諦難言大抵  
其他則有機深狐白而寔才慚豹變故惟借美於江  
篇獵工於沈句而玄珠未得神彩索然此與目擊而  
道存神來而暗合者不可全日而語是謂借詩  
又有雅詞古調非不燦然襍陳而以神韻本乏了不  
關情譬猶靚粧衺服雖全工於西子冶容逸態竟殊  
妍於捧心可炫瞽工難逃具眼是謂粧詩曰借曰粧  
津梁最淺

亦有爲疾最微可取效於呼吸宜資神於養道者厥  
有漏詩亦名羸作何謂漏詩神理具來風骨兼駿徒  
以沈照少埋漏情於句字之間耳此則微之又微可  
取效於呼吸者也

何謂羸詩流派本端思致尤苦祇以足劣神駒學虧  
半豹亦有才窮孔廟夢還錦江則遂乏丰茸鮮媚之  
度故攻之則無疾療之則無方特資神於養道而已  
矣

又有神情亦來彩艷具足非不稱佳顧入門一別雅  
道遂乖則或亢而爲肆或散而爲野或似工而寔巧



或似駿而寔佻或過奇而入於詭或騁博而陷於繁而若爲澀爲晦爲瘦爲寒諸家者不與焉蓋彼體也而局於才者也此才也而恣於體者也故曰非獨才之罪也體裁之莫究而愈工愈失者也毫釐之差千里之謬是謂縱詩任其一偏而莫知取正求之今日此道方興

又有好名而寡識者不思魏文不朽之名言徒憐惠子五車之快意千年萬世決於倚馬片時插架盈囊盡是雕蟲餘蠹譽來庸目喪去良圖是謂驚詩好名而名日非者也不知東方與之問孰工一言與五車孰得

詩有各體疾亦多方微之則哲匠寧免甚之則下里恥言凡茲八者未能盡詩盡詩疾矣又有非疾可喻流毒詞林則以本非此中強作解事盡乖雅道尚謂名家是謂業詩雖性靈之難染恐佳氣之易于諒不興於下哲王之世矣嗟夫僕也童歲習詩窮年靡得覩茲九疾敢綴一辭哉重陽後一日書

社中新評

有序

歲在乙亥之秋僕抱病索居情悰落莫緬懷社中諸子及一二友生自蔣逕求羊謝家昆季外或跡絕千里或事變生平遡往則樂事傷心悲來則佳期慘緒僕雖壯夫能無驚骨莫覲者之子清揚莫忘者斯人粹美而予所欲忘者形也所欲覲者心也故曩嘗贈尹教甫詩云但令襟期苟相許白首不見心相通豈若人間行路難輕言託友九疑峰以此思情則情可知遂各著風神合陳標致凡四十有三人題曰詩社新評又曰懷知篇揭諸座右譬若曾城瓊樹朗照目前洛浦明珠交輝席上雖風雨如晦而若聆飛屑之音山河云邈而恍親映玉之度矣緘諸全好用代折麻所未者先達則莫罄揄揚神交則未能彷彿非敢曰一代風流盡在是也

莫廷韓爲人正如淮南小山作招隱悲懷遠意不出騷家宗旨而以氣韻峻絕獨稱高作宜其爲風流宗

殷無美爲人如魏武短小精悍雄視諸傑故經營四

方動多神略而阮陳文雅夏爾婉媚酷似其人  
梁伯龍爲人如關門敗俠聞雞出走雖壯心猶在而  
神氣索然忽遇少年遊俠恩情篤至匪特才情乃  
其爾亦其所遇故歎

趙王孫爲人如藺相如澠池之會氣凌秦昭而能爲  
廉將軍折節千古生氣若寘我竹林則山吏部之  
畱心時務也

張仲立爲人才高燦發而託意幽玄正如冰壺秋月  
本宜着煙霞外去迺強使適俗故少年卽多子建  
憂生之嗟

顧茂儉爲人如班伯遊許史子弟間迹寄綺紈心居  
風雅邇來茅山諸作大似霧運遊山

尹教甫爲人如聲子班荆道故宛若無人論交至此  
萬物莫移黃金落色之句今人感慨擊節江右風  
流首見之子

王世周爲人嘗評其苦吟若禪定與世若處子大足  
稱佳惜其不拘小節幾爲多情所累

羅居士爲人正如桃李不言下自成蹊僕與綢繆最

密更不能得其不可人處此真有長者風

沈嘉則爲人無論其才情富逸向本四明豪士一不稱意便爾投筆其任達如此猶存賀監風流

黃淳父爲人如陶弘景聽松風幽意可對而心存奇節朗朗照人今長逝矣倘不遇羊曇醉時那能過西州門又曰今幸有清甫在

朱邦憲爲人卓犖有氣是一男子能使王元美目爲孺子林宗此非偶爾

周若年爲人默而有深沈之思與之居若李青蓮對敬亭山相看兩不厭者詩藝精工是神龍間品格王百穀妙年詣文太史便爲入幕之賓一遊京華卽聲籍輦轂下此非才具能爾恨其名高招累紛紛應俗無異以珠彈雀

張幼干爲人好賢如渴有古人風前輩風流蕭索殆盡若非之子吳門大爲岑寂是於我輩中有中興功

俞孟武家本臨安貴公子遭家多釁

闕

康山人幽致灑然直意其閒猿野鶴羣耳及爲君歿

孫齊之松音堂集  
友萬里負骨竟有鐵石心腸豈惟山人抑且國士  
董子崗於荆溪盍簪毛鄭甫自金陵贈縞晤言何遽  
契闊何深董則鍊達先朝惜未見蔡邕獨斷而竟  
以貧歿遺書散亡毛則以急難友誼故辛苦獄中  
若更有急難者鄭甫當不至此乃知我輩不可無  
郭元振又不可無魯國孔融

古鏐自 家無美唱之文采得不寂寞曾與詩笥往  
還僅見金張二君金則季野春秋張則子國顏子  
倘有宋玉景差復出無美遂爲詞賦之祖矣

陸無從聞其獨步江都嘗於黃淳父座中目擊而已  
不交一言然其佳句有云匣有魚腸堪借客座無  
狗監莫論文其人已可想見

茗溪戚元佐未知爲何許人迺能知僕於明妃曲隴  
頭水等篇賞識獨至謂爲絕倫方欲締交而遽云  
但謝冥冥之中負此良友

答僕此編祇爲懷感宣情非爲人物著論故交  
籍未通則雖聲實俱敷何由賞識晤言朝夕  
則復情款已至不俟記存知此則不必爲孫

盛續陽秋矣藝林餘響有山人馮子潛吳繼  
賢其人皆款實可交

答賓戲難春月食筭

宜辭非爲人少者能對文

時惟芳月嘉賓來集山厨乏供茗筍聊給客有戲問  
於主人者曰聞先生有東南之美修竹一區青如琅  
玕美如珊瑚西山朝爽此焉霏微先生何芳時斲筍  
摧其萌芽先生急自責緩則旣將加於是主人立自  
責曰唯唯僕誠有過不知其幾請稅前駕更僕以數  
蓋昔方長不折高柴之愚顯父出餞惟筍及蒲父也

何親柴也何疎爾獨樂韓侯之燕胥竟忘魯儒之樸  
愚筍者君子之子茗者荼苦之族君子何功荼苦何  
穀爾何漱君子之芳潤甘荼苦而不毒以燔以湘虛  
心實腹豈不聞渴莫飲潁川水饑莫食玉山禾忌居  
身之太潔貴濁世而同汗今竹葉乃賢人之祿竹實  
固鳳凰之腴舉世皆吞腥而啄腐類鴟鳶之嚇鼠爾  
何獨傲賢人之中聖擬鳳凰之啄黍且其下有錯節  
虬龍所蟄委蛇蜿蜒羊腸九曲爾又何斷盤錯以甄  
利器不虞莫邪之傷缺彼孤竹有子夷齊是名非時

不食於今尚稱爾何但知孤竹之有節不識夷齊之  
爲清言未畢客撫掌大笑引白而謝之曰使先生自  
責迺反自譽我欲辱卿卿先辱我矣於是遂結爲三  
徑之交如竹箭之有心歷霜雪而不變味清真而日  
深

非斬曲几文

有序

柳先生子厚傷時枉曲激昂抗直之風衰乃寓言  
於文欲斬曲几以激揚斯世其大旨則以曲几憑  
伏病廢爲不祥余傷其好直之意則是惡曲之旨  
則非作非斬曲几文以附先生非國語例其詞曰

柳先生旣謫南夷神凋意瘁不異湘纍傷時枉曲懷  
忠見疑寓意曲几拔劍吐辭迺言若曰后皇嘉命植  
物惟直龍門之桐孤高百尺聖王利用納祥輔德詩  
歌几筵以燕耆碩胡此曲木好生欹側哀泉漱噴淒  
風蕩射迴薄震撼千古一息蹇產乖離屈埋沈抑童  
山採木不顧匠石厥有病夫僂僂踈躋高枕支頤危  
坐妨膝乃眷曲木像形取適就此輪囷捨彼方直此  
焉不誅民德恐僻几鮮曲辭直攄胸臆曰人生一世

孰無緩急况此隙駒艱虞孔集陰陽既錯災沴相薄  
聖人既生大盜日興人情世諦煽灼薰蒸日夜剝斷  
混沌先鑿一旦疾發孽非已作傷心物態舉目涼薄  
昔時把臂曾無款曲膠漆空陳誰可憑託不德不祥  
莫此爲劇惟我憐彼解體酬酢偃仰穴窿攀援犄角  
瞬息逍遙魂恬神漠病者曰祥君德最博解我天殄  
藉君盤錯而况老癯羸疾几杖必先支離會最天真  
獨全落魄失志鬼神所憐故有朱顏美少從席蛾螭  
追懽命酌羅襦芳芬彼直趨召如錦作裯華髮梨面  
高堂自悲止如稿木支撐酸嘶我獨不去曲扶巔危  
劍客俠士心懷不平三斗壯膽噫氣蜺生彼直趨召  
任意縱橫續息才屬奄奄病軀霧山採藥未進刀圭  
我獨不去曲引岐俞西京七貴炙手可熱玉堂金鋪  
高門戟列方春燕喜蘭麝酷烈彼直趨召揚眉吐舌  
逐臣羈客山藪托跡別鶴喚空哀猿嘯側歿灰不然  
瞬息已熄我獨不去曲娛晨夕凡此諸德曲何負直  
且我觀大道屈伸曷窮姬文韜光殷箕毀容公旦迂  
身孔聖曲股隨時曲折與道汗隆首陽非拙柱下誠



孫齊之松龍堂集  
工人皆知有用之用而不知無用之從曲者所以全其直塞者所以致其通龍蛇不螫不能藏身尺蠖不屈不能求伸亢直矯厲道家所忌蜿蜒委蛇處世之宜渾樸者至道之要美好者不祥之機故此一曲几也不用則誅殛斬刈用之則萬乘之器敬布直懷冀蒙曲庇

東海若之臭瓠辨

東海若之臭瓠其穢其狹其幽冥其安故不遷爲糞壤爲蟻虻爲堅石柳州先生述之備矣一日東海若見柳子之文而驚曰噫嘻乎予何忘是臭瓠之臯不誅逾千年也乃議流之西弱水流沙之域俾沈溺墊沒隨風流行達之八紘之表以禦魍魅無得汗此中國戒行有期東海之波臣聞之則介雲將師而謁諸東海若曰以臣觀之東海莫公平安分善揚海若之譽如臭瓠之德者而若一何誅之暴也東海若復大驚曰怪哉臣胡瞽亂若是有說則臭瓠并生無說則波臣并歿波臣仰而笑俛而嘻而言曰臣安敢無說哉夫臭瓠之德亦極污巖耳顧能自安其穢不敢以

穢大海也自安其狹不敢以狹大海也自安其幽冥  
不敢以幽冥大海也及若欲抉石破瓠盪羣穢於大  
荒之島而同之清流也則瓠復自安其分突然而往  
終古不敢言變其德者彼豈不知冥腐之可畏清明  
之可滛而思一日自洗濯其惡哉誠內顧其德不敢  
以自同於清流耳且以是瓠而浮遊於大海也大海  
不加污焉益足以昭若之大揚若之芳馨予故曰東  
海之中莫公平安分善揚海若之譽如臭瓠之德者  
若縱欲誅是獨不見東市之贅蛙乎夫東市之井有  
賈禽焉爲賈於東海之澇拮据捋羽尾樵條爲巢  
六十年而始克家東海之百貨咸輳積以累鉅萬計  
而禽之贅爲井底之蛙思欲盡攫井禽之室而無由  
也乃螻虻於井禽之腹糞壤於井禽之役堅石於井  
禽之蓄藏靡不甘也靡不忻也以蠱井禽之家於是  
果盡攫井禽之室不遺錙銖窟而藏之井此亦足以  
污蠱其身矣猶未也而乃幻爲淫哇之音安忍爲之  
以亂井禽之胤使井禽之鬼爲若敖氏此亦足以污  
蠱於物矣猶未也而乃澎腹攘臂而怒號於井梁曰

予蛙之德莫馨若世皆穢予蛙之德莫廣若世皆狹  
予蛙之德莫明且達若世皆幽冥且拘躑躅而噫氣  
恣睢而滿意適一鷓雛之禽過而憐之呀之曰來汝  
井蛙予將濯磨汝於東海之清流矣則復澎腹攘臂  
而嚇之曰東海之波孰清流予者得予之清則鷓雛  
之腐鼠皆鸞鳳之食矣汝疾去毋亂吾業鷓雛之禽  
爲弗聞也者而去之曰彼井蛙之王長也而亦天之  
戮蛙也然則東海之臭瓠特形累耳未若東市贅蛙  
漸於肌浹於髓腊於腎腸沈錮於膏肓而不覺也向  
使井底之蛙與臭瓠絮芳比潔則臭瓠之不爲許由  
之瓢者幾希矣奚啻魏王之大瓠且蛙之藏東海  
之波及也則亦東海之治也今若也垢疾不藏蒐慝  
不殄錯天之紀亂天之刑是謂反常上帝將誅東海  
若矍然改容而遽謝曰微子予幾干上帝之誅哉乃  
亟赦臭瓠不誅誅東市之贅蛙而東海之風益清

自誓文

僕年來因念齒髮漸長恐辜平生遂絕意家人生產  
一心舉子庶幾得之甚至失高堂定清之儀割懷中

珠玉之愛心誠喪矣計誠僻矣而終不能得由是始知舉子一節不但害生伐性之利斧其寔蠹倫傷化之霧藥也僕今已四十有四倘且不知愧恥更復爲之從此卽便有得亦當四十有八中間尚須勞筋苦骨矻矻不休不知俟河之清人壽幾何而况已猶可言謂親奚若人生念此真可以痛爽傷心五內俱裂腸一日而九迴髮須臾而盡白者矣於是僕少亦靜者今更知非悼前鑒以躑躅慨餘年之可追遂效古人告墓之誠竊吾祖遂初之義深心自誓期自今以往卽當斷棄業根永付水火言一笑一順母氏以爲歡爲詩爲書陶性真而自得更爾計先人敝業之餘採晨昏應物之暇伏臘旣釀友于可親澗沚羞毛朋賓聊給乃相與二三同志高談胸襟笑傲濁世蒐獵百氏之精英洞鑒作者之玄境登玄圃萬玉之場摘少室三花之藥迴視曩昔濁障不啻若啄腐吞腥癡鳶嚇鼠當此之時雖有豺狼百萬塞途咆哮能距我之行終不能奪我定中之樂縱有波瀾千疊頃刻變態能易我之觀終不能移我慧中之見今顧乃釋此

之宜爲而久不爲從彼之不宜爲而久爲命也傷哉  
命也傷哉於是誓言旣畢遂歛衽端坐而作偈曰何  
當偏執性自棄薰蘭芽一覺苦海非永入清涼界

不談世事引

人生百年如白駒之過隙耳况爾乖情離索雅晤不  
常兼僕懶慢相成良朋罕至倘得二三同志惠然來  
顧乃不啻隙駒中之歲鳳和鸞矣卽復規以德義娛  
以藝文猶恐負班生之永夜失長統之昌言也其或  
叅以世務間之俗情無乃歲鳳爲予以乖音和鸞顧  
予以失步乎用茲自警揭諸座右謹緘世俗之鄙語  
敬聽君子之德音

冰壺館紀夢

彊梧單闕歲之玄冬夢家藏之古登中忽產丹霞予  
採其霞置袖中祝犂大荒落歲之青陽月夢倭國之  
君來我中國持丹墨古鏡買云丹墨是彼國真女子  
將神光水點成鏡是古籩豆所鑄售予予懷墨袖中  
把鏡西鑒明析秋毫又夢

今天子幸邑中欲鼎建新浮圖予臣對曰邑舊浮圖

卽天下第一無用夏建子遂登九級浮圖歲之白藏  
月夢三人饋我祀聖之玄胙侑以八閩之扇文山之  
管又夢得一寶劔劔是昔周山人贈皇甫仲君者其  
刃則青蓮之寒鏐其柄則黃栗之英瓊孫生得夢喜  
曰此皆文章之祥乎

紀異

萬曆丙戌之秋未獲淫潦之後繼以積陰民間薪米  
騰踊而薪益甚幾尺朽重尋桂至嘉平月復多陰民  
益困是歲於小歲夜立春當乙夜許卽大雨如夏月  
達旦歲夜雨稍間歲旦陰無日晚刻煖甚如暮春許  
候昏時卽雷電交作乃大風颺屋瓦至朏日月平如  
仰盂色微赤如初升日與長庚相竝行是後惟昏時  
見月至人日陰稍開穀日陰次卽細雨濛密如霧不  
休次卽雨雪襍下至元夕甚遂雨木冰次日寒甚鷹  
隼皆伏不能飛余家萬年枝上葉葉皆成水碧余元  
夕詩云銀燭家家深雪映冰花樹樹百枝懸乃詠其  
寔憶記歲戊寅之冬余遊荆溪苦寒特甚先之木介  
繼以大雪盈數尺許連縣至長至日始晴皎夜月白

如畫故歌苦寒行行路難不絕口而余詩則有霰雪  
長途盡梅花野岼稀之句云旣歸復數尺雪予家庭  
下松爲雪所摧一枝懊惱甚故嘗柬友人云六微霽  
亦忌我百年老榦皆實迹也次歲卽大浸稽天者二  
年而戊寅之秋九月蚩尤旗見西南彗東指如突煙  
幾竟天自斗牛疾行貫紫微庭歷百二十日餘復有  
白雲如截肪百千遍極南北下俱東西長竟天南北  
望之極柔榆下莫窺其際竟三日不散說天者以爲  
此月衙與蚩尤旗皆水兆由今觀之則雖無月衙蚩  
尤之異而太白晝見兼之木冰商羊又將舞吳會矣

合修興福禪林招真道觀疏

伏以珠宮寶刹法門之崇供雖殊玄旨空宗真詮之  
要妙本一執其殊者則喪彼我於亡羊會其一者乃  
混玄同於得兔總是息心之淨域俱爲度世之靈源  
顧象教興衰一歸冥運而振揚功果必俟偉人茲有  
姑蘇郡直北之古虞山者遡崑崙而來驚月窟非遙  
拱若木以旁臨日華偏麗仙谷霧巖之所交蔚瑞氣  
祥光之所挺異是號人世之靈山亦曰蓬萊之別島

迺若其最都者山之北麓則有興福禪林東麓則有  
招真道觀卓絕寰中標雄江左證霧真今法寶代不  
乏人述古迹兮幽踪書難具美若禪林則捨宅自榔  
首悟緣之日錫名由梁皇懺佛之年觸紫澗以成霖  
老龍聽偈吼蒼林而拔箭猛虎駝僧破衲殘經之高  
宿分明支遠潭影山光之妙句宛似許孫若道觀則  
玄元老君親來化現昭明太子首屬品裁星檜雲梯  
真是仙人洞府劍飛丹化不殊上界風光服食以成  
真者追緱嶺吹笙之駕霧通而感應者步龍山謁帝  
之文可奈胡運值衰魔兵遂熾 聖皇御極火劫未  
消遂使桂殿松廊半作艸萊衰徑雁堂龍藏都成狐  
兔荒丘如來面目土埃中樵採者愴焉而出涕真宰  
衣冠風雨際登攀者惘然而興嗟盡謂法輪將整定  
遇轉輪之朝復云玄教將興應在崇玄之代今幸遇  
我 皇朝殷味道含醇之風懋興衰舉墜之政將啟  
玄關於再朗維釋筏以重航於是則總憲分牧膺繡  
斧而糾察百僚者蒞中朝第一名流郡伯邑侯擁畫  
輪而子來萬姓者來南土無雙國士故於遊刃運斤



之暇總二教之支條當絃歌俎豆之餘按十方之蠹  
敝且念自白馬駝經而後未必舍利光普生蘭若從  
青牛渡關以來何能真人氣徧吐丹房猶且寺寺重  
新區區鼎建豈若茲人與地而俱霧獨膺淪替華與  
實而竝茂可廢葺興遂允諸朝紳庠彥之請信彼耆  
年稚齒之心因命比丘某等振鐸揚鈴周四門而乞  
施道士某等修齋焚誦歷下界以祈財但願略訪布  
金迦衛功德優不在須彌山下無勞種玉藍田珍寶  
當只在方寸地中若使三車出宅須教七寶盈車但  
看化鶴來家優遣飛蚪纏鶴他年姓字必掛仙曹宿  
命根緣應生佛國欲結無量之勝因聊致一函之短  
疏

重建古杭雲居寺觀音閣文

蓋聞慈雲遍覆處處容金粟之身慧照普宣在在息  
如來之駕然必法相之瞻依得地則使心相之受持  
不撓故普門之化現非一悉緣我心淨土之莊嚴幾  
何全修彼岍武林西麓有雲居禪寺者勝介於湖山  
出門水月幽分乎窈窕遶足煙霞創始自雲居老衲

依羅樹而結毘邪之菴大盛於中峰祖師薙忍艸而  
葺旃檀之室於是香林衆布樹樹龍鱗紺宇宏開重  
重鷲影標勝幡而孤揭紗清鏡以獨飛招法侶而大  
振空門則林遠之流肩隨而至集勝因而精窮釋典  
則孫許之輩繼踵而來遂使漢宮雲鬢托舍利以生  
光佛頂尼珠建浮圖而合禮蓋不特叢林之選勝固  
亦禪派之宗門也寺舊有觀音大士殿一區正大悲  
超世之淨域爲白業息心之玄津度旣過則寶地盡  
掬秦蕪法將興斯荒楚聿新象構故或振鐸名都歷  
四門而普化或擔囊遠道亘千里而乞緣迺至天意  
乾封濬清泉而得像人思法蔭祈火宅以生涼儒英  
武冠抖擻興大檀樾心朝貴野逸齋潔施優婆塞飯  
於是布地作金似由天雨化殿成閣恍疑海湧闢牖  
則扶桑之日曛曛飛棟則蒼梧之雲吐納翠列羣峰  
盡是西來面目煙開一鏡了涵三界河沙青蓮座上  
藹藹落天中塔影白鳥壇前紛紛墜雲際空花將見  
累性者情地淨則情塵自滅證法者果境圓則果佑  
獨宏自今芥子須彌普增一刹須信空心有相卽非

二因白毫光不從空現優曇色何曾種生但儼法身  
之圓對隨根流以自挹而指實際於真如非名相之  
可究一切妄心信能解脫無邊苦海應時超度我願  
世上人間一心皈命菩薩乃爲偈曰

欲議如來法 如量海潮音 如來說法相

不離色相觀 我在虛空觀 歷遍恒沙界

世諦卽非塵 寂定卽非法 無染亦無著

此是真空心 識達真實性 清淨同蓮花

觀此菩薩身 剎那遍河沙 不礙虛空性

歷劫永無爲 變化無停止 應作如是觀

爲松上人掩關乞糧疏

竊以如來證果亦常棲雪嶺以脩真天人化度不免

寓王城而乞食蓋息跡觀心上丐諸佛而資益慧定

披緇持鉢下丐施主而資益色身總是法門非關世

諦茲有海松上人隱巖者古吳秀宗宿心勇往孤峰

送目卽窺幻海之無涯雙樹結龕了悟欲塵之不染

木響空山萬緣俱寂月明蕭寺半偈聊持但裹足於

翠微不言布施而問道於方丈多集比丘卽厨之鹿

雖來不忍菩提之種雖善非糧是惟諸檀越長者施  
粒成山拋珠作海齋糧月施稍分稊米於太倉福田  
歲增佇結良緣於沙界庶使石上殘經重看對月雲  
中破衲再見朝陽

虞山大石西巖大慈閣記

代趙少宰

竊惟如來雖普應十方而樂因名勝般若雖高超一  
切而妙託莊嚴蓋無住無著卽有諦之真如有相有  
因卽無爲之善用以故西乾瑞刹總擇霧山東震精  
藍孰遺寶像若夫虞山之太石西巖者俯瞰湖光沃  
蕩分明慧照懸空仰瞻壁勢參差了似法雲垂蔭作  
衛則城紆翠嶺標祥則塔映蒼崖碧凝禪眼一泓石  
罅流泉青比佛頭數點林間遠岫蓋本玄天擁劍之  
旁上將褰旗之隙艸萊藏勝泉石畱奇若有待焉於  
是有某比丘者苦空結夏善誘經年萬峰積雪曾獨  
栖身丈室燃燈願同禮佛將建大慈之高閣永安金  
粟之圓通遂向興公乞地卓錫於天台賦中不費道  
林買山結廬於支硎谷口靜裏香銷金鴨盡力焚修  
夜深響振木魚一心禪誦遂令弟子某托鉢披緇隨

緣乞施將使火宅生涼在在覓菩提之種迷途矐日  
人人布福德之田苟悟宿根卽知來果七寶全施不  
須投徧大千片念方興便是功超歷劫跨見蓮龕乍  
湧光圓於彼岬須彌卽看獅座纔莊音匝於恒河沙  
界謹此奉疏各如意吉祥如疏者

談稅略

學者固貴信古尤宜秉鑒古人之言有未必盡信者  
不可爲英雄所欺卽如鍾品論詩古今稱絕然詎無  
遺議難掩慧目夫三品所論專尚五言乃蘇李蔚爲  
五言宗首子卿固少軼少卿獨不可當士龍之於士  
衡耶何獨遺之若曰上品所論文之極致耳則子卿  
得無翱翔劉王潘陸間而何至遂寥寥若此又如士  
衡擬古篇章非不富彩艷非不縟奈酷擬形似拘攣  
太甚了難會心若以古詩參讀豈惟嚼蠟無味抑且  
令人厭去中如玉容誰得顧傾城在一彈又如不惜  
佇立久但願歌者歡等語詞意俱拙其稍精工處不  
過六朝蹊徑耳使漢人見之鮮不僖父士衡雖無作  
可也何得以珠澤鄧林委之蓋平原佳處甚多正在

命題不在擬題也且記室嘗言之矣士衡專尚規矩  
不貴綺錯有傷直致之奇此言精當可爲詩家玄牝  
蓋古詩惟直致胸臆故能真意橫生神奇千古此中  
綺錯何許今士衡全以形格爲障礙安能綺錯較而  
言之不逮文通擬古遠矣知言若彼何卒昧之  
班固兩都賦家之元氣也不特氣雄千古而議論亦  
精絕卓詭平子十年擬之僅得稱雅馴工緻耳譬則  
雲霞絢彩於天豈機中之錦所能擬乃若左思三都  
非不才瞻然多牽率蕪穢排比合鬧之疵使平子見  
之猶未免揶揄耳大病在說魏處無收拾尾亦太冗  
且此非特文章使然兩漢事業人物豈三國所能彷彿  
卽令孟堅爲之必不能上方兩都矣文章之與時  
高下以此

鍾品謂左太冲詩野於陸機非知言也祇當云俊於  
陸機耳善乎謝康樂言之曰左太冲詩潘安仁誄古  
今難比

傅毅賦舞已自俊絕可喜而末別程馬材遂令舞意  
併入馬足此其逸思橫生舞容文態俱入神解卽以

馬喻文所謂天下之馬若滅若沒若亡若失當求之  
牝牡驪黃之外者也意本灼然觀者無訝

王子淵雖曰有俊才亦曰時無枚馬諸公耳其得意  
在聖主得賢臣頌然亦非西漢第一家文字四子講

德論次矣洞簫賦抑又次焉其形容簫聲絕無佳處  
且雜亂無章季長笛賦雖稍祖其制正自佳絕氣亦

奇邁卒如子淵賦簫令人亦何必愛簫聲  
傅毅舞賦輕捷宛然一妙舞在目前而多註家未會

處如擊不致筴總言舞者之輕疾與蹈不頓趾全意  
耳蓋歌者致筴以擊節本至速也而舞者體勢輕疾

其擊拊處尤速不容一致筴猶言間不容髮也蹈不  
頓趾自言舞者不頓其趾猶云絕塵而奔

張華勵志詩云蒲且縈繳神感飛禽此卽養由矯矢  
獸號於林與扁鵲針鵲影意全不必言一中而一不

中如今註家所云也  
顏延年曲水詩序將徙縣中宇縣謂樂縣也故下云

張樂岱郊若云徙都中宇對張樂岱郊全不似六朝  
人語况此序多重樂故起卽以鐘石歌詠與皇王之

跡竝言此字多重樂姑賦唱以戲不煩稱典皇王之  
陶淵明讀山海經詩若曾紘所疑吾了不解也若作  
形天無千歲則了然在目若作形天舞千戚則上下  
文真不相涉何反言之哉此蓋因帝女之天歿故云  
然耳非說精衛既化之後也讀書且不傳信又安能  
傳疑

陳拾遺別李參軍崇嗣詩云四十九變化一十三歿  
生者四十九變化卽易大衍之用數也天地間萬事  
萬物之數孰能逃此一十三歿生卽老子生之徒十  
有三歿之徒十有三也玄黃卽天地也弦望卽會合  
也李陵贈蘇武詩云安知非日月弦望自有時此詩  
大旨以達生爲主其源出自子荆零雨之章言離合  
卽言壽夭也子昂作如此等詩所以絕六代之華靡  
振百家之風骨卓然大雅不羣

文章自有李于鱗王長公遂令乾坤中別具一眼界  
真曠代絕才有扛鼎筆力然舉世效贖學步者不勝  
其醜獨敬美公親爲其弟若友乃能獨攄真意卓然  
成家真所謂豪傑之士



何李在關中洛下雖振起千百年墜緒爲詩家大宗而吳中風會特盛然自迪功以後諸皇甫競麗爭秀而祠部公尤卓絕精邃其得意處一塵不染真有鳳凰千仞意當與古人絕佳處相埒世皆以禪棲匹東覽噫東覽絕矣蓋其高處不但格力正以其神情曠絕會心霞表乃爾此正司勳所深讓故不特子安絕也知子安者亦絕

讀子安之詩不知子安之難及試取今人極得意詩誦過更讀子安詩却令人爽然自失然後知子安之高正如月出蓬萊閩島中豈人世風光所擬

皇甫水部詩清曠罕儷其志意亦復玄曠故其文迺爾悼子兩篇令人拊心痛絕安仁雖云能敘悲怨不能不爲此惻然

左氏釋

宣十二年邲之戰楚伍參言於楚王曰其三帥者專行不獲聽而無上言中上下三軍之帥欲各行己意則勢有不可欲令出於一而使三軍之將佐聽之則有先穀趙同趙括等無上而不可制猶言進退皆不

可也註強說不通等無上而不四隨節言數受容不  
宣三年王孫滿曰天祚明德有所底止言天之祚明  
德也各有極至之時未遽改也軍之相谷谷亦曰意  
鄭穆公云蘭歿吾其歿乎吾所以生也刈蘭而卒言  
若蘭凋謝而歿時吾其歿乎蓋此本吾之所以生則  
吾之歿亦當與之同時也於是果至刈蘭之時而卒  
今按穆公卒於冬十月乃夏之八月春蘭至此正凋  
落可刈耳豈曰自刈之乎且文公所與燕姑之蘭多  
是折蘭爲佩未必是根生者何刈之有刈蘭字又見  
穀梁昭八年秋蒐於紅傳曰艾蘭以爲防蓋蘭香艸  
樹蘭卽非所欲艾而有用則艾於澤中如田獵之類  
是也故曰刈蘭不然生人之所愛而穆公之蘭又文  
公之所貽燕姑之所佩而已之徵也何爲自刈以促  
其歿耶○按此特言刈蘭之時耳註言自刈其蘭大  
謬不然蓋穆公之生以夢蘭徵而當其始疾也猶是  
蘭未凋時故自言云云

文二年狼曠之言曰無勇而黜亦其所也謂上不我  
知黜而宜乃知我矣言我本以勇力求車右若果無

勇而見黜則黜之不爲過是見黜乃其所也若我自  
謂有勇而怨上之不我知則今日作亂而黜是反成  
上之知我矣亂何可爲哉註皆誤

成公十七年長魚矯曰臣聞亂在外爲姦在內爲  
軌此外蓋指三卻三卻在內而曰外者以樂武誣卻  
至欲與楚謀立孫周是作亂於外也

襄十年亦以退之謂退晉也大略言晉師等退耳  
若從之而退則楚之圍我必不能還師以救我猶將  
退也我何利之有焉不如從楚則既可以免楚之圍  
而晉師亦必不違師以伐我矣是亦以退之也何利  
如之

十一年季武之欲作三軍者將分公室也叔孫穆子  
之不欲於始者恐季孫欲專魯政不能令三家共分  
之也故下云政將及子子必不能必盟之而後從也  
註未融此意

十八年諸侯之師伐齊圍平陰而經書圍齊者以齊  
侯在平陰故曰齊以齊侯守平陰故曰圍大而公恐  
十九年大夫先歸者皆反謂反視荀偃之疾非反

二十七年而公怨之言顯誣其君上之失而公怨於大享會間也幸而後亡言必將誅殺幸而後出亡也註皆非

昭公三年叙晏子事有且諺曰此諺字是左傳之辭非晏子之辭也言晏子既使里人反其故宅矣且舉諺以與之言欲其必反也與書無逸乃諺句法極相似

昭公九年夏四月陳災水火妃也而楚所相也此相字是指相水而非相火也蓋楚爲火正祝融之後陳爲顓頊水德之後而火爲水妃則楚當相治於陳猶火之相治於水也

十二年祈招之詩皆楚王問子革而子革答之也句解言倚相之辭想是刊誤

二十年齊使者公孫青曰阿下執事蓋青始以衛侯出奔請命於齊君齊君云未出境則猶衛君也故青致齊君之意欲阿下執事阿猶阿附也猶親比也如此則於將命有關若註言比衛臣下則於使事絕無

干涉

二十一年物和則嘉成謂百物既和則百祥所由興故曰嘉成非嘉樂也

秋七月朔日有食之至相過也恐在日月之行說不在晝夜之短長說

二十二年王子朝賓起有寵於景王人犧實難已犧何害言已爲人之犧則寵飾之盛或招禍難之來是人犧實難也若人爲已之犧則權實由已遂宜獎成其尊貴以遂其寵榮不宜緩怠以生人心是已犧何害也蓋賓孟欲王遂成子朝之貴無使他日已犧反爲人犧悔無及耳

定公四年公及諸侯盟於臯鼬句解說魯主盟不可解此則說經之過也

六年孟孫強爲陽虎請而范獻子曰魯人患陽虎矣孟孫知其必適晉故強爲之請以取入焉此入字是謂孟孫入其言於晉非陽虎入晉

九年夷儀之役公使視東郭書即使犁彌視之也曰乃夫子也吾貺子皆犁彌之辭

十二年夏吾不退於列非在行列之後特不離行伍  
在行列之中耳若在後則殿師以後爲勇其御何爲  
譏之

十三年秋經書晉趙鞅入於晉陽以叛註家以非始  
禍疑之今詳傳意鞅以韓魏知三家之請復而始歸  
絳則其未得君命而入晉陽者果何心哉

哀公二年 謀協以故兆言古人之卜先人後神惟  
人謀之協以故得鬼謀之兆今謀既不協龜安得不  
焦 哭而遷墓言哭於先君之墓而後遷也

六年 再敗楚師不如歿棄盟逃讎亦不如歿歿一  
也其歿讎乎言若戰而再敗楚師不如歿不戰而棄  
盟逃讎亦不如歿歿雖一也然與其退而逃讎以歿  
不若進而敵讎以歿也註家說再敗是退師大不通  
若然則退師卽逃讎也何必分說蓋楚王因卜戰不  
吉卜退又不吉故欲從戰而歿耳  
由已率常言人當如昭王由已以率常不必祈禍福  
於天也

老子釋

老子古之善爲士章云深不可識者言至德淵妙深不可測贊美之詞也非不有其識也強爲之容者亦贊美之意言至德旣不可測若但強寫其形容則如下文所云而已此卽孔子言堯德不可名而所可見者特功業文章之巍煥意非至德之人自爲之容也夫惟不盈是以能敝不新成者言至德之人常持謙抑之心故於萬事萬化一惟能因故循舊而不爲皎潔新奇之行以是炫鬻於天下故曰能敝不新成語意皎然林註大錯

天地不仁章林註雖說得好然亦未爲精察得老子意此不仁二字當與失道而後德失德而後仁意相表裏言天地聖人與萬物萬民相忘於至道至德之中渾然不知有仁故於天地間萬物萬民任其自生自化略不介懷此所謂無情之世太古之時也若說不自有其仁以治天下之仁恩爲芻狗又說淺一塵

了六象章云大矣天不卦春大矣明大矣也卦明體

希言自然章言至道之在天下何俟多言乃有自然之理存焉猶云不假言筌也若云以自然兩字爲希

言則誤矣。餘云不知言空也。若以自然二字爲重，爲輕，根章林註大鑿，祇緣看離字，差了他註好。執大象章云：大象天下往者，大象卽大道也。往卽歸往之也。我能執自然之大道，則天下之人皆歸往之矣。天下皆歸往之，而我能順其自然，隨物而應，不以私智穿鑿害此自然之道，則我與民皆相忘於不識不知之中，何往而不安耶？平耶？泰耶？故曰：往而不害，安平泰也。由此觀之，則至道之妙極矣。樂與餌以下，皆贊歎至道之詞。言有人能樂與過客以餌，則過客上悅而爲之止，留此皆悅其味也。至於此道則淡乎其無味，何乃視之不見，聽之不聞，而用之獨不可既耶？此是老子文章奇妙處。若說音樂飲食客散而止，此有味之味，易窮則不惟文章無味，而亦牽強不通。夫樂餌旣爲客而設，則客散自然止了，豈爲其味之易窮耶？且客散之後，豈能終日不飲食耶？竟不知餌者用之終身而不可去者也。林註大錯。曰：爲心至哉。孔德之容章，此容字非形容之容，乃心容也。猶言孔德之情狀耳。林註未解。



絕學無憂章曰善之與惡相去何若者言善惡之在天下則不可分別太甚甚至善之在吾身則不可自有其善雖然吾特不有其善耳非謂惡亦可爲也至於人之所畏吾豈可不畏而曰恍兮其未央哉語意自明註說善惡皆不可爲誤將欲取天下章此取字不過欲得天下之人心耳卽如堯以帝唐舜以帝虞其垂衣之治正是無爲而取天下處非曰未得天下而欲得天下之土地人民也林註非是其說譬喻大道尤非是道至於天下王極矣何尚皆譬喻哉

或問申韓出於老子曰此自申韓借老子之意以文其刻深之術非老子之意本自有申韓也如聖人制仁義禮樂何嘗欲使後世有大盜而大盜者自竊聖人之仁義禮樂以文其姦耳太史公文字有累言之而不復有一言之而意足者其叙三家學術只老子深遠矣五字已剖盡三家精髓更何俟多言若其自敘中則專以孔子與老子對言此便見太史公本意今三家之學絕不全而與之全傳正見古人之學有

相似而絕不同者後世帝王不可爲其所欺此正是  
太史公深遠處而宋人輒指道德爲刑名宗祖是老  
子術不申韓而論老子者則又深切申韓矣不知柱  
下玄仝一老脩爲許大年紀何復及此參夷之誅  
或問管子與淮南孰優曰淮南多論大道管子則專  
意富強安敢望淮南但淮南皆摭拾諸子之言在子  
書中一類家耳管子則自成一家言以此不同然則  
戴記亦摭拾也曰戴記傳聖人之精微淮南竊諸子  
之緒餘豈可仝年而語其所仝者僅一月令耳人知  
戴記淮南月令同出於呂覽不知呂覽前元有此書  
覽特附益之以事類耳此等文章豈戰國人所及觀  
之夏小正可見矣

六夏小五河具集

豐物湖益之 以事職中 此華天章 世輝國入 故又職

煥晴武南月 今國出外 昌觀不 故又職

馬興氏

館藏

